

WANTOK

Wan Wik, Novemba 13 - 19, 2003

NIUSPEPA BILONG OL PNG STRET

Namba 1531 - K1 tasol

**JEKPOT
K500
PAINIM
BAL NO.8**

INSAIT
p2... Ol saspandim biknem plisman Vaki
p5... Lukim Vanila ripot namba 10
p19... Buai maket sevim planti lain

Lukim ol
Provinsel
Gem poto-
p28



Baing kamap Deputi PM

Yakam Kelo i raitim

GAVMAN bilong Somare i rausim namba tu Praim Minista Dokta Allan Marat na lida bilong Pipels Leba Pati Peter Yama long dispela taim nau we gavman i laik kamapim nesanel baset bilong 2004 na tu kamapim ol sampela bikpela lo bilong palamen na kantri.

Taim Somare i kamapim dispela senis, em i makim tu ol nupela Minista long kisim ples. Andrew Baing nau em Deputi Praim Minista na em i holim yet wok bilong em olsem Minista bilong Fiseris. Mista Baing tu em lida bilong Pipels Progres Pati (PPP).

Memba bilong Pomio Paul Tiensten nau em Minista bilong Tred na Industri na memba bilong Tari Pori Tom Tomiape em Minista bilong Leba na Emploimen.

Ol dispela senis i kamap long kisim: sapat na sanap wantaim bilong ol arapela pati we i stap nau long gavman.

Ol toktok i kamap tu long senisim Minista bilong Fainens Bart Philemon na makim lida bilong Pipels Nesanel Kongres (PNC) Peter O'Niell. Tasol dispela ino kamap.

Long dispela Novemba bung bilong Palamen, gavman bilong Somare bai traim gen long kamapim lo bilong surukim vot i nogat bilip i kamap long tripela yia bihain. Dispela em olsem sapos dispela lo i kamap, bai gavman i stap long pawa inap tripela krismas pastaim long vot i nogat bilip i kamap long dispela gavman. Gavman i bin traim pinis tasol em i sot long namba bilong mekim dispela i kamap Lo. Pastaim em gavman i save holim vot i nogat bilip long 18 mun taim gavman i kam long palamen na kisim pawa.

Narapela bikpela samting tu em long kamapim nesanel baset bilong 2004. Tasol sapos gavman i nogat namba bai ol i no inap kamapim ol dispela samting na dispela bai soim

olsem gavman bilong Somare i nogat namba na strong.

Long dispela wik gavman bilong Somare i traim long amamasim ol arapela politikel pati long kisim strong na namba bilong kamapim baset bilong 2004 na tu kamapim tu ol bikpela lo we em i laik kamapim long dispela yia.

Wanpela rot em long rausim wok long sampela minista na givim i go long ol sampela memba bai pati bilong ol i ken amamas na votim gavman long soim olsem ol i sanap strong wantaim gavman.


Olsem na long dispela wik tasol Somare gavman i stat long mekim ol senis long ol wok ministri we Deputi Praim Minista Dokta Allan Marat i lusim wok bilong em olsem namba tu Praim Minista na Minista bilong Tred na Industri.

Minista bilong Leba na Emploimen Peter Yama tu i lusim wok bilong em. Nau Gavman i mas amamasim gut Pipels Progres Pati (PPP) na Pipels Eksen Pati (PAP) bai dispela i ken holim strong bilong ol wantaim long dispela gavman.

Pati bilong Bill Skate tu em bikpela pati long gavman na ol i mas kisim sampela gutpela amamas sapos Praim Minista i laik amamasim PPP na PAP.

Lida bilong Pipels Nesanel Kongres (PNC) Peter O'Niell em Minista bilong Pablik Sevis na i gat toktok i kamap pinis long givim em wanpela bikpela wok Minista long dispela senis. Tasol dispela i no kamap.

Mun Novemba long olgeta yia em taim bilong olgeta gavman long pawa long bungim bikpela salens. Em taim bilong amamasim olgeta memba bilong em insait long gavman nau. Bikos sapos em i no kamapim baset, em bai sem nogut long ai bilong ol pipel bilong PNG. Olsem na em i mas amamasim olgeta pikinini em i gat long haus bai ol i ken amamasim na sanapim haus long dispela taim.



Amamasim
win bilong
Miss PNG...

Wantok
SSH Current Shelves
UC San Diego
Received on: 12-03-03

BIKPELA resis bilong ol yangpela meri aninit long PNG Red Cross, Miss PNG, em i wanpela bikpela samting stret long ol meri husat i save resis long en. Dispela yia, Miss MRDC, Cynthia Asi i winim dispela resis taim em i winim tupela taitol bilong Miss PNG na Miss Charity Kwin. Olgeta 9-pela meri husat i sanap long diapela resis i bungim moa long K450,000 olgeta. Long dispela piksa, Miss PNG Cynthia Asi i amamas tru long winim dispela taitol na i sanap wantaim ol sapota bilong em.
POTO: JOE IVAHARIA

Taim yu baim wanpela **WORKMATE GENERATORS** bai yu kisim... **FRI VILLAGE PACK**

2x Fluorescent lait, 18W 600mm wantaim plug-in kod na 2x 5m extension rop

Wanpela Pawabod Igat 4pela outlet

Long olgeta generator yu baim, bai yu igat sans long winim tru tru WRC jesi. Dro bal kamap long Fraide 28th Novemba

Brian Bell Shop with a friend **B** I stap long olgeta stoa long kamap

Dispela resis bai kamap long mun bilong World Cup Rugby tasol

PLIS RIPOT

Nesanel Kapitel Distrik:

PLIS Komisina Sam Inguba i egensim tru pasin we sampela lain i bin kilim dai na reipim na bihain kukim haus bilong wanpela famili long Tete Setelmen long Gerehu las Fonde.

15-pela yangpela man i dring spak na kisim mariwana i bin go insait long Tete Setelmen long las wik Fonde na bruk i go insait long wanpela famili haus bilong wanpela Galp publik sevna tasol i ritaia i stap. Na ol bin reipim o bagarapim meri na pikinini meri bilong em, sutim papa i dai na bihain kukim haus.

Komisina Inguba i tok i holim pasim sevnpela long ol dispela kriminel o trabel man husat i bin wokim birua ya. Sikspela em ol Gailala bilong Tapini na wanpela em i bilong Daru. Krismas bilong ol dispela kriminel i stap namel long 16 na 18 yias.

Lae, Morobe:

TRIPLELA yangpela man i stap nau long plis sel long Lae na wetim sas bilong ol bihain long ol plis i bin holim ol taim ol i laik holim ol ka.

Bos bilong ol plis insait long Lae siti Superintendenten Simon Kauba i tok ol dispela bikhet yangpela man i bin holim ol busnaip na gan ol i wokim long ples taim wanpela mobail skwat i bin painim ol na ol i wokim sutaut wantaim ol. Ol dispela raskol lain ya i wok long karimaut stil pasin long haiwe taim plis mobait skwat i painim na stopim ol.

Mista Kauba i tok plis bai was gut na wokim ol spesel operesen long dispela ol hap rot bikos ol i laikim bai pasin bilong stopim ol ka na wokim stil pasin i mas pinis.

Ol saspending biknem plisman Geoffrey Vaki

OL i saspending o stopim long wok biknem plis na Nesanel Kapitel Distrik Plis Komisina Jeffrey Vaki long dispela wik.

Ekting Plis Komisina Tom Kulunga i tok ol i saspending Mista Vaki tasol em bai kisim ful pe yet taim em i wetim kot.

Mista Kulunga i tok ol i saspending Mista Vaki bikos em bin helpim long rausim brata bilong em long kalabus bihain long em i kisim sas long stil pasin na kilim dai narapela man long yia 1999.

Mista Kulunga i tok brata bilong biknem plisman ya em long Philip Vaki i bin stap insait long stil pasin long Nazdab ples balus long Lae we ol bin kilim dai wanpela sekyuriti gad taim ol i wokim stil pasin.

Ol plis i bin holim pasim Philip wantaim foapela narapela long Manus na ol i salim ol i go long Lae we ol i kot na sasim ol.

Tasol ol bin autim Philip long beil we Mista Vaki i bin tok oraitim.

Mista Kulunga i tok Philip i no bin kamap long kot na ansaim ol sas na dispela i mekim Nesanel Kot long Lae i sasim man husat i bin tok oraitim beil bilong en em long Mista Jeffrey Vaki long i no luksave long kot taim saspek i no kamap long kot long diet na taim we ol bin tok oraitim long en.

Mista Kulunga i tok Mista Vaki bai stap long saspensen inap long kot i wokim disisen bilong em long dispela samting.

Metropolitan Plis bos, Emmanuel Hela nau i stap olsem Ekting Plis Komanda bilong NCD na Sentrel provins taim Mista Vaki i stap long saspensen.

Long wankain taim, memba bilong Madang Alois King i tok pasin we Mista

Vaki i wokim long autim brata bilong em long kalabus i kamapim kain tingting olsem ol pipel bai nogat luksave long plis na tu, lukim ol olsem ol i save wokim sistem pasin.

Long ol ripot, Philip husat i bin lida bilong grup i wokim stil pasin na kilim dai sekyuriti long Nazdab long 1999 i no bin kamap long kot na olsem, ol bin sasim Mista Vaki husat i bin tok oraitim beil long brata bilong em, long peim K1,000 fain. Tasol em i no wokim dispela na ol i sasim em long i no luksave long kot.

Olsem na plis fos i saspending Mista Vaki long dispela wik Mande.

Mista King i tok dispela em bikpela samting bikos em i bagarapim nem na piksa bilong plis fos na em bin laikim ansa i sut long dispela samting long gavman.

Bai nogat nupela GG yet

NUPELA gavana jenerel i no inap long mekim tok promis long kisim wok bilong em inap ol i kliarim ol tok-tok na ripot i stap long han bilong ol Suprim Kot, Deputi Sika Jeffrey Nape i bin tokim Palamen.

OL bin sapos long holim seremoni bilong nupela Gavana Jenerel i wokim tok promis long dispela Tunde tasol ol bin stopim inap Suprim Kot i kliarim ol askim we i raunim Sir Albert Kipalan, man we i bin winim vot long kamap nupela Gavana Jenerel long

las mun.

Taim ol dispela samting i wok long stopim kamap bilong nupela Gavana Jenerel, olpela Gavana jenerel em Sir Silas Atopare bai mekim wok yet.

Ombutsman Komisin i mekim wok painimaut na painim olsem sampela samting i no bin stret long taim bilong makim nupela Gavana Jenerel. Na ol bin brukim sampela lo tu taim ol i karimaut vot. Faivpela jas i harim dispela keis na disisen bilong ol long dispela bai kamap neks wik.

PMGH sot long marasin

POT Mosbi Jenerel Haus Sik (PMGH) i sot long ol marasin olsem ol drag na sut na ol saplai olsem han glav, ol bed sit na pilo na ol marasin bilong klinim ples bilong slip.

I nogat mani tu long baim ol dispela saplai na lista bilong ol marasin o drag i wok long i go longpela olgeta-de.

Dispela em toktok bilong Sief Eksekutyutiv Opisa bilong PMGH Dokta Alphonse Tay long ol niusman meri aste.

Em i tok mani gavman i save givim em i no inap na nau ol i nogat mani long baim ol marasin we i ken helpim ol sikman meri long haus sik long orait.

Long wanpela kibung wantaim ol niusman meri bihain long ol i raun lukluk long wok bilong haus sik na tok-tok wantaim ol sista long sampela wot, Dr Tay i tok planti ol dispela ol saplai em ol i beisik saplai na haus sik nau i sot olgeta.

Bikos PMGH i sot long mani tu ol i no inap baim ol dispela ol marasin na saplai samting inap treseri dipatmen bilong Nesanel Gavman i givim em mani.

Dairekta bilong

Medikel Saplai Dokta Babone i tok wanem liklik mani haus sik i save mekim long ol fi ol i save sasim long ol sikman meri yusim haus sik, em i save yusim dispela mani long baim ol liklik samting o drag tasol, bikos em i save baim liklik tasol ol i save pinis hariap.

Ol drag ol i tok olsem ol antibiotics, chlorophemical, ol sut bilong wara beg na tu ol sampela drag we sampela sikman o meri i nidim long ol sik bilong ol em ol i nogat, i nogat tu long eria stoa long Mosbi na sapos em i painim mani em i mas baim long narapela hap na kisim i kam long Mosbi.

Taim ol niusman i raun na toktok wantaim ol sista bosim ol medikel wot olsem Wod 4 na B na TB wot em dispela hevi tu ol sista i bin autim.

Narapela bikpela hevi em long planti sikman tumas na nogat inap bet ol ples bilong ol long slip.

Sampela we ol i tok i ken helpim haus sik em sapos ol inap long apim ol fi long haus sik.

Ol i tok nau ol marasin ol sik man na meri i save kisim em i kos liklik tru long prais tru bilong ol.

Kakao fektori bai sanap long Lae

PLEN long sanapim kakao mil o fektori bai i no kamap long Rabaul. Em bai kamap long Lae.

Planti toktok long sapatim na egensim dispela kakao fektori na watpo em i mas kamap o nogat long Rabaul i bin kamap insait long las tupela mun taim ol plen long sanapim kakao fektori long Lae i bin kamap.

Deputi Praim Minista na Tred na Industri Minista Dokta Alan Marat i bin tokaut long Palamen long dispela wik olsem as long ol bai i no inap long sanapim kakao fektori long Rabaul em bikos long bikpela das bilong maunten paia i pundaun yet long Rabaul.

Em bin tol Yuropien Invesmen Benk (EIB) we i givim K100 milien long kirapim dispela projek i no laikim bai fektori i sanap long Rabaul bikos long das na pipia bilong maunten paia i go het yet long pundaun long Rabaul na dispela

bai bagarapim ol kwaliti bilong ol prodak ol i kamapim long kakao. Dispela em ol prodak olsem kakao bata, kakao paura na kakao lika.

Dokta Marat i bin bekim askim bilong Kundiawa memba husat i bin laik save watpo na ol ino inap long sanapim kakao fektori long Rabaul o Bogenvil we i save kamapim moa kakao insait long kantri.

Dokta Marat i bin tok plen bilong kirapim kakao fektori em i bilong foma Ambaseda Nogora Bogen na bisnisan Sir Soekander Tjandra.

Tupela i bin laik kirapim kakao fektori tasol ol i nogat mani na ol i bin askim EIB long helpim ol wantaim mani. Pastaim ol bin makim Ulaveo long Rabaul long kirapim fektori tasol bikos long das bilong maunten paia we i pundaun yet, EIB i tok nogat long Ulaveo na i laikim bai kakao fektori i sanap long Lae.

TRAIN FOR SUCCESS! Your CIC Certificate, Diploma, or Degree

Gain professional, accredited qualifications with expert British Training. Rapidly gain top jobs and high pay!

Accredited Diplomas (£130 or US\$210):

- English, Management, Personnel, Sales, Stores
- Accounts, Purchasing, Marketing, Advertising, PR
- Business, Hotels, Tourism, Computers, Secretarial

Advanced, Honours & Post Graduate Diplomas:

- Business, Accounts, Hospitality, Marketing, HR

International Degree Programmes:

- BBA and MBA in Business Administration

CIC is fully accredited in Britain and internationally by ODLBC, ICBE, BAQI, AS&T and is Approved by the Papua New Guinea Ministry of Labour & Employment

For a FREE Prospectus write, fax or email to:

CAMBRIDGE INTERNATIONAL COLLEGE
 PO Box 53, Southampton, SO14 0JY, Britain
 Email: info@cambridgetraining.com
 www.cambridgecollege.co.uk
 Fax: +44 2380 337200

Name: _____
 Address: _____
 Age: _____

Feeb include everything you need for success: Manuals, Exams, Guide, Tests, Assessment, Awards

TORO

OL RET-KROS IKAM LONG OPIS NA TOKIM OL MANMERI LONG GNIM BLUT...

SAPOS YUPELA GNIM BLUT, BAI YU KAIKAI OL FRI SWIT BISKET NA DRING FRI SUSU. HUSAT LAIK GO PAS?

MIKAM!

AND! SANS, YAH! MI NO KAIKAI LONG MONING!

NAU TORO EM FESMAN LONG GO INSAIT NAGNIM BLUT...

AIVOD! BLUT BILONG MAN YAH I DRAI NA PULAP LONG MUTRUS NA KLOSU PINIS!

PINKS NAU NES I TOKIM TORO LONG GO KAIKAIM OL FRI BISKET NA SUSU.

ORAIT, TORO... GO SINDAUN NAKAIKAI!

TASOL NOGAT, TORO AIRAUN NA PUNDAUN. HARIAP TRU OL SISTA KISIM BLUT BILONG TORO NA GNIM BEK LONG EM.

OOOHH!

BIHAIN OL I KARIM EM I GO LONG HAUSSIK NA GNIM MOA BLUT.

Gavman na Wol Benk statim wel pam projek wok

NESENEL Gavman i statim pinis wok long wanpela wel pam projek we Wol Benk bai givim samting olsem K87.4 milien kina bilong kamapim long ol rurel erias long kantri.

Dispela projek bai i ron inap long 5-pela yia na bai givim sapat i go long 5-pela wel pam projek we i stap long Popondeta long Oro, Hoskins na Bialla long Wes Nu Briten, Milen Be na Nu Ailan.

Aninit long dispela projek, ol smol holda fama bai kisim sapat long planim bek 6500 hekta long ol wel pam blok na kamapim 6000 hekta long ol nupela wel pam blok long graun we i nogat wel pam long en.

Bai ol inap long kisim ol ekstensen sevis na bai ol meri tu inap long kisim ol blok bilong groim wel pam long en.

Dispela projek bai lukluk tasol long wel pam

pastaim, tasol bai inap long lukluk long givim skul long ol arapela kes krop tu aninit long ol gavman dipatmen.

Projek ya bai lukluk long stretim olgeta liklik han rot insait long ol wel pam plentesin tu.

As tingting bilong dispela projek gavman i laik mekim wantaim Wol Benk em bilong helpim ol smol holda fama long kamapim moa komyuniti developmen long ol rurel erias.

Prais bilong bensin i go antap

PRAIS bilong bensin, disel na spirit i go antap pinis bihain long Indipenden Konsuma na Kompetisen Komisnin (ICCC) i givim tok orait bilong em long ol prais i mas go antap.

Ol prais bilong bensin na ol arapela fiul i stap olsem: moto spirit bai i go antap 7.9 toea long wan wan lita; disel bai go antap long 2.7 toea long wan wan lita; karasin bai go antap 6.3 toea long wan wan lita; na ges bilong balus bai go antap K1.10 long wan wan lita.

Eking Jenerel

Menesa bilong ICC, Thomas Abe i tok olsem ol i bin apim prais bilong ol ges na bensin bihain long ol i karimaut wanpela rivi long ol dispela kain prodak long mun Julai na Ogas.

Em i tok ol arapela samting we ol i lukluk long en pastaim long ol i givim tok orait bilong apim prais em strong bilong PNG Kina egen-sim US dola, prais bilong karim ol dispela samting long balus na prais bilong ol dispela samting i kam long ol arapela kantri.

PSC tokim Maipakai long makim bek Damem

PABLIK Sevises Komisnin (PSC) i tokim pinis Minista bilong Jastis, Mark Maipakai long makim bek Francis Damem i go long posisen bilong em olsem Atoni Jenerel bilong PNG.

Insait long wanpela pas i go long Mista Maipakai, PSC i tokim em olsem em i no bihainim lo taim em i rausim Mista Damem long wok.

Mista Maipakai i bin rausim Mista Damem long dispela posisen bihain long Mista Damem i bin tokim wanpela redio stesin long Australia olsem i gat planti hevi wantaim ol lo bilong konstityusen bilong Bogenvil.

Ol dispela toktok Mista Damem i mekim i no sindaun gut wantaim ol lida na memba bilong Bogenvil husat i tok olsem Mista Damem i rong long mekim dispela kain toktok taim ol wok bilong kamapim gutpela sindaun long Bogenvil i no pinis gut yet.

Bihain long ol i bin mekim dispela toktok, Mista Damem i bin kisim planti strongpela toktok i kam long ol memba na lida bilong Bogenvil.

Mista Maipakai tu i no wanbel long Mista Damem i mekim olsem.

Long Mande long dispela wik, Mista Maipakai i bin

tokim Mista Damem long lusim opis bilong em na givim bek olgeta samting bilong steit olsem kar na mobail telefon.

Em i bin stopim Mista Damem long go bek insait long opis bilong em tu.

Long Tunde, loya bilong Mista Damem, Greg Sheppard i salim wanpela pas i go long Mista Maipakai na tokim em long senisim disisen bilong em.

Sapos nogat, Mista Damem bai kisim i go long kot bikos em i no bihainim gut ol lo i karamapim ol minista i rausim ol dipatmen bos long wok bilong ol aninit long Pablik Sevis Menesmen Ekt.

Madang distrik kot sasim kago kal manmeri

DISTRIK Kot long Madang i sasim 9-pela man na 5-pela meri husat i save lotu long wanpela kago kal we ol i save rausim olgeta klos bilong ol na holim na pilai wantaim skin bilong ol yet.

Kot i givim oda long wan wan long ol dispela lain long baim K50 aninit long dispela lo ol i kolim indecent exposure long tok inglis o rausim klos long pablik ples o long ai bilong ol narapela manmeri long pablik.

Kot i harim olsem ol dispela lain i save go bung long wanpela kain lotu o kago kal we ol i save rausim olgeta klos bilong ol na lotu long wanpela man ol i save kolim em long

'god' o 'black jesus'.

Ol i tok olsem ol i save rausim klos bilong ol taim ol i bung na holim skin bilong ol yet. Ol i tokim kot tu olsem ol i save mekim ol stetyu long makim ol sem bilong ol.

Plis long Madang i tok olsem ol i kisim sampela ripot long ol man bilong ol meri husat i save bihain dispela kago kal olsem ol i no wanbel long ol meri bilong ol i save bihainim dispela man i go pas long ol na ol i save silip wantaim em na kisim bel long en.

Bihain long ol i kisim ol dispela ripot long ol dispela man, plis i bin go holim pasim ol lain ya bihain long ol i opim wanpela 'kalsa senta'.

Moa takis antap long mit i kam long ovasis

LAIPSTOK Developmen Koporesen i wok long lukluk long apim takis long ol mit we Papua Niugini i save kisim i kam long ol arapela kantri.

Mak bilong dispela takis ol i wok long lukluk long en em 10 toea long olgeta wan wan kilo ret mit o mit bilong bulmakau, sipsip o pik.

Sapos ol i kamapim dispela 10 toea takis antap long ol dispela mit mipela i save kisim long ol arapela kantri, prais bilong ol insait long stua bai go antap tu.

Dispela hap takis em ol lain long Laipstok Developmen Koporesen i laik putim long strongim wok bilong laipstok industri insait long kantri.

Menesing Dairekta bilong Laipstok Developmen Koporesen, Veari Maha i tok olsem Papua Niugini i nogat inap bulmakau bai mipela inap long salim kau mit bilong mipela i go ausait long ol arapela kantri.

Tasol asosiesen bilong ol fama husat i save lukautim bulmakau i tok olsem PNG i salim

mit bilong ol i go pinis long ovasis taim tripela bikpela oda i go aut long kantri na i go long Philippines.


Ol i tok olsem ol i wok long redi long salim namba 4 oda i go klostu taim.

Mista Maha i tok olsem laipstok industri inap long mekim K130 milien kina long salim mit i go long maket insait long kantri na ovasis, tasol gavman i no lukautim gut.

Em i tok sapos industri i strongim wok long saplaim mit insait long PNG yet, dispela 10 toea takis bai helpim laipstok industri insait long kantri.

Mista Maha i tok olsem ol bai lukluk long opim gen ol ples bilong kilim na katim ol kau long Lae na Pot Mosbi bai ol inap kamap gutpela aninit long ol intanesenel lo na bai ol i mas gat ol gutpela menesa long lukautim.

Sapos ol i opim gen ol dispela ples, planti long ol liklik fama husat i save lukautim ol bulmakau, sipsip na pik bai inap long sevim mani long katim ol mit bilong ol long salim.



OL SEPIK ol laki lain tru. Ol dispela lokol level gavman kaunsol husat i bin go long Madang long lukim wanpela bung namel long Madang Gavana James Yali na Prais Minista Sir Michael Somare i kisim taim bihain taim memba bilong Wewak, Kimson Kare i askim ol i kisim mani long we na ol i go long Madang. Tasol ol boi nogut ya i tok ol i no yusim wanpela mani bilong provinsel gavman. Na ol i kisim mani long we? Ol i putim bet long hos namba 12. Ol pukpuk tu ya.

Ret kapet long stail bilong Manu. Bikman bilong Helt Dipatmen na ol lain bilong WHO na AusAID i kirap nogut long lukim ol han bilong diwai i sanap antap long solwara. Ol dispela diwai i no gro long hap, em ol lain long ples Loya i bin sanapim long welkamim ol wantok bilong ol long narapela peris long wanpela bung bilong sios. Kain welkam em olsem ol king na kwin i save kisim long ol arapela kantri ol i kolim Ret Kapet.

OL Manu i no save painim nem. Bikpela ailan we Momote ples balus i stap long en em nem bilong em Los Negros (olsem lost negroes long tok inglis). Orait wanpela ples long Los Negros yet em Chicago. Yu bai ting yu stap long USA ya! Long hapsait Admiralti ailan we bik taun Lorengau i sanap, em i gat wanpela ples we ol i save kolim Talasea. Dispela yu save, ol hap kandre long Talasea long Wes Nu Briten i sanapim pos long hap olsem na ol i kolim ples ya Talasea.

Plantu man i bin lukluk long EMTV long Sande nait long lukim Miss PNG resis. Tasol planti i tok olsem resis long dispela yia i no olsem ol resis long ol yia i go pinis. Ol meri husat i save sanap long dispela resis long bipo i save lainim gut stail bilong wokabout na werim kolos. Na planti long ol i gat liklik save long het bilong ol. Tasol yumi mas amamas olsem ol i bungim bikpela hap mani tru long helpim ol lain turangu husat i save kisim helpim long Red Cross insait long kantri.

Ren i kamap pinis long Mosbi siti, na i kam klostu long Krismas taim tu. Ol skul manki i stap long malolo. Toksave i go aut long ol lain husat i save draivim kar. Taim bilong ren em i taim bilong ol kain kain hevi na birua i save kamap long rot. Sapos yu ronim kar, draiv isi.



Nupela NARI het opis i op. Nesanel Agrikalsa Rises Institut (NARI) i opim nupela het opis bilong ol long Buba ausait long Lae long Mande.

Dispela nupela het opis bilong NARI i kamap long helpim bilong European Yunion (EU) na gavman bilong Australia aninit long Hai Komisnin bilong ol.

Opening bilong dispela nupela het opis i lukim ol nupela kain gaden kaikai tu i kamap. NARI i save mekim wok long kamapim ol nupela kain kaikai bilong PNG, na givim skul long lukautim ol.

Prais Minista Sir Michael Somare i bin opim dispela nupela opis bilong NARI na em i bin raun lukluk long ol nupela gaden kaikai i bin stap long hap long Mande.

Foto: OPIS BILONG PRAIM MINISTA

Sir Matiabe Yuwi amamas long labo kamap Sauten Hailens etministreta

.../ no amamas long ol kauboi

Paul Zuvani i raitim

OL lida husat i makim nupela etministreta bilong Sauten Hailan provins, Brian Pepo i bihainim pasin bilong ol liklik manki long mekim apoinmen.

Ol i olsem ol aipasman husat i kalapim na brukim ol bikpela lo long mekim olsem, Sir Matiabe Yuwi OBE K.B. E husat bipo memba bilong Tari i tok.

Em i no amamas na wari long kain 'kauboi' pasin ol nupela Memba i save gat long mekim wok bilong ol.

"Tasol mi amamas long Nesenel Eksekyutiv Kaunsel i makim olpela etministreta Uhae labo long em i kisim gen wok bilong em olsem etministreta na pinisim taim bilong em long wok," Sir Matiabe i tok.

Em i mekim dispela toktok bihain long ol toktok i kamap

long nius olsem Gavana Hami Yawari i no amamas na i bin traim long stapim tingting bilong Pablik Sevis Minista Mista Peter O'Neill long makim labo.

Em i tok kain pasin bilong gavana i soim olsem mipela i gat ol lida we ol i "liklik mangi" tasol.

"Mi gat tupela wari we mi save tupela inap long bagarapim sindaun bilong ol pipel," Sir Matiabe i tok.

"Namba wan em ol lidaman i wok long gat na kamapim ol kain tingting bilong ol mangi. Na olsem sapos dispela i tru yumi save olsem sapos man o meri i gat tingting bilong ol mangi em bai i no inap tingting gut pastaim bipo long em i mekim ol samting. I olsem em i no inap skelim pastaim sapos samting em i mekim i gutpela o nogat. Namba tu wari em planti mani i wok long lus nating taim

gavman i baim planti man husat i mekim wankain wok long wanpela taim.

"Long wanpela hap mipela i harim olsem gavman i tok em i nogat mani na narapela hap mipela i lukim em i wok long tromoi mani nambaut i stap.

"Em wanem kain! Gavman i tok tru o i wok long giamanim mipela tasol?" Sir Matiabe i askim.

"Mi askim Gavana bilong Sauten Hailens (Hami Yawari) na ol narapela Memba bilong Sauten Hailans long wok bung wantaim Nesenel Eksekyutiv Kaunsel.

"Gavana i mas wok bung wantaim labo na kamapim ol wok we labo i gat plen long em. Mi no amamas long lukim provins i gat siksipela etministreta na sevenpela deputi long siksipela yia tasol.

"labo em i ekspirians pablik seven husat i gat save long

provins long taim em i wok olsem kiap bipo.

"Mipela long westen hap bilong provins i amamas long labo.

"Dispela long wanem em i kamapim bikpela bel isi/pasin namel long tupela trabel grup Nipa na Huli. Mipela i save labo bai kisim sevis i go long ol pipel.

"Na nau mi askim Prais Minista (Sir Michael Somare) na Minista bilong Inta-Gavman Rilesin (Sir Peter Barter) long ol i mas kam insait long dispela ol toktok na stretim hariap bipo long ol man i sindaun krangki gen.

"Na mi askim tu Sekreteri bilong Pesenel Menesmen (Peter Tsiamalili) long em i mas tok save long tupela lida bilong Sauten Hailans (Yawari na O'Neill) long ol i mas save long wok bilong Pablik Sevis Rifom program.

Faniyufa viles i strongim yet pasin tumbuna

Sape Metta i raitim

MASKI sapos Goroka So long lsten Hailans i kam na i go pinis long las mun ol viles pipel bilong Faniyufa haus lain husat i bin stap insait long dispela so long singsing i laik go het na strongim yet kastom, kalsa na pasin tumbuna bilong ol.

Dispela tingting i kamap long wanem ol i no laik pasim olgeta tumbuna bilas bilong ol na haitim istap inap narapela yia gen long taim bilong so we ol bai rausim na yusim gen.

Viles komyniti lida long Faniyufa hauslain, Martin Aole i tokim Wantok olsem planti ol pasin kastom i wok long igo hait isi isi. Dispela i wok long kamap long wanem long olgeta yia pasin bilong ol man na meri i wok long senis tu.

Em i tok long dispela as Goroka So long mun

i go pinis i soim gutpela piksa we i lukim namba bilong ol singsing grup husat i bin kamap long so i go daun tru.

"Long ol yia igo pinis Goroka So i save kisim biknem long kamapim ol kain kain singsing grup. Na kala bilong ol singsing grup i save win tru, long wanem planti ol arapela lain man na meri long ol arapela provins tu i save kamap na stap insait long singsing long taim bilong Goroka So," Mista Aole i tok.

Tasol long So samting olsem 50 singsing grup tasol i bin kamap. Na dispela i soim klia tru olsem pasin tumbuna na pasin kastom, kalsa na tredisen bilong PNG i wok long i go hait na lus nau. Em i tok planti ol manmeri na turis long ovasis kantri i save raun i kam long PNG long wanem ol i save laikim tru pasin tumbuna bilong yumi.

Rot i klia long toktok long nupela Bogenvil Mama Lo

Veronica Hatutasi i raitim

ROT i klia nau long go hetim ol toktok bilong kamapim Mama Lo bilong nupela Bogenvil gavman, Inta-Gavman Rilesens na Bogenvil Minista Sir Peter Barter i tok.

Sir Peter i tok em i raitim pinis pas i go long Bogenvil Gavana John Momis na Siaman bilong Bogenvil Konstitusen Komisin Joseph Kabui na askim ol long wok bung wantaim nesene gavman long bihainim wok program we bai larim ol i kamap wantaim gutpela Mama Lo i kam aninit long PNG Mama Lo na tu, ol rikwaiamen i stap insait long Bogenvil Pis Agrimen.

Em i tok ol i mas skelim na glasim gut olgeta samting i stap insait long wok bilong kamapim dispela nupela Bogenvil Mama Lo bilong kirapim nupela gavman sistem.

Planti samting i stap insait long nupela Bogenvil Mama Lo i nupela.

Sir Peter i tok sampela ol samting i stap insait em ol i no nupela long PNG tasol long wol tu.

Olsem na em i tok nupela Bogenvil Mama Lo em inapim ol samting i stap aninit long Pat XIV bilong PNG Mama Lo em i kam aninit long em na tu, skruim ol wok bilong painim

gutpela sindaun long Bogenvil.

"Nupela Bogenvil Mama Lo i mas helpim long kamapim na strongim trupela gutpela sindaun," Sir Peter i tok.

Sir Peter i tok em i bikpela samting nau long developim o kamapim na go hetim dispela nupela Mama Lo na ol pipel bilong Bogenvil husat i bin bungim hevi na nau ol i wetim dispela nupela gavman long kirap i ken go hetim gut laip na sindaun bilong ol aninit long Mama Lo we ol pipel bilong Bogenvil yet i kamapim long em.

Sir Peter i tok ol kwesten we Baipatisen Nesenele Komiti na Bogenvil Konstitisenel Komiti (BCC) i mas lukluk long em em sapos namba tu draf Mama Lo i kam aninit long Bogenvil Pis Agrimen, PNG Mama Lo na Ogenik Lo long Bogenvil Pis biding na sapos em bai kamapim gutpela fremwok long bringim sevis na developmen i go long ol Bogenvil pipel.

Sir Peter i tok bikpela samting we Baipatisen Nesenele Komiti i wari long em long stadim gut tru ripot we task fos bilong Atoni Jenerel i redim.

"Bai mipela i glasim na skelim gut tru ol samting i kam aninit long sait bilong mipela (terms of reference) na toktok wantaim ol Bogenvil patna.

"Bikos mipela i kisim ripot nau tasol na mipela i mas glasim na skelim, bai mipela i laikim moa taim yet we bai abrusim tupela wik detlain mipela i makim pastaim. Bai mi singautim Baipatisen Nesenele Komiti long toktok long ripot wantaim ol na redim wantaim ol, ol samting we bai mipela i toktok wantaim long ol Bogenvil patna long taim mipela bai yok oraitim long en," Sir Peter i tok.

Long wankain taim, hevi i kamap nau long ol samting i sut long namba tu draf bilong Bogenvil Mama Lo na ol i saspensim o stopim Atoni Jenerel long wok bilong em. Ol ripot i bin kamap olsem Atoni Jenerel Francis Damen i bin wokim sampela toktok long Redio Australia we i no stret tumas na olsem, Jastis Minista i saspensim em long wok bilong em.

Tasol long dispela wik, Mista Damen i tok em bai kisim Jastis Minista i go long kot. Minista Mark Maipakai i bin tok Mista Damen i no bin gat atoriti long wokim ol toktok i sut long Bogenvil i go long media o niuslain bilong ausait kantri we bai bagarapim ol wok bilong painim gutpela sindaun.



Plis Minista i no amamas long Buka plis bagarap

...Hauslain paitim plisman

INTENEL Sekyuriti Minista, Bire Kimisopa i tok rot we ol bin kamapim bagarap long Buka Plis inap long kamapim hevi long gutpela wok bilong painim gutpela sindaun na bel isi pasin we gavman na ol pati long Bogenvil i bihainim long en.

Toktok bilong Mista Kimisopa i kam bihainim ol bagarap we ol hauslain bilong yangpela meri sumatin i bin mekim long autim behat bilong ol taim wanpela man i bin reipim o bagarapim na kilim dai dispela skul meri.

Ol hauslain i bin kisim ol gan long plis stesen, bagarapim ol samting

long opis, kamapim bagarap long wanpela plisman na tu saspek long reip keis. Nau tupela i wok long kamap orait long Buka Haus sik.

Mista Kimisopa i tok sori long dispela samting i kamap bikos dispela nupela Interim Join Supavaiseri Bodi ol i kamapim i stap insait long wok bilong givim moa plis pawa i go long nupela atoriti long Bogenvil.

Em i tok lo na oda hevi i wok long kamap long ailan i no soim trupela pasin bilong komitmen na ol nupela pawa we ol i laik givim long en.

Em i tok i moabeta long ol pipel i luksave long komitmen we nesenele gavman i mekim na stop long wokim ol dispela samting i no bihainim lo.

Tasol em i tok amamas long wok we tupela sief i wokim long helpim ol plis na givim bek ol gan i go long plis. Dispela em gan samting we ol pipel i bin kisim long taim ol i brukim Buka plis opis las wik.

Minista i apil long ol Bogenvil lida long helpim ol plis long ol wok painim bilong ol long holim pasim na sasim ol lain i wokim trabel.

SPICE TECH LTD



P.O. BOX 2031, MADANG 511
Tel: 852 1168 Fax: 852 1169
email:
spicetech@datec.net.pg

**Vanila Teknikol
Ripot
Namba 9**

Pasin bilong makim vanila bihain long maritim ol

Rot bilong makim na skelim ol

Namel long wan na tupela mun bihain long maritim ol flawa, pasin bilong makim na skelim ol bin em bikpela samting.

Lukluk long bandol na kaunim ol bin.

Rausim olgeta sotpela na krukret bin.

Las namba bilong ol bin long wanwan bandol i mas stap namel long 10 na 12

Dispela mak bilong skelim na makim em i bikpela samting long:

i gat ol longpela, fatpela na stretpela bin tasol we maket i laikim ol dispela kain bin tasol.

Long abrusim pasim bilong bungim bungim ol tumas. Sapos i gat planti bin long wanpela han o bandol, bai han bilong vanila i no inap kamapim ol gris bilong lukautim gut gro bilong vanila.


Long taim bilong putim flawa, yu bai i gat planti flawa long maritim moa long wanem samting rop i ken kisim. Long dispela as yu mas makim ol gut we yu ken mekim long tupela kain wei.

Yu ken makim long maritim sampela flawa tasol long wanpela han. Long dispela rot noken maritim moa long 12-pela flawa long wanpela han na makim flawa long opening sait we i go daun (ol stret bin) na ino long sait i go antap (krukret bin).

Yu ken makim long maritim olgeta flawa. Olsem na long dispela rot yu mas wok long wei bilong makim na skelim gut wanem bin yu bai wok long en, we yu ken lukim klia moa long aninit.

Step 1.

Namba wan samting, pulim lebellum i kam daun wantaim nil as bilong flawa long mekim gynstemium i sanap fri.



Moa long 12-pela bin long wanpela han
o bandol

Neks wik ripot 10 bilong vanila

Asples i bihainim kago kalt pasin

Michael Novingu i raitim

PLIS long Madang i holim na sasim sampela lain manmeri bilong Barum viles long Madang provins long mekim pasin kago kalt insait long grup bilong ol.

Plis i sasim ol long stail kago kalt pasin we ol i save mekim long taim ol i kamap bung na lotu long ol tewel bilong ol lain bilong ol we i dai pinis. Na tu ol i save rausim olgeta trausis laplap bilong ol long dua na go insait as nating long bung bilong ol.

Madang Distrik kot i harim olsem ol i save sindaun tupela tupela we man i makim meri na tupela bai holim holim pispis bilong narapela i go kam na tu ol lida bilong grup i save givim bel long ol meri bilong dispela grup.

Dispela komplem i kam aut taim ol man bilong ol meri i gat bel i stat long lukim nogut na komplem long atoriti.

Kot i harim olsem dispela grup i save bung na lotu na wetim ol kago na mani bai i kam long ol. Dispela em pasin tru bilong kago kalt.

Long las wik tasol dispela Barum grup i bin opim Ges Haus bilong ol long soim olsem grup bilong ol i save soim ol pasin tumbuna na i ken pulim ol turis i kam long lukim.

Barum viles i stap insait long Trans Gogol Lokol Level Gavman kaunsol long Madang Provins.

Kodineta bilong dispela grup Mista Mosob Walol i tok as tingting bilong kirapim dispela ges haus em bilong bringim ol turis



• Gavana bilong Madang James Yali i tok em i no save long dispela Kago Kalt grup.

na ol arapela manmeri i kam stap wantaim mipela na lukim viles laip na kalsa we ol tumbuna bilong mipela i lusim igo pinis.

Mipela i laik kirapim gen. Mipela i laik soim ol turis na ol arapela manmeri olsem mipela i holim yet kalsa bilong mipela.

Mipela i save sapim kundu, garamut, wokim bilum, tumbuna singsing na ol narapela pasin tumbuna.

Mista Mosob i tok em i no wanbel long ol bikman bilong Provinsal Gavman na ol narapela ogenaisesen we em i salim toksave long ol na ol i no kamap.

Tasol taim ol dispela grup i go het long soim pasin tumbuna bilong ol i stap hevi i kamap we tupela trak i pulap long ol polisman i kamap na sekim ol haus

bilong ol na pulim 14 man na 4-pela meri ikam long polis stesin long Madang long kwestenim ol. Ol polis i bilip ol i wok long mekim pasin kago kalt.

Wantok i lukim dispela hevi i kamap na i painimaut moa long wanpela het meri bilong dispela kalt grup. Dispela hetmeri i tok: "mipela i gat tupela lida bilong mipela. Mipela i kolim tupela Gavman na Misin. Mipela i save lotu long olgeta Tunde na Sarere moning igo inap nait. Taim mipela i lotu mipela i save stap skin nating nogat klos o laplap bilong haitim bodi bilong mipela. Mipela i wokim olsem na bilip long ol lain bilong mipela i dai pinis bai ol i kam na givim mipela mani na kago. Na mipela i bilip tu olsem klostu bai ol i kam bek na kisim mipela igo."

Yamai papagraun banisim graun

YAMAI Len Grup insait long Morobe provins i laik askim olgeta lain i wok long go pas long makim ol pipel bilong ol na tu kisim ol kampani i kam insait long mekim timba bisnis long stop.

Siaman bilong Yamai Len Grup Olsen Yu-Ne'pe i tok olsem Buhem Mongi eria em graun bilong ol Yamai pipel olsem na ol grup husat i wok long kisim ol ausait bisnis i kam long katim ol diwai i mas stop nau. Dispela eria i stap long namel bilong Finsafen na hap bilong Nawae ilektoret long Morobe provins.

Mista Yu-Ne'pe i tok nau ol pipel bilong ol i rejistaim pinis graun grup bilong ol na ol yet i laikim dispela graun bilong ol i mas stap gut long han bilong ol.

Mista Yu-Ne'pe i tok nau olsem grup bilong ol i rejista pinis, ol i gat wanpela bikpela tingting tasol em long stopim wanem kain wok loging i wok long kamap bikos ol ples lain yet i mas mekim ol dispela loging wok bilong ol yet na salim.

Em i gat tingting pinis long kotim wanem kampani o bisnis i wok long katim diwai i stap long hap na tu kotim ol lain husat i tok ol i mausman na i wok long go

pas long toktok na sainim wanbel wantaim kampani na gavman.

Mista Yu-Ne'pe i tok Yamai pipel i gat bikpela stori i poroman wantaim Yambo olsem na husat ol arapela i ken kam bihainim dispela.

Em i tok i gat ol sampela lain i laik kisim kampani i go insait long graun bilong Yamai tasol ol i no memba bilong Yamai klen olsem na ol eksekutiv bilong Yamai klen i no sanap klostu wantaim ol dispela grup o mausman.

Em i tok bikpela timba eria long Buhem Mongi i stap insait long Yamai graun.

Tasol bipo timba kampani SP Timber Pty na Low Impact Logging Ltd kampani i bin kisim diwai tasol i nogat wanpela luksave stret na helpim stret i go long ol pipel bilong Yamai.

Olsem na nau ol pipel bilong Yamai bai igo pas na holim stret wanem samting i bilong ol stret long dispela graun.

Taim mi stap siaman yet, bai i nogat ol timba kampani o ol giaman-mausman i kam insait long dispela graun na kisim ol samting bilong nabaut insait long Yamai risos eria, Mista Yu-Ne'pe i tok.

Aimo tok Is Sepik asembli i brukim lo

MEMBA bilong Ambunti Drekkia Tony Aimo i tok ileksen bilong Is Sepik Gavana i no bihainim lo yet. Ogenik Lo long lokol level na provinsal gavman i klia long husat tru bai ol i mas makim i go long sia bilong Gavana.

Mista Aimo i tok sapos i nogat ol nesanel memba bilong palamen orait i laik holim dispela wok orait asembli i ken makim wanpela presiden bilong ol lokol level gavman long kamap Gavana.

Mista Aimo i tok long dispela taim ol memba olsem memba bilong Wewak Kimson Kare, memba bilong Wosera Gawi Gallus Yumbui na em yet i bin stap redi na long dispela ileksen, Mista Kare na em i bin resis long kisim.

Olsem na provinsal asembli i kisim rong toksave tru long makim wanpela kaunsil presiden bilong LLG long kamap Gavana, em i tok.

Em i tok Lo i klia tru long dispela na Minista bilong Inta Gavman Rilesens Sir Peter Barter i bin mekim klia tu long ol long Novemba 4 long sanap bilong Ogenik Lo long dispela samting tasol asembli i no bihainim dispela.

Mista Aimo i tok dispela pasin i mekim mipela ol lida bilong Is Sepik i mekim fani long asembli bilong ol pipel na tu mipela i mekim fani long Ogenik Lo bilong kantri.

Mobail skwad bai lukautim Mendi rot

WANPELA nupela Plis mobail skwad bai go lukautim rot i kam long Mendi taun long Sauten Hailans provins i go long Kutubu na Tari.

Gavana bilong Sauten Hailans provins, Hami Yawari i tok em bai lukluk long kisim wangepa plis mobail skwad yunit i go antap long hap long stopim ol raskol i holdap long ol kar i ron long dispela rot.

Dispela hap rot long Pareta i stap namel long Nipa na Poroma

stesen we i stap wantaim wangepa han rot i go long Moro na Tari.

Dispela rot i save gat planti holdap tru.

Oi yangpela man bilong ol lain Matu na Pareta husat i save kamapim ol bikpela pait i save holim ol gan na bagarapim ol manmeri husat i save ron long dispela rot namel long Tari i go long Mendi na Mendi i go long Moro.

Dispela tupela ples lain i bin

save pait inap long 12-pela yia olgeta.

Long yia 2000 tasol dispela bikpela pait i bin pinis taim tupela ples ya i bin sindaun na givim wanbel long ol yet.

Mista Yawari i tok olsem planti manmeri i bin kisim taim pinis long ol dispela raskol man na nau sapos plis i go stap antap long hap, bai ol i traim long stopim dispela kain hevi bilong haiwe.

Japan helpim Goroka Haus sik long mekim wok

GOROKA Beis Haus sik bai inap long go mekim helt wok long ol ruel erias nau bihain long gavman bilong Japan i givim K300,000 long ol.

Gavman bilong Japan i givim dispela helpim aninit long Japanes Grant Asistens Grasruts Projek (GGP), na haus sik bai yusim dispela mani long baim tripela kar bilong haus sik long yusim olsem ol ambulens bilong wok long ol ruel erias.

Embeseda bilong Japan long PNG, Katsuo Yamashita i bin sainim agrimen bilong dispela helpim mani wantaim Sief Eksekutiv bilong Goroka Beis Haus Sik, Peter Bire long Mande.

Mista Yamashita i tok gavman

bilong Japan i amamas long givim helpim bai Goroka Beis Haus Sik bai inap long givim ol helt sevis i go long ol pipel bilong Goroka, na ol liklik ples klostu.

Mista Bire i tok tenkyu long gavman bilong Japan na i tok olsem Goroka Beis Haus Sik bai wok hat long helpim ol pipel.

Em i tok dispela em i namba wan taim haus sik i kisim helpim i kam long gavman bilong Japan bihain long em i kamap long 1966.

Mista Bire i tok wantaim dispela mani, haus sik bai inap long lukluk i go long olhelt senta long ol ruel erias long givim helt sevis long ol.

Opim bia, ol Simbu lida i tok

OL LIDA long Simbu provins i laikim bai provinsel gavman i mas opim gen bia insait long provins bikos planti moa yangpela manmeri i wok long dring hom bru na smuk spak brus.

Oi i tok hom bru na spak brus i wok long kamap bikpela tru long olgeta hap long provins bihain long provinsel gavman i bin pasim bia long 1995.

Oi Simbu lida long dispela taim i bin stopim bia insait long provins bikos ol i lukim olsem bia i save kamapim planti kain kain trabel na hevi.

Tupela Simbu lida i bin tok klia olsem ol yangpela manmeri i wok long dring hom bru o 'stim' na smuk spak brus bikos i nogat narapela samting olsem bia i stap.

Oi i tok planti ol yangpela i wok long mekim olsem na planti long ol i no save mekim wok moa.

Tupela lida i tok olsem i gat planti yangpela man husat inap long mekim wok insait long provins, i wok long dai, na planti i wok long painim trable na kilim dai ol manmeri tu.

Oi i tok planti ol yangpela i wok long dring stim na kisim ol bikpela sik bilong het na skin.

Enga, Sauten Hailans gat nupela Plis komanda

SAUTEN Hailans na Enga provins i gat ol nupela plis komanda.

Divisinol Plis Komanda bilong Hailans Rijon, Alfred Reu i tokaut long ol nupela senis dispela wik long Maunten Hagen.

Plis Komanda bilong Sauten Hailans, Sief Suparintenden Nema Moindia i go long Madang na olpela stesen komanda bilong Tari, Simon Nigi bai kisim ples bilong em.

Provinsel Plis Komanda bilong

Enga, Suparintenden John Anawe i go long Nesanel Kapitol Distrik na Sinia Inspekta Thomas Korhan i kisim ples bilong em long Wabag.


Mista Reu i tok bai i gat ol senis long Isten Hailans na Westen

Hailans provins tu.

Em i singaut long ol pipel long ol dispela provins long luksave long ol nupela komanda i go long ol dispela hap na helpim ol long kamapim gutpela sindaun insait long komyuniti.



Karim ples i kam klostu • Oi dispela lain Siassi bilong Morobe i karim liklik hap ples bilong ol i go long Goroka long Isten Hailans provins taim ol i mekim danis tumbuna bilong ol long opening bilong nambawan Provinsel Gems long wiken. Oi wantaim ol arapela provins insait long kantri i go bung long dispela namba wan resis namel long ol provins long spot. POTO: JAMES KILA



RAD - TEL (PNG) LIMITED
COMMUNICATIONS
SALES & SERVICE

RAD-TEL (PNG) LIMITED
GOROA STREET, GORDONS
PO Box 43, Waigani, NCD,
Papua New Guinea
Phone: 325 2555; Fax: 325 0872
Email: radtel@radtel.com.pg
Website: WWW.radtel.com.pg

LAE Phone: 472 6203
Fax: 472 7577

THE BETTER QUALITY GSM DIGITAL MOBILE PHONES



- It's the Samsung True Colour Screen Display. Model, SGH-T400 Dual. 65000-Colour TFT LCD. 40 Polyphonic Ringtones & Wallpaper. Mobile Internet (WAP - 1.2) Voice dialing, Voice Command, Voice Memo, Two Original Batteries, Color Games.


Accessories

- Hand set
- Travel Adaptor
- Portable handsfree.

- It's the LG - G5300 True Colour Screen Display. Model, G5300 GPRS Phones 65000-Colour LCD (128* 128 Pixel) EMS/Ringtone & Picture Down-Load Support 16-Poly-Midi Sound Colour wall paper & Screen saver WAP Browser VER. 1.2.1 Up Grade Internet Access

Accessories

- Hand set, Standard Battery, Neckstrap, Card, User's manual, Travel Adaptor, Portable hands free & the Data Kit/Cd



Stadi long Kerema wof i redi long stat

OL stadi long kamapim wanpela gutpela wof long Galp provins klostu bai stat.

Siaman na sief eksekutiv opisa bilong Papua Niugini Harbours Limited, Sari Maso, i tok long Kerema las wik olsem taim ol i painim wanpela gutpela hap graun long kamapim dispela bris, orait ol teknikel opisa bai stat wok long ol dispela stadi.

Mista Maso i tok olsem Gavana bilong Galp, Chris Haiveta, i peim mani pinis bilong ol stadi long stat tasol wanpela hevi tasol em wanem hap graun tru ol bai yusim long kamapim dispela wof.

"Ples we i luk olsem wof bai kamap long en em Kerema Bay tasol stadi bai karamapim olgeta graun arere long nambis," Mista Maso i tok.

Mista Maso i bin stap long provins taim em i bin lidim ol Australian konsaltens i go long traime statim wanpela wara saplai bilong Kerema taun.

Gavana Haiveta i tok olsem dispela K100 milien rot projek we bai bungim Galp provins i go long Pot Mosbi bai stat long neks yia na klostu bai Kerema bai lukim planti moa bisnis long developim ol risos bilong en.

Konfermasio de long Marimari

Paulus Tali i raitim

KLOSTU long 76 Evanjelikel Luteran Sios (ELCPNG memba bilong Marimari kongriksen insait long Nesenel Kapitel Distrik i bin kisim Sakraem bilong Konfermasio long Sande Novemba 2.

Moa long 350 ELC Kristen i bin witness dispela spesel de we Pasto Gundu Guenu i bin go pas long en.

Long ol toktok bilong em, Pasto Guenu i bin tokim ol yangpela olsem ol i kam insait pinis long banis bilong Kraus na noken tubel tasol stap fri long skruim wok bilong Bikpela olsem ol soldia bilong em.

Em bin tokim ol tu olsem narapela bikpela samting em ol i mas sanap

strong nau long em em long pre strong bikos dispela em ki long laip bilong ol.

Na tu ol i mas bihainim gut ol bilong sios, gavman na komyuniti.

Ol bikman husat i bin kamap long stap insait long seremoni em Presiden bilong Yabim distrik Yana Apo, bikman i makim Kerema Ekis Ropenau na hetmasta bilong Hohola Demonstresen skul.

Long wankain taim tu, ELCPNG Papua Distrik bai holim namba 23 konfrens bilong ol long Koki Gut Sefed Luteran Sios.

Presiden Reveren Somi Setu i tok konfrens bai stat long Novemba 20 i go long Novemba 30.

Hiritano Haiwe bagarap

PASIN bilong stil o bagarapim man long Hiritano Haiwe i bai stopim ol pipel long i go kam long dispela haiwe long Sentrel provins.

Sentrel provins plis komanda, Sief Inspekta, Peter Taiang, i tok olsem plis i wok long kisim inap long 3-pela ripot olgeta wik long dispela raskol pasin.


"I no gat wanpela gutpela as wai ol yut i laik stil long na bagarapim ol pipel bilong ol yet husat i wok long traime long go long ol maket long salim kaikai ol i planim long lukautim sindaun bilong ol," em i tok.

Mista Taiang i tok olsem ol lida long ples i mas helpim ol plis long pait egensim dispela raskol pasin long haiwe.

Flipa na Sandi - Dispela olpela poto i soim Si Pak long Ela Bis, Pot Mosbi long 1981.

Planti pipel i save go long hap long lukim tupela dolpin, Flipa, husat i kalap antap tru na klostu abrusim banis bilong pak, na Sandi, husat i kalap isi isi olsem wanpela liklik manki long aninit.

Nau yet em pak i bagarap na stap nating, i no olsem bipo taim yu bai harim nois bilong ol pipel i amamas long hap. FAIL POTO



Raskol pasin mas stop, ol lida bilong Galp i tok

OL komyuniti lida bilong Galp provins husat i stap long Nesenel Kepitel Distrik (NCD) i mekim singaut long ol Memba bilong Palamen (MP) bilong NCD long kamap wantaim ol strongpela plen we bai stretim dispela bikpela problem bilong raskol

pasin long Pot Mosbi. Ol lida i mekim dispela singaut i go long ol MP bihain sampela raskol i kilim wanpela man Galp, repim meri na ol pikinini meri bilong em na kukim haus bilong em las Foride.

Plis i holim pasim sev-enpela saspek pinis na i

sasim ol wantaim merda o kilim indai man, rep na asen o kukim haus.

Mausman bilong Galp Komyuniti Lidas long NCD, Michael Kapekoro, i tok NCD Rijenel MP, Bill Skate, na Mosbi Naut Wes MP, Sir Mekere Marauta, mas helpim long

painim sampela we long stopim ol dispela raskol pasin.

Mista Kapekoro i tok olsem wanem samting we i bin kamap long dispela famili i bin rabis pasin tru na em i taim bilong ol lida long mekim sampela samting long stretim.

MV Tara Spirit pas long wesan

NUPELA sip bilong Galp provins, MV Tara Spirit, i pas long wesan long kos bilong Kerema, Galp provins las wik.

Dispela bot we bai bung wantaim ol narapela bot aninit long Sauten Star Limited kampani, i wok long ron i go long provins we opisal lonsing i bin kamap taim dispela birua i kamap.

Bot i bin pas long dispela rip inap ol strongpela si i pusim i go daun ken long dip wara ken na em i ron i go long sua.

Planti pipel stret wantaim ol samsam grup i bin stap long nambis long bungim MV Tara Spirit.

Gavana bilong Galp, Chris Haiveta, eking etministreta, Miai

Larelake, na siaman bilong PNG Harbours Limited, Sari Maso, i bin stap long lukim dispela lonsing.

Long toktok bilong em long dispela taim, Mista Larelake i tok strong long ol pipel long lus tingting long ol hevi namel long ol yet na long wok bung wantaim long kamapim provins.

Em i tok provins i laki tru long gat ol sip olsem MV Kerema na MV Vailala, tasol ol dispela bot i no save stap longpela taim.

Tasol Mista Larelake i tok olsem em i gat bikpela bilip olsem MV Tara Spirit bai givim sans long ol pipel long karim ol gaden kaikai bilong ol i go long ol makets long salim.

Em i tokim ol pipel olsem ol i mas

wok strong long gaden bilong ol na yusim ol sevis bilong bot long karim ol dispela gaden kaikai i go long ol maket.

Mista Larelake i tok tenkyu long Mista Haiveta na Pasifik Frontline long kisim ol dispela sevis i kam long provins.

"Nau i stap long han bilong yumi ol pipel bilong Galp long lukautim ol dispela samting.

"Yumi mas respektim ol dispela samting we i save karim sevis i kam long mipela na sanap wantaim long strongim provins. Yumi i mas go bek long graun na developim. Olgeta manmeri i gat hap wok bilong ol long mekim. Yumi olgeta i mas mekim hap wok," em i tok.



Meri Misima - Mis Milen Be, Helen Stephen, husat i bin stap long Mis PNG Red Cross chariti resis, i soim kalsa bilong em long ai bilong ol jas las wik. Long bikpela nait long makim Mis PNG las Sarere em i no bin kisim taitel bilong kwin, tasol i bin kam klostu stret na kisim nambawan rana ap bilong Mis PNG. Em i bin winim tu awot bilong Pipel's Chois o laikim bilong ol pipel. Red Cross brans long Milen Be i bin sponsarim Mis Stephen bihain long em i bin winim Mis Milen Be resis long stat bilong dispela yia.

BE QUICK... OR MISS OUT

Stocks are running low and time is running out

Check out the **FREE ACCESSORIES** on selected models as we celebrate 40 years in the South Pacific



OFFER MUST END NOV 15TH

TOYOTA Ela Motors

15 BRANCHES NATIONWIDE

www.toyota.tsusho.com · www.elamotors.com.pg

Manus plis baim 18 haus

PLIS long Manus i baim 18 haus long Nesenel Hausing Koporesen (NHC) bilong ol plis manmeri long Lorengau.

Ekting Plis Komisina, Tom Kulunga i givim wanpela K110,000 sek mani long Ekting Menesing Dairekta bilong NHC, Walter Kapty long Plis Hetkota long Pot Mosbi.

Mista Kulunga i tok prais bilong wan wan long ol dispela haus em i K4,500, we i bin stap long han bilong NHC, tasol i bin bagarap tru.

Em i tok olsem nau ol dispela haus i stap long han bilong ol plis manmeri, ating bai ol i orait bek gen bikos Plis Dipatmen bai lukautim na stretim

ol bai ol plis manmeri inap long sindaun gut.

Mista Kapty i tok olsem ol olpela gavman i bin gat ol kain kain hom onasip skim, tasol i no save wok gut, na ol wok manmeri i no bin sindaun gut long wok.

Em i tok tu olsem planti ol save manmeri i no bin inap long muv i go aut long ol arapela hap long kantri long mekim wok bilong ol.

Mista Kapty i tok dispela kain agrimen namel long ol gavman dipatmen na NHC i gutpela bikos taim ol wok manmeri i luksave olsem ol i gat ol haus i stap, ol bai mekim gut wok bilong ol.

Nakmai senisim ol siaman

GAVANA bilong Wes Niu Briten, Clement Nakmai i senisim pinis ol siaman insait long provinsel gavman bilong em bihain long em i winim wanpela vot i nogat bilip long las wik.

Ol open memba long Wes Nu Briten na sampela lokol level gavman memba i bin kamapim dispela vot i nogat bilip egensim em bihain long ol i tok olsem Mista Nakmai i no mekim gut wok bilong em olsem gavana.

Taim ol i kamapim

dispela mosen bilong vot i nogat bilip, Mista Nakmai i bin win na ol i bin rausim dispela vot.

Mista Nakmai i bin toktok long ol dispela senis insait long provinsel gavman bilong em na em i tok em i mekim ol senis long ol siaman long kamapim gutpela na strongpela wok insait long provinsel gavman.

Em i tok wok bai ron gut sapos em i wok wantaim ol siaman husat bai wok wantaim em na i no kros na traim long bagarapim ol wok

em i laik mekim long kamapim moa developmen insait long provins.

Ol nupela siaman em: Francis Auram (Sosel Sevises); Presiden bilong Talasea LLG Lukas Waka (Distrik na LLG); Presiden bilong Biiala, John Gah (Ekonomiks Sevises); na Presiden bilong Kandrian-Gloucester LLG, Bob Lisio (Pisful Sosaiti).

Mista Nakmai yet bai siaman bilong Plening, Monitoring, Fainens na Provinsel Eksekutiv Kausol.

Tingting gut na mekim baset bilong 2004

EKTING Etmnistreta bilong Wes Nu Briten, Kingston Jimbade i tokim olgeta divisen insait long etministresin bilong em long tingting gut na mekim baset o plen bilong mani bilong 2004

Mista Jimbade i bin mekim dispela toktok long wanpela kibung wantaim ol divisen edvaisa bilong Wes Nu Briten edministresin long las wik.

Em i tokim ol olsem ol i mas luksave olsem kantri i wok long kisim taim long painim mani, na olgeta provins i wok long bungim dispela wankain hevi tu.

Mista Jimbade i tokim ol olsem mani Wes Nu Briten gavman bai kisim bai i no inap stap wankain olsem ol i save kisim bipo, na bai i go daun liklik.

Em i tok long dispela as tasol na ol i mas lukluk

long hamas mani i stap na mekim baset bilong neks yia. Em i tokim ol long noken abrusim mak bilong mani na basetim ol samting we ol bai i no inap long mekim long neks yia.

Long sait bilong kisim mani long insait long provins yet, Provinsel fainens edvaisa bilong Wes Nu Briten, Irenius Wibiwa i tokaut olsem ol i wok long lukluk long kamapim wanpela provinsel trenspot takis na provinsel bia takis.

Mista Wibiwa i tok olsem dispela tupela takis i mas kisim tok orait bilong Provinsel Eksekutiv Kausol yet, tasol sapos ol i givim tok orait bilong ol, dispela tupela takis inap long kisim klostu long K300,000 i go long provinsel baset.



Klia long ol meri Mokereng • Olmeri Mokereng long Manus provins i samsam long pairap bilong garamut. Danis ya em bai yu mas tromoi han na lek wantaim na sekim bodi ya. Sot win danis ya tasol long ol meri Manus em liklik samting ya. Hia em ol i amamasim ol bikman na meri long Helt Dipatmen husat i go long Lorengau long opim banis sut program.

600 yut bung long Buka

MOA long 600 yut long Buka ailan i bin bung long wanpela yut konvensen we i bin ron long tripela dei olgeta long makim Nesenel Yut Dei.

Ol yut, husat i makim wan wan lokol level wod kaunsol long Bogenvil i soim naispela kala bilong ol taim ol i mas i go long Hahela Katolik Misen wantaim ol bona bilong ol.

Het tok bilong dispela yut konvensen em "Behold Youth Mother" o 'Luksave long Mama bilong ol yut'.

Dispela em i namba wan taim bilong dispela kain konvensen long kamap long Buka.

Em i stat na ol yut i karim ol kendol na wokabaut wantaim kruse long Buka taun i go long Katolik misen.

Yut Dairekta bilong Buka, Pater Leronio Vodivodi i tok olsem dispela program em bilong givim skul long ol

yut long sait bilong bodi na spirit bai ol i ken luksave long rot bilong ol long laip.

Dispela yut bung i givim sans long Bogenvil Task Fos long skelim ol hevi bilong lo na oda na toktok wantaim ol yut long painim rot long daunim ol dispela kain hevi.

Plis Stesin Komanda Paul Kamuai i askim ol yut long luksave long wok bilong plis na helpim ol long daunim ol hevi bilong lo na oda insait long komyuniti.

Wanpela mausman bilong ol yut i singaut long edministresin bilong Bogenvil long kamapim wanpela yut opis long helpim ol.

Ol yut i tok ol i laikim wanpela opis long luksave long ol yut olsem ol lida bilong bihain taim na bai i mas wok long mani i kam long nesenel gavman.

Kimisopa tok pipel noken bagarapim plis

MINISTA bilong Intenel Sekyuriti, Bire Kimisopa i tok olsem ol manmeri i noken bagarapim nating ol plis manmeri taim ol i mekim wok bilong ol.

Mista Kimisopa i tromoi dispela toktok bihain long ol famili bilong wanpela yangpela meri Buka i go long Buka plis stesin na paitim ol plisman long hap bihain long ol i les long givim wanpela man husat i kilim dispela yangpela meri long ol.

Mista Kimisopa i tok olsem dispela kain pasin we ol manmeri i

go na paitim ol plisman nating i no gutpela samting taim ol arapela manmeri i wok long traim long kamapim gutpela sindaun long Bogenvil.

Em i tok ol pipel bilong Bogenvil i mas tingim komitmen bilong nesenel gavman na noken mekim dispela kain bikhet pasin.

Mista Kimisopa i tok em i no wanbel long dispela samting i kamap na ol plisman i kisim taim.

Tasol em i tok tenkyu long tupela Sief bilong Bogenvil husat i wok hat long kisim bek ol gan we ol dispela lain i brukim plis

stesin i bin stilim.

Em i askim ol lida long Bogenvil long wok wantaim plis long painimaut moa long dai bilong dispela yangpela meri na traim long daunim ol raskol pasin insait long provins.

Narapela Minista husat i wok long wok hat long kamapim gutpela sindaun long Bogenvil, Sir Peter Barter, i tok olsem plis i lukautim wok lo na oda insait long provins.

Em tok olsem ol pipel bilong Bogenvil i mas helpim ol long wok bilong ol.

GRA givim ol projek i go long ol pipel

GAZELLE Restoresin Atoriti (GRA), ol lain husat i save mekim ol bikpela projek i kam long ol dona ejens na i go long ol paletu is Nu Briten. Ol projek i go long ol lain husat bai go long ol pipel na aninit long midtu developmen plan.

Ol projek em ol bekap pawa saplai i go long plis hetkota bilong Niugini Aitan i stap long Kokopo, Paia Sevise bilong Kokopo na Rabaul plis stesin.

Is Nu Briten provinsel administresin long Vanadidir em i stap aninit long program bilong GRA tu na ol bai kisim wanpela projek oliong bekap pawa saplai tu we klostu bai go long ol pipel na aninit long midtu developmen plan.

Narapela kamapim projek GRA i pinisim em wara saplai sistem bilong Butuwin Helt Senta.

Aninit long dispela projek GRA i digim wanpela hul wara bilong serisim olpela i stap long Karavi nam-

bis. Wara i kam long dispela hul wara i save go long helt senta, provinsel helt opis na PNG Famili Helt Sevis opis wantaim ol haus bilong ol wok manmeri.

Olgeta dispela projek we GRA i wok long mekim na i laik pinisim nau i kamap long helpim bilong Wol Benk.

Ol dispela projek i wok long helpim tru ol pipel na i wok long mekim sindaun bilong ol i kamap gutpela moa.

Redio Wes Nu Briten amamasim 30 yia

...Stesen we i bin winim top awot

REDIO Wes Nu Briten i amamasim namba 30 bon dei bilong em las wik.

Dispela redio stesin i kamap long Novemba 3, 1973 wantaim tupela wokman tasol - Valuka Lowa na Darius Gilime.

Nau dispela tupela lain i holim posisen bilong Stesin Dairekta na Asisten Dairekta.

Menesmen bilong stesin i bin mekim wanpela bikpela pati na

kaikai bilong makim dispela bon dei bilong ol.

Mista Loa i tok Redio Wes Nu Briten em i wanpela stesen we i winim ol arapela redio stesin long ol provins.

Em i tok dispela redio stesin i kamapim pinis planti ol gutpela redio program.

Long 1987 Redio Wes Nu Briten i bin winim wanpela awod na luksave olsem em i namba

wan redio stesin insait long kantri. Dispela awot i kam long Wol Brodkasta.

Redio Wes Nu Briten em i wanpela stesen we i save sevisim ol lokol pipel bilong Wes Nu Briten.

Dispela ol provinsel redio stesen i save mekim bikpela wok long toksave long ol pipel long ol samting na tu helpim long skulim ol.

Gavman luksave long sapot bilong UNICEF

••• Gat bikpela wok yet long mekim

GAVMAN bilong PNG i gat bikpela wok long kirapim bek gro long wok mani (ikonmik) long traim daunim poveti o pasin bilong sot long samting na kamapim revenyu o mani na ol pipel i ken kisim gutpela helt na edukesen sevis.

Foren Afeas Minista Sir Rabbie Namaliu i bin makim Praim Minista Sir Michael Somare na i tok long welkamim Eksekutiv Dairekta bilong UNICEF Carol Bellamy na tu, long lonsim Developmen Map bilong ol PNG Pikinini.

Em bin tok wanpela long ol eria we gavman i lukluk long en na bai wok wantaim UNICEF long mekim bilong daunim poveti na strongim developmen em long givim bikpela tingting na wok long "Girl Child Education" ajenda. Dispela em long givim sans long kisim ol pikinini meri i go long skul long wanem taim yumi eduketim ol meri, yumi eduketim nesen na long dispela rot, daunim ol hevi long poveti na ol arapela moa samting i sut long dispela eria.

"Mi amamas olsem UNICEF i luksave long PNG olsem wanpela kantri long skruim strong girl education o skul bilong ol pikinini meri. Sapos tru tru yumi laik developim kantri na pipel, yumi mas givim wankain sans long eduketim ol pikinini man na meri wantaim. Tru i gat ol hevi olsem longpela rot long ol meri long wokabaut i go long skul, mi amamas olsem wantaim sapot bilong UNICEF. Edukesen Dipatmen i wok long mekim ol skul i no hap we ol pikinini bai kamapim gutpela pren tasol long ol meri tu," Sir Rabbie i tok.

Em i bin tok PNG i save kamapim 150,000 nupela pikinini long olgeta yia na kantri i gat bikpela wok long mekim ples i gutpela long ol dispela pikinini i stap long em.

Em bin luksave long gutpela helpim na sapot we Yunaitet Nesens long ol han olsem UNICEF i save givim long daunim poveti, kamapim yunivesel praimeru edukesen, promotim ikwal sans long ol man na meri, daunim dai bilong ol nupela bebi mama i karim, kamapim gut helt bilong ol mama na pikinini, daunim sik HIV/AIDS, malaria na ol arapela bikpela sik i save daunim laip bilong planti pipel long PNG. Na tu, long sapotim ol wok long skruim humen rait, moa yet, bilong ol meri na pikinini long PNG.

Em i tok dispela risos olsem Developmen Atlas long ol PNG Pikinini i soim klia ol eria we gavman na ol patna i mas wok long kamapim gut laip na sindaun bilong ol pikinini bikos 50 pesen long populesen bilong PNG we i gat 5.3 milien pipel em ol pikinini na yangpela we kris-mas i stap daunbilong long 18 yias.

Long wankain taim tu, Spika Bill Skate taim em i tok amamams long wokabaut bilong Mis Bellamy i kam long PNG, i bin tok PNG gavman i luksave long UNICEF olsem patna long skruim ol wok developmen long kantri. Long wankain taim tu, em bin tok PNG i mas karimaut bikpela aweanes long stopim sik HIV/AIDS na tu, wok long lukluk nogut long ol lain i gat dispeka sik.

Em bin tok long sindaun bilong Palamen klostu taim, ol bai tok oraitim lo we bai kamapim gut laip na sindaun bilong ol pikinini na mama na tu, lukautim ol raits bilong ol.

Em bin tok UNICEF i wok isi tasol i mekim bikpela wok long sosel sekta na em i tok tenkyu tru long ol gutpela wok em (UNICEF) i mekim long ol meri na pikinini husat i pondaun long sik HIV/AIDS, maski i no asua bilong ol.

Meri Wantok i laik save sapos yupela i save laikim ol stori mipela i save printim. Rait i kam long **Meri Wantok, Word Publishing Company, P O Box 1982, Boroko, NCD** o ring i kam long telipon 3252500 na toktok long Veronica Hatutasi o Barbara Tomi. Yu ken salim ol stori tu long feks namba: 3252579 o email: word@global.net.pg.

UNICEF na gavman lonsim Pikinini Developmen Mep

Veronica Hatutasi i raitim

UNICEF em Yunaitet Nesens Fan bilong helpim ol Pikinini i givim bikpela sapot long helpim gavman bilong PNG long skruim ol sosel developmen wok na ol progrem i sut long ol pikinini na yangpela, bikmeri bilong UNICEF em Carol Bellamy husat i Eksekutiv Dairekta i bin tokaut long las wik.

Mis Bellamy i bin mekim sotpela wokabaut i kam long PNG bilong bungim ol wokman na meri bilong UNICEF long kantri na toktok wantaim ol bikman long gavman na ol atoriti we i wok long sapotim ol progrem we UNICEF i karimaut long hia, moa

yet dispela we i sut long ol helt na sosel developmen bilong ol meri, pikinini na ol yangpela.

Long dispela wokabaut tu, Mis Bellamy na gavman bilong PNG i bin lonsim Developmen Atlas o Map long ol Pikinini bilong PNG. Na tu, Masta Plen long Operesens bilong Koporesen Progrem namel long PNG Gavman na UNICEF insait long neks faipela yia (2003-2007).

Sosel Developmen na Welfea Minista Ledi Carol Kidu husat i bin mekim bikpela wok redi long kisim Mis Bellamy i kam long PNG i bin tok wokabaut bilong bikmeri bilong UNICEF ya maski em i sotpela, i makim bikpela komitmen o tingting we UNICEF i

gat long ol pikinini bilong-PNG.

"Long mipela, dispela wokabaut i mekim mipela i stop na tingting na lukluk long ol wok na komitmen mipela i gat long ol risos bilong yumi, em ol pikinini. PNG em i kantri i gat planti wanpisa na tokples na tumbuna pasin. Pasin tumbuna i bin lukautim gut ol pikinini na laip bilong ol i fri bikos ol famili, hauslain na wanpisa i lukautim ol. Tasol kamap long ausait lain na pasin i kamapim tu planti senis na long 1975 visen bilong ol Gols na Developmen, ol bikman i no bin lukim olsem ol pikinini i gat spesel nid. Tasol long nau yia 2003, mipela i luksave olsem ol senis long wol na kantri i putim ol pikinini hevi na mipela i mas givim spesel lukluk long ol.

"Na olsem ol pikinini long olgeta hap bilong wol, ol PNG pikinini i gat rait long helt na edukesen. Tru PNG i gat planti risos tasol gutpela sosel na ikonmik developmen i no inap kamap sapos ol pipel bilong yumi i ni kisim gutpela save long kamapim ol senis we tu, i sut long kalsa na tingting i gat planti tokples na tumbuna pasin, " Ledi Kidu i tok.

Em bin tok Tagetet Milenium Developmen Gols i stap insait long nupela Atlas o map bilong ol PNG Pikinini Mis Bellamy na Praim Minista i bin lonsim, i stiaim rot bilong kamapim gutpela sosel na ikonmik developmen.

Ledi Kidu i bin tokim UNICEF eksekutiv olsem PNG gavman bai wok strong long promotim na strongim ol sosel developmen ajenda long PNG.

Em bin tok ol gutpela wok kamap we PNG i kamapim long en inap nau em ol rivyu progrem i sut long lo bilong ol pikinini em Palamen i bin tok oraitim long kamapim lo long Mas las yia. Dispela em long lo bilong Child (Pikinini)Sexual Abuse and Exploitation Act na nau long Palamen bung bilong dispela mun, ol bai glasim na skelim na tok oraitim Child Protection Act. Dispela em long nupela "Lukautim Pikinini Act."



• Kamapim gut helt bilong ol mama na pikinini em wanpela samting gavman na ol helpim lain olsem UNICEF i wok bung wantaim long lukim em i karim kaikai. Foto: BARBARA TOMI

PLEN LONG SEIF MADAHUT



OL SAMTING OL MERI I MAS MEKIM LONG LUKAUTIM OL YET NA BEBI I STAP LONG BEL

• Mama i mas malolo gut
Mama i gat bel i mas malolo gut.

Tingim yu karim weit taim yu gat bel. Dispela weit i ken mekim lek bilong yu tait taim yu wokabaut planti na sapos yu nogat sol insait long blut bilong yu bai yu kisim masel kram o masel tait.

Dispela i no min olsem yu mas silip silip tasol. Nogat. Yu ken wokabaut na mekim ol wok long haus o wok long opis tasol taim yu sampela fri taim o sapos nogat wok, orait, yu mas malolo.

Yu mas waswas na pilim olsem skin bilong yu i kirap na tu yu mas stap klin. Orait sindaun isi na ridim buk o mekim bilum o silip.

Sapos yu wok yet long opis, orait yu painim wanpela gutpela hap long sindaun na givim malolo long ol lek masel bilong yu bilong wanem ol i wok long karim

SAVE I KEN ABRUSIM BIRUA!!

ekstra weit na ol bai tait.

Wokabaut olsem ekasesis tu em i gutpela bilong wanem long olsem seven o eit mun het bilong bebi bai i go daun long rot bilong karim. Na sapos het bilong bebi i no go daun yet na yu klostu bai bungim 9 mun long bebi bai bon bai dokta i tokim yu long wokabaut long helpim het bilong bebi bilong yu long go daun.

• Mama i mas waswas na stap klin

Ol mama i mas waswas olgeta de wantaim sop na wara long stap klin na lukautim bodi.

Stap klin em bikpela samting. Yu stap klin bai ples slip bilong bebi bilong yu bai klin, ol klos bilong em bai klin na em bai i no kisim ol binatang nogut bilong ol sik.

Pasin bilong stap klin na wasim gut bodi na ol klos samting bilong ol bebi em i bikpela samting. Yu mas tingim taim bebi i bon em i nogat strong egensim ol birua bilong sik. Yu mama tasol i ken banisim bebi bilong yu long dispela taim. Sapos yu stap bai yu gat dispela tingting long lukautim bebi bilong yu gut.

Tingim madahut em spesol olsem na mekim em i seif tu!



KAKARUK

Yu mas i gat:

- 12 pela kakaruk tais filets
- tupela tebolspun mild sweet chilli sos
- 1-pela tebol spun pinat wel
- 1-pela pinga galik, krukutim
- Pinat sos**
- 1pela kap chicken stock
- hap kap kranji pinat bata
- 1/4 kap mild sweet chilli sos
- 1 tebol spun lemon jus

We long kukim:

- Katim filets i go longpela na putim long wanpela dis wantim olgeta sos, wel na galik. Karamapim na putim long ais bokis inap 3 aua.
- Putim kakaruk long ol skiwas.
- Nau putim ol skiwas i go antap long hotpela frai pan o babakui plet.
- Kukim inap kakaruk i tanim braun and i malumalu.
- Sevim wantaim pinat sos.

We long mekim pinat sos

- Putim olgeta samting wantaim long wanpela sospen na kukim isi isi inap krim i paspas.

Fr. Paul Liwun SVD



FOAPELA yia i go pinis, wanpela wantok bilong mi i kam na stap wantaim mi sampela de long Erima, bipo em i go bek long ples bilong mipela. Mi bin soim em planti samting long Mosbi.

Wanpela de mipela i go long St. Peter Chanel primeri skul. Em i amamas long lukim ol sumatin wantaim yunifom bilong ol, bikos em i tok, antap long hailans, long bus ples, ol sumatin i no putim yunifom. Planti manki i putim tanget yet na go long skul. Narapela samting i mekim em amamas bikos em i no bin harim planti manki i tok nogut nabaut olsem long sampela skul em i bin raun long en.

Tingting bilong em i mekim mi tingim bek long wanpela stori bilong wanpela man i save raitim nius na toktok bilong em long wanpela magazine ol i kolim *Reader's Digest*. Em i bin raitim ekspirians bilong em taim em i bin stap namel long wanpela grup, ol i kolim AMISH. Dispela grup em i wanpela Kristen grup i bin bruk long Katolik sios long taim i gat bikpela Riform i bin kamap long Yurop long yia 1536.

Dispela grup i les long olgeta moden devel-opmen na putim ol yet long han bilong God tasol. Ol i bihainim strong stret long stap wantaim na wokim agrikalisa wok. Ol i yusim tok bilong God long Baibel olsem lo bilong ol olgeta de na ol i mas bihainim stret dispela lo bilong God. Ol i no tok orait long narapela lo.

Dispela grup i bin muv i go na stap long Not Amerika na memba bilong ol i no bikpela tumas, igat 18,000 tasol.

Taim dispela man i mekim wok painumaut bilong em, em i bin painumaut olsem dispela grup i bin larim pikinini i go long skul inap long gret six tasol. Bikos ol i no laik pikinini bilong ol i lainim planti nupela samting long developmen bilong moden taim. Liklik lain tasol o i bin brukim lo na salim pikinini i go long hai skul.

Taim bilong malolo, ol sumatin i pilai tasol i nogat wanpela i save mekim tok nogut long narapela. Nogat tru. Tasol taim em i go lukim narapela skul, iau bilong em i save pen nating long olgeta tok nogut bilong ol sumatin tasol. Na planti taim narapela skul i gat pait namel long sumatin yet o wantaim narapela skul. Tasol dispela pasin em i no bin painim namel long skul bilong ol AMISH grup. Wantaim dispela tingting em i bin go na lukim hetmasta long opis bilong skul na askim hetmasta, wai na ol sumatin i no save mekim tok nogut o pait, na i stap wanbel stret wantaim narapela narapel?

Taim het masta i harim toktok bilong dispela man, em i askim man gen: Yu bin harim ol bikpela man bilong dispela AMISH grup i bin tok nogut long narapela?

• I gat wanpela tok long tok ples bilong mi (Tok Bahasa Indonesia): Buah jatuh tidak jauh dari pohonnya. (Fruit/pikinini bilong diwai, taim em i pundaun, bai em i pundaun aninit long as bilong diwai yet, i no longwe long as bilong diwai. Gutpela pasin bilong papa mama bai stap yet wantaim ol pikinini bilong ol. Gutpela diwai i save karim gutpela pikinini bilong em.

Lotu bilong ol Melanisen Bruder

...Planim Bruder Lindsay long Honiara

EITPELA famili memba bilong Bruder Robin Lindsay i bin lukim funereel misa lotu na tu, planim bodi bilong em long Honiara insait long Solomon Ailan long las wik Tunde.

Bruder Lindsay em i bilong Oro provins long PNG. Em i wanpela long ol siksipela Melanisen Bratahut Bruder we bos bilong Guadalcanal paitman long Solomon Ailan na lain bilong em i bin kilim dai ol long mun Jun long dispela yia, insait long Solomon Ailan hevi we i pinis nau.

Lotu sevis i bin kamap long Sen Barnabas Katitrel long Honiara we planti memba bilong pablik, ol rilijes, ol pren, famili na wanwok bilong ol

Bruder ya i bin stap long en long tok gutbai long ol.

Ol paitman i bin kilim dai Bruder Lindsay na ol arapela faivpela wanwok bilong em long mun Jun taim ol bin go aut long painim narapela wanlain bilong ol we ol Guadalcanal paitman i bin holim em i stap. Dispela em bihain em bin go long laik stap olsem namel man long kamapim ol pis toktok long traim stopim dispela hevi long Solomon Ailan. Na Harold Keke na lain bilong em i bin sutim tok long ol Bruder olsem ol i spai bilong gavman na ol i kilim dai ol.

Long las mun, ol Intevensen Fos i bin painim bodi bilong ol

Bruder ya long ples we ol bin kilim dai ol, klostu long ples bilong Keke. Na ol fos i bin autim bodi na bun bilong ol Bruder ya i kam long Honiara we nau ol i stretim ol, wokim lotu na planim.

Insait long ol toktok i sut long dispela we Pater Karl Rahner i bin wokim long pestode bilong "All Saints Day" long Novemba 2, em bin tok, "Olgeta preia bilong mipela em ol nois long pairap long ol santu manmeri husat i stap isi na i wok long toktok long lewa bilong yumi.

"Ol i hait long gutpela sindaun (bel isi bilong Papa God pulap long gutpela amamas), sol bilong ol i seiv, ol i gat

bikpela laik long yumi manmeri i stap laip yet na ol i pre long yumi i stap.

"Papa God, givim gutpela malolo long ol lain i go pinis na we mipela i laikim tumas na pre long ol, na i winim ol taim pastaim na karamapim ol long lav bilong yu.

"Stiaim gut ol dispela i wok-about long rot i kam long yu na ol i ken kam aninit long laip bilong yu.

"Mipela, maski, i stap isi, i stap klostu long ol winim ol dispela taim ol na mipela i stap long dispela graun na planti hevi na tabel." Dispela i bin prea bilong Pater Rahner long dispela lotu long tingim ol brader husat i dai.

Mama Maria i gutpela piksa bilong ol manmeri long bihainim

Paul Zuvani i raitim

MAMA Maria, mama bilong Bikpela Jisas Kraisa na mama bilong yumi i gutpela piksa bilong ol manmeri long bihainim.

Na em i meri husat i stap klinpela long ai bilong God, em i gutpela mama bilong kamapim famili na em i meri husat i gat laik long olgeta man na meri, dispela em ol toktok Fr Owen MSC i givim taim em i holim lotu long pinis bilong prea Korona long St Mary's Katitrel long las Fraide.

Olgeta Katolik long wol i save pre Korona long ol mun Epril na Oktoba long olgeta yia na las Fraide em i pinis bilong Oktoba we ol Katolik long Pot Mosbi Asdaiosis i holim bikpela lotu.

Bipo long lotu ol manmeri planti em ol meri i mekim proseso long Ela Bis Sevis Stesin prea korona, singsing na wokabaut i go long St Mary's Katitrel wantaim stetyu bilong Maria.

I gat wankain lotu long ol Katolik sios long kantri long dispela taim.

Lijon bilong Maria o ami bilong Maria em wanpela grup insait long Katolik sios we ol i save go pas long ol lotu bilong Maria. Dispela lotu long St Mary's Sios las Fraide em ol Lijon i bin i go pas.

Long sering bilong em Fr Owen i toksave gen long ol bilipmanmeri olsem Mama

Maria i mama bilong Jisas, husat i God.

Em i ridim Gospel bilong St John 19:26-27 we Jisas i tokim mama bilong em Maria olsem John i pikinini bilong em, na em i lukluk long Jon na tokim em olsem Maria i mama bilong em.


Sios i bilip olsem Jon i makim yumi pipel bilong dispela graun na olsem yu no ken pret long kolim Maria i mama bilong yumi.

Moa long dispela Fr Owen i tok tru Sios i no givim wankain lotu olsem em i givim long God Triwan, God Papa, God Son na God Holi Spirit tasol em i givim spesel ona long em long wanem Maria i Mama bilong God Son.

Long dispela as sios i bilip olsem long Maria i Mama bilong Jisas em i stap klostu long em. Na olsem sapos mipela kristen manmeri i laik toktok wantaim Jisas mipela i ken toktok wantaim Mama Maria long em i ken helpim mipela long kisim wari, hevi, amamas o preis bilong mipela i go long Jisas.

Long wankain taim tu Sios i bilip olsem Mama Maria i ken was long mipela long stap long wokabaut bilong mipela long dispela laip.

Long toksave moa Fr Owen i tok long dispela yia Pop John Paul II i askim olgeta Katolik manmeri long ol i mas mekim wok bilong evangelaisesin o wok bilong telimautim tok



• Wanpela stetyu bilong Maria ol Katolik meri i save karim raun long prea. FAIL POTO

bilong God.

Na long go pas long dispela Pop i makim Mama Maria olsem em i kwin bilong evangelaisesin.

Olsem mipela i ken lukluk long Maria olsem em i piksa bilong witnessim laik na pasin bilong God.

Long histri Mama Maria i kamap long planti manmeri na askim ol long prea na bihainim pasin bilong Pikinini bilong em na Bikpela bilong

mipela Jisas Kraisa.

Na em i kamap yet long ol manmeri long dispela graun. Em i kamap long Lourdes long kantri Frens, Fatima long Potugal, Meksiko, Korea na nau yet wok long kamap long 9-pela manmeri bilong Medjugori long Bosnia. Na prea lijon i no samting bilong ol meri tasol, nogat. Em i prea bilong olgeta man na meri wantaim long soim bilip bilong ol.



"Bikpela em i King na ol arapela God i samting nating."

Bikpela, i no gat narapela i olsem yu. Yu gat bikpela strong na biknem. Na yu bin mekim ol kain samting long soim strong bilong yu. Yu stap king bilong olgeta lain manmeri, olsem na olgeta i mas pret long yu na stap aninit long yu. Gutpela tingting na save bilong yu i winim tru tingting na save bilong ol king na ol saveman. Tingting bilong ol dispela man i kranksi olgeta na i longlong tru long wanem ol i save go long ol hap diwai tasol long kisim save. Ol man i save kisim silva long kantri Spen na gol long kantri Ufas, na givim ol man i save wok long gol na silva, bilong ol i ken karamapim ol giaman god bilong ol. Na ol man i gat save long lumim gutpela laplap, ol i wokim blupela na retpela laplap na bilasim ol dispela god long en.

Jeremaia 10: 6 - 9

Lukautim gut bodi na sol bilong yumi

Pater Mirek Komorowski i raitim

YUMI save go planti taim long kain kain ples long visitim ol famili na poro bilong yumi. Na stori we yumi save telimautim em i gutpela na swit olgeta.

Ol dispela kain stori i save mekim yumi lap na stap orait na strongim yumi long laip. Yumi laik stap olsem olgeta taim tasol sindaun bilong yumi em i no long amamas tasol. Nogat. yumi hatwok long gaden o long skul tu.

Dispela em i wok God i givim long yumi long lukautim na em i no isi. Stori em i isi long autim na ples yumi stap long em i gutpela tasol.

Gutpela stori em long helpim narapela long lus tingting long kain wari na stap orait, moa yet, helpim dispela i painim sik.

Yumi olgeta i pret long dispela birua yumi kolim long sik. Yumi laik stap orait tasol. Na manmeri i kisim sik pinis, yumi laik painim as tingting bilong em.

Na long dispela, yumi save mekim kain

kain tok na painim husat i gat asua long narapela i gat sik. Toktok sanguma i save kamp long dispela taim, em i tru ya?

Tasol kairm pen em i pasin bilong Jisas na long dispela pasin, pikinini bilong God i soim tru laik bilong em long God Papa na long yumi tu.

Planti taim, Jisas i save stap wantaim ol sik manmeri na painim tu as tingting bilong ol sik ol i karim na em i lukim bilip bilong ol na oraitim ol.

Sik i gat blesing bilong em tu na helpim yumi long tingim ol narapela, pilim sori na tanim bel. Olsem na yumi mas lukautim bodi na abrusim ol pen bilong sik na ol kain kain giaman tok.

Yumi mas wasim gut bodi bilong yumi na stap helti bikos bodi bilong yumi em i haus Holi bilong Holi bilong God na em i mas stap klin long olgeta taim.

Bodi em yumi wasim wantaim sop na sol long Sakramen bilong Konfesio. Yumi mas putim ol klinpela klos na wasim ol klos tu.

Yumi mas dringim klinprea wara na kaikaim gutpela kaikai.

Dispela em i no hat wok long mekim tasol em i nidim taim na gutpela bel bilong yumi wan wan.

Bodi tu i nidim eksasais o spot long lukluk smat na strong. Wok long gaden yumi mekim long mekim bodi i kamap fit.

Pasin bilong slip na sindaun long pilai kas i olsem poisin long bodi. Yumi mas stap helti na tok tenkyu long God long dispela presen na husat i gat sik yumi gat wok long lukautim, maski em i gat sik AIDS o em i stap long haus sik o em i gat liklik sua tasol. Long dispela wok, yumi helpim Jisas tru.

Askim: Sapos sampela i gat sik, yumi save go long dokta o yumi save apinim ol as tingting long ples? Wanem tingting yumi gat long ol sik? Pasin bilong Jisas long lukautim ol sik manmeri i salensim sindaun bilong yumi long yumi mekim wankain pasin na wankain tingting?

Japan helpim long sanapim tupela klinik

GAVMAN bilong Japan bai helpim long sanapim tupela helt klinik long Dei Distrik bilong Westen Hailans provins.

Dispela tupela klinik bai halivim long mekim wok bilong Kotna Distrik Haus sik i isi. Long pinis bilong ol dispela klinik, tupela bai sevim ol manmeri na pikinini/na larim ol dispela wantaim bikpela sik i ken go stret long Kotna haus sik.

Halivim bilong Japan em i kam aninit long Grent Asistens bilong Grasruts projek.

Mani maki ol bai givim em K270,000 na dispela em bai long baim ol kapa na timba samting long sanapim ol dispela klinik long Engkalg na Tiki.

Embeseda bilong Japan Katsuo Yamashita na Minista bilong Helt na Projek lida bilong Kotna Distrik Haus sik Melchior Pep i sainim agrimen long Mosbi long dispela wik.

Mista Pep i amamas long gavman

bilong Japan long luksave long givim sapot bilong ol i go long helt sekta.

Em i tok em i no mekim planti samting long kirapim helt sekta bilong wanem em i tingting o plen long stretim ol rot pastaim.

Mista Pep i tok ol pipel bilong em i strong long planim kopi olsem na tingting bilong em i strong tru long stretim ol rot long mekim ol lain i planim kopi long karim ol beg kopi i go long taun long salim na kisim gutpela na bikpela manj.

Gavman bilong Japan i soim olsem helt em i bikpela samting na ol gavman i mas givim em olsem nambawan prioriti long kamapim gutpela sindaun na developmen long kantri.

Dispela helpim ol i givim long ol klinik long Dei Distrik em wanpela hap tasol sapot em Japan i givim. Ol i givim bikpela helpim long planti hap bilong helt sekta olsem long Saplimetri Imunaisesen Ektiviti.



• Ol mama bilong Lowa ples i karim ol bebi i kam long etpos long kisim banis sut.

Distrik helt opisa kisim skul long Israel

WANPELA distrik helt opisa long Westen Hailans bai pinisim kos bilong ol long Israel long namba 21 de bilong dispela mun na bai kam bek long kantri.

Nem bilong dispela helt opisa em Nang Bomai na em i go kisim trening long Rambian Medikel Senta long Haifa insait long kantri

Israel.

Trening kos em i kisim long en em Developing na Oganaising bilong Troma Sistem. Dispela kos i stat long namba 26 long las mun.

Nang i bin winim diploma long Helt Ekstensen wantaim diploma long Tising Helt Edukesen long

Yunivesiti ov Papua Niugini.

Dispela trening kos em Isareli Ministri ov Foren Afeas senta bilong Intanesenel Koperesem (MASHAV) i sponsorim na i sut long ol saveman meri na ol teknisen bilong helt. Kos bai trenim ol long kamapim gutpela tritmen na tu kamapim wanpela model

bilong troma sistem long ples bilong wanwan patisipen. Troma em olsem man i stap long bikpela pret o sok bihain long birua i kamap long em.

MASHAV i save helpim planti ol kantri long skulim ol savelain bilong ol long helt, agrikalsa na edukesen long moa long foapela ten yia.

Apil long ol gavana long sapotim SIA

SEKETERI bilong Helt Dokta Nicholas Mann i putim apil long ol gavana bilong ol provins long Papua Niugini long bihainim lek mak bilong Gavana bilong Manus provins Dokta Jacob Jumogot na sapotim Saplimetri Imunaisesen Ektiviti (SIA).

Em i tok Manus nau i go pas na neks yia em bai taim bilong ol arapela provins long karim aut dispela program bilong givim banis sut bilong Misels na Polio na Vaitamin A long olgeta pikinini aninit long 11 krismas.

Dokta Mann i bin makim maus bilong Minista bilong Helt Melchior Pep long opim SIA program long kantri tupela wik i go pinis.

Em i tok em i laikim ol arapela pipel long ol arapela provins i mas mekim wankain olsem ol lain long Manus taim ol helt woka i kam long ol ples bilong ol long karim aut SIA long namba wan na namba tu kota bilong yia 2004.

"SIA em long pus-statim ensin bilong ol nomol imunaisesen program," Dokta Mann i tok.

Dispela nomol imunaisesen program em ol banis sut mama i save kisim taim em i gat bel

na tu taim bebi i bon na i gro.

"Mi laik apil long ol gavana, memba bilong palamen na ol provinsel etministreta to mekim komitmen long sapotim wok bilong imunaising ol pikinini bilong dispela kantri. Dispela komitmen i noken stop long spesel imunaisesen aktiviti tasol, sapot i mas go to long ol rutin o nomol imunaisesen program tu. Yumi mas lukim na opim rot bilong ol klinik tim na helt woka long go long ol helt senta na etpos olgeta taim long givim beisik helt sevis long ol meri na pikinini bilong yumi wantaim dispela wok bilong imunaising ol pikinini bilong yumi tu.

"Mi laikim olgeta gavana long stap long opim dispela SIA program long wanwan provins long sapot bilong ol long en neks yia."

Dokta Mann i tok planti ol pikinini i save dai long ol sik we ol i ken abrusim ol sik olsem misels, neonatal tetanus, tubakulosis na petusis. Dispela em bikos ol pikinini i nogat banis egensim ol dispela sik.

Em i tok gavman i gat bikpela tingting long rausim olgeta sik polio na misels na wok bilong SIA program em long mekim dispela.

• Dokta Nicholas Mann (namba tu long raithan) na Enoch Posanai, Dairekta bilong Helt Impruvmen Brens i putim iau long hetman bilong Lowa ples long Manus i givim tok welkam long Dokta Mann na ol lain bilong em long opim SIA program. Ol foto: BARBARA TOMI



SIA stat long ol rurel hap bilong Manus

Barbara Tomi i raitim

LONG pinis bilong dispela wik Saplimetri Imunaisesen Eksen (SIA) o banis sut program bai pinis long taun eria bilong Lorengau, Manus provins.

Dispela program i bin stat las wik Mande bihain long em i bin op long Sarere Novemba 1.

Ol hap haus sik na etpos we i bai pinisim dispela banis sut program em Lorengau Eben, Not Kos, Saut Kos, Haiwe na Los Negros.

Long Fraide las wik ol helt woka long ol etpos long ol arapela hap ples na ailan long Manus i bin go long Lorengau long kisim ol sut saplai, fiul na ol arapela saplai bilong ol long redi long karim aut dispela program long Mande igu inap namba 21 de bilong dispela mun.

Ol hap we banis sut program i stat long dispela wik em Panuselu, Lako, Pelipowai, Patu, Lombrum, Tingou,

Bundralis, Lessau, Aidpost, Ahus, Lowa, Lopahan, Horan, Warembai, Bowat, Ndrilou, Yirrigou, Buliso, Mokareng na Dougou. Ol ailan olsem Mal na Wavulu em sapos solwara i no bagarap bai ol helt woka bai i go long hap. Sapos nogat bai ol i go neks yia.

Provinsel SIA kodineting komiti i plen long karim banis sut program i go long 10-pela helt senta, wanpela eben klinik na 16-pela etpos long Manus wantaim 200 banis sut pos. Namba olsem tripela ten foa tim bai go raun long ol dispela etpos na ples long givim sut. Long ol wanwan tim i gat siksapa ten wan helt opisa wantaim trening long mekim wok na 134 ol volentia olsem ol draiva bilong ka o opereta bilong ol bot.

Mak olsem 6,761 ol bebi mama i karim ol nau tasol i go 59 mun bai kisim Orol Polio banis sut na Vaitamin A, 13,071 bebi i gat siks mun i go ol dispela pikinini aninit long wanpela ten wan krismas bai kisim misels banis sut na 5,506 ol pikinini i mekim gret 4 i go inap gret 8 long ol skul

bai kisim misels banis sut.

Astingting bilong dispela SIA program em long givim ol pikinini banis egensim sik misels na polio na rausim olgeta dispela sik long Papua Niugini.


Nesanel Helt ov Dipatmen (NDoH) i kamapim dispela program bihain planti pikinini na ol bikpela manmeri tu bin dai long sik misels.

NDoH i bin kisim helipim i kam long Japan Intanesenel Koporesen Ejensi (JICA) i givim banis sut na ol saplai, Australia Ejensi bilong Intanesenel Developmen (AusAID) husat i givim mani long baim ol rot bilong dispela program na Wol Helt Oganaisesen (WHO) na Yunaited Nesens Pikinini Fan (UNICEF) i givim wokman na ol saveman na NDoH karim aut dispela program.

Neks yia ol arapela provins long Niugini Ailans rijon bai statim dispela program wantaim ol provins long Sauten rijon.

Dispela program bai winim K6 milien mani mak.

Natnat i wok long Bagarapim yu? Yu wari tumas long Sik Malaria? OL TAUNAM BILONG SALIM



Rotary i pait egens Malaria

Kam lukim mipela long 6 mile o Ringim - 325 8900

Prais i daunbilo na i gutpela stret- Yu ken baim planti long wanpela prais DEPT OF HEALTH - WHO - UNICEF

Wok olsem wanpela sistem, Baki i tok

Barbara Tomi i raitim

SEKETERI bilong Edukesen Peter Baki i salensim ol skul inspekta husat i bin stap insait long Nesenel Reittings Konfrens long Mosbi las wik long wok hat na kirapim gut sistem bilong ronim ol skul long kantri.

Mista Baki i tok ol ripot long ol tisa long provins i no bin gutpela tumas dispela yia. Em i tok 17 pela provins tasol i bin bekim TSC 31 ripot bilong ol long dispela yia.

Dispela ripot i save soim ol laik bilong ol tisa sapos ol i laik tis yet long ol dispela skul o trense i go long narapela skul. Long ol dispela 17 pela provins,

7 pela i bekim olgeta askim i bin i stap long pepa na 4 pela provins em nogat tru.

Dispela em Mista Baki i tok em i pua tru. Dispela i min olsem ol tisa i no save sapos ol bai stap yet long ol dispela skul ol i tis long en long dispela yia o bai ol i kisim trense long go tis long narapela skul.

Na sapos tisa i no save olsem em i mas stap long dispela skul long stat bilong nupela skul yia ol sumatin bai i nogat tisa.

Em i tok sapos wanpela tisa i no stap long skul bilong em neks yia, 40 pela pikinini bai i nogat tisa, na sapos 4 pela tisa i no stap long ol skul bilong ol 120 skul pikinini bai i nogat tisa.

Olsem na Mista Baki i salensim ol tisa na ol inspekta long mekim gut ol wok bilong ol, ol i mas mekim ripot bilong ol na salim in go long distrik, provinsel na nesenel level na ol tisa bai save wanem skul bai ol i tis long en neks yia bipo long skul i stat.

Long wankain taim tu Mista Baki i tokim ol skul inspekta ya olsem em i wok long lukim senis i wok long kamap long skul, maski liklik senis tasol em i amamas long dispela.

Em i tok olsem olgeta em i stap olsem wanpela sistem na sapos olgeta i wok wantaim bai sistem i ron gut na bai nogat wanpela man o samting bai paol.



Fowet mas! • Ol sumatin bilong Manus Hai Skul i joinim ol plis na ami na mas i go long Lorengau maket soim sapot bilong ol na ol arapela sumatin long opim banus sut progrem bilong Nesenel Helt Dipatmen. Foto: BARBARA TOMI

Nogat gutpela ripoting sistem, Sir Barry i tok

PROVINSEL edukesen etvaisa na provinsel helt etvaisa i no save ripot gut long ol bikman meri bilong ol long nesenel dipatmen na dispela i save stapim developmen na ol sevis i go long ol dispela sekta.

Na gavman tu i nogat gutpela ripoting sistem i stap namel long provinsel etministreta na ol wokman meri bilong em i go long nesenel gavman.

Na em bilong wanem tripela level bilong gavman insait long liklik kantri olsem PNG em i planti tumas na i save yusim planti mani tumas.

Dispela em ol toktok bilong bipo Minista bilong Edukesen na nau Siaman bilong Nesenel Edukesen

Plen Stiarng Komiti Sir Barry Holloway.

Em i tok long planti yia i kam inap nau ol sevis olsem edukesen i no save go stret long ol planti lain we i save stap

long ples.

Em i tok nesenel gavman i mas skelim gut wok bilong em na senisim sistem bilong desentralaisesen o wok we ol pawa na atoriti i stap wantaim wanwan level bilong gavman olsem nesenel, provinsel o distrik/lokel level. Long dispela we, bai i gat wanpela bosman o meri we olgeta opisa i stap long provinsel o distrik level i ken putim ripot long em na em i ken lukim na skelim.

Sir Barry i tok gavman i save tromoi planti mani long lukautim dispela ol tripela level bilong gavman na ol wokman meri bilong ol.

Em i tok tu olsem nesenel gavman i mas givim bikipela sapot long wok politik na gutpela etministresen long distrik level we ol pipel bai lukim olsem gavman i save mekim wok long helpim ol.

Rifom o senis long pablik sekta i mas sut long politikel stratsa na

wok etministresen long Nesenel palamen i go daun long ol wod bilong lokel level gavman we ol pipel long komyuniti i ken lukim olsem ol sevis ol i laikim i stap, Sir Barry i tok.

Sir Barry i tokim ol tisa na ol inspekta makim primeri, sekonderi na vokesenel skul olsem ol i mas go het na soim ol pipel olsem gavman i sevim ol pipel. Olsem ol wokman bilong gavman ol i mas soim laik pasin long wok bilong ol, ol i mas bosim gut ol lain i stap aninit long ol na ol i mas soim gutpela piksa long komyuniti long wok ol i mekim.

Em i tok ol tisa tasol i save makim gavman long ol liklik ples na ol setelmen.

Sir Barry i tok em tru olsem ol tisa i save bungim planti birua taim ol i mekim wok bilong ol na em i wok bilong nesenel gavman long kamapim gutpela na seif ples bilong ol long

wok.

Tasol bikipela samting nau em olgeta insait long komyuniti i mas wok wantaim long daunim sampela bilong ol dispela hevi na birua long kamap.

Em i tok PNG i gat ol we o kastom long ples long daunim ol pait na bikhet pasin na sapos olgeta manmeri i ken wok wantaim long luksave long ol dispela lo o lukim olsem ol dispela ol lo i wok bai sindaun long komyuniti i orait.

Tasol Sir Barry i singaut tu olsem ol plisman mas mekim gut ol investigesen o wok painimaut na kalabusim ol man o meri i save wokim ol stil o hait pasin na paulim mani bilong gavman.

Long pasim konfrens bilong dispela yia Sir Barry i askim komyuniti long wok bung wantaim long opim rot bilong kisim ol sevis na tu long helpim ol tisa long mekim wok bilong ol na tu long daunim hevi bilong lo na oda.

June Valley wokim fan resing bilong skul laibreri

Paulus Tali i raitim

OL SKUL nau i skruim "self reliance" o painim rot long helpim ol yet long skruim ol wok na operesen bilong ol long go het yet.

Olsem na June Valley Praimeri skul insait long Nesenel Kapitel Distrik i bin holim Kalserele de long las wik bilong resim mani long laibreri bilding bilong ol.

Ol papamama na pablik na ol sumatin i bin kam insait long skul long witnesim dispela kalserele de skul na ol i baim geit fi. Long dispela rot na salim ol arapela samting long dispela de, skul i bin kamapim samting olsem K2,000.

Pablik na papamama i bin amamas tru long ol pikinini bilong ol i soim kalsa bilong ol wan wan provins long dispela de.

Hetmistres Mary Biti i bin tok em na ol tisa na ol arapela woklain lon skul i amamas long ol pikinini bilong ol i strongim yet kalsa na dispela i bin kamap long ples klia long gutpela piksa bilong ol singsing tumbuna na danis we ol bin putim kamap.

Em bin tok mani we ol i kamapim bai go long mekim laibreri bilding bilong skul i go bikipela.

Em bin tok long nau, ol i yusim wanpela klasrum olsem laibreri na staf rum. Em bin tok namba wan kwata inap long K5,000 we NCD Edukesen Divisen i givim olsem sabidi mani i no inap long yusim long ol

projek na operesen na ol arapela nit skul i laikim na olsem, skul i painim rot bilong em yet long resim mani bilong helpim kamapim skul laibreri bilding.

Long wankain taim tu, man i makim Pablik Rilesen na Kalsa Afeas bilong Japan Embasi long Kalserele De bilong skul Hideki Makino i bin tok kalserele aidentiti em i save soim wan wan man na pipel na ples we ol i kam long em. Na PNG i ris bikos em i gat planti kainkain klasa we kantri na pipel i mas luksave, amamas na i noken lusim.

Em i tok wok bilong em long PNG em long promotim aweanes long kalsa bilong Japan hia na em i amamas long kalsa bilong em. Long wankain taim tu, em i tok PNG i mas praut o amamas long gutpela planti na narakain kalsa bilong em.

Mista Makino i bin tok PNG na Japan i gat gutpela wok bung na pren na i gutpela long luksave, lainim ol samting na amamas long kalsa bilong wanpela arapela.

Em bin tok strong long PNG long stadim gut kalsa bilong em yet na tu, ol arapela kalsa long wol.

Em i bin tok em i bilip olsem dispela kalsa so i gutpela long givim sans long skul, ol sumatin na jenerel pablik long stadim kalsa na long wankain taim tu, helpim long kamapim mani long skul laibreri bilong ol.

Ol skul atoriti mas stopim ol skul pinis pati ...planti trabel na birua tumas

Veronica Hatutasi i raitim

OL SKUL atoriti long ol wan wan skul i mas putim strongpela sekyuriti na was long ol pinis eksam na skul pati long abrusim ol trabel na bagarap i save kamap long ol sumatin.

Na tu, long abrusim dai na hatwok ol papamama, gadien, hauslain na komyuniti i save bungim bihainim ol trabel na birua.

Wanpela papa we i no laikim nem bilong em i autim dispela wari bihain long tupela skul sumatin bilong Pot Mosbi Nesenel Hai Skul insait long Nesenel Kapitel Distrik i slip long jenerel haus sik wantaim bikipela bagarap.

Tupela sumatin i slip long Wod 3 B bilong Pot Mosbi Jenerel Haus sik wantaim bikipela bagarap long ol bodi bilong ol bihain long wanpela pait i bin kamap long pati ol bin wokim long las Fraide apinun taim ol Gret 12 sumatin i pinisim ol fainel eksam bilong ol.

Tupela sumatin man we i kisim bagarap na slip long haus sik em ol i wokim Gret 11 long Pot Mosbi Nesenel Hai skul.

Stori we Wantok i kisim em tupela sumatin i bin stap namel long ol sumatin grup i selebretim pinis bilong ol Gret 12 i stap

baksait long skul bilong ol na sampela ausait lain i go insait na kamapim trabel. Na pait i kamap we tupela Gret 11 sumatin em ol ausait lain i sutim ol wantaim naip na skru draiva.

Ol bin katim wanpela sumatin wantaim naip long het na liva bilong na long ai na bel wantaim skru draiva.

Ripot i tok Uniforce em sekyuriti bilong Yunivesiti i bin painim na karim tupela sumatin i go long Pot Mosbi Jenerel haus sik long Fraide nait.

Papa bilong wanpela long ol sumatin na i bilong Goroka insait long isten hailens i tok em i no bin save long birua we pikinini bilong em i stap long en inap long em na famili i kisim nius long sampela pren na ol i kirap nogut stret na ol i go hariap stret long haus sik.

Em i tok em ino harim ful stori long dispela birua yet. Wankain long skul Prinsipel bilong Pot Mosbi Nesenel Haiskul husat i bin tokim Wantok olsem em i no kisim ful ripot yet long dispela trabel na gviim i kam long Wantok.

Orait, wanpela papa i gat bikipela wari long dispela keis bikos i luk olsem long olgeta yia, ol dispela eksam na skul i pinis pati, danis na pasin bilong dringim strongpela dring ol

sumatin i save holim em trabel na birua i save kamap. Na pait i save bruk namel long ol sumatin yet na tu, wantaim ol ausait lain we i suvim het na go insait long pati. Na em i givim sampela tingting bilong em long dispela.

"Mi laikim bai ol skul atoriti i wokim samting long stopim ol dispela kain pait na selebrensen. O sapos ol i tok orait long em na ol i wokim long skul eira, ol sekyuriti i mas putim strongpela was long noken larim ol sumatin i dring tasol ol bai danis, kaikai na kisim ol strongpela dring.

"Sapos sampela lain i dring, sekyuriti i mas was gut long stopim ol trabel na pait i bruk. Na tu, kisim ol dispela lain i dring i go long haus bilong ol.

"Mi singaut strong long ol skul na edukesen atoriti long wokim samting na stopim ol sumatin long kisim strongpela dring, spak longlong na pait i bruk we birua na dai i kamap.

"Mi save olsem long dispela taim, em i hat long kontrolim ol sumatin tasol mipela i mas mekim samting long kontrolim ol sumatin. Gutpela samting em long holim opisel greduesen na pati long hap we skul bai makim na i no long ol arapela hap we sekyuriti i no stap long en," papa ya i tok.

Korea i gro hariap tru

Dispela wik Wantok Niuspepa i bringim yu stori bilong kantri Korea. I gat tupela kantri bilong Korea, Saut Korea na Not Korea. Wantok i bungim tupela kantri wantaim long yu ridim na skelim. Tupela kantri wantaim i gat wankain pasin kalsa na tumbuna, gavman tasol i narakain.

KOREA em wanpela bikpela kantri insait long Esia rijon na em i wanpela kantri i bin groa hariap tru long kamap olsem wanpela strongpela kantri insait long wol long planti wok na ol samting.

Em i wanpela bikpela kantri ol long sait bilong bisnis o industri we

Ol pipel bilong Korea i wanpela lain tasol na ol i gat wanpela tokples tasol.

Tumbuna stori bilong Korea i stat bipo tru long yia 2333 taim Jisas i no kamap yet taim ol i tok pikinini bilong God long Heven, nem bilong em Tan-gun i bin wantaim wanpela meri bilong bear-totem klen i kamapim namba-wan kingdom. Ol lain i save stadim stori bilong tumbuna i save kolim dispela namba wan taim bilong Korea olsem Ko Choson taim.

Insait long famili laip bilong Korea, bikpela lain famili i save stap wantaim bikos ol i save gat planti pikinini na ol i save ting dispela em blesing long gat planti

pikinini. Tasol long 1960 i kam long 1970 taim kantri i senis long kamapim planti bikpela bikpela developmen na ol industri, femili plening tu i wok strong na daunim namba bilong ol mama i karim planti pikinini. Olsem na long 1980 i kam, wanpela famili i gat olsem tupela pikinini tasol.


Edukesen

Skul em wanpela bikpela samting Korea we gavman i putim bikpela strong na sapot long olgeta pipel bilong em i mas kisim gutpela skul na save long rit na rait na save bilong mekim wok na kamapim ol samting. Olsem na long 1880, gavman i sanapim strong wok bilong edukesen. Olsem na Edukesen i sanap olsem bikpela samting gavman i mas strongim long olgeta yia. Baset bilong kantri i save go bikpela long strongim tru wok bilong Edukesen insait long kantri. Olsem na long tude, Korea i sanap olsem wanpela kantri long wol we olgeta manmeri bilong ol i save long rit na

rait bikos olgeta manmeri i bin kisim gutpela skul.

Lotu

Korea i gat ol lotu olsem Budis, Shamanism, Taoism, Konfusian long bipo yet i kam. Long 1785 lotu kristen i kamap strong we Jesuit Pater Peter Grammont i kalapim boda long Saina na igo insait na stat givim baptais long ol manmeri i kamap kristen na givim blesing long ol lain i kamap wok misin lain bilong surukim kristen lotu i go moa. Long dispela taim namba bilong ol manmeri i tanim bel i wok long kamap planti. Tasol long dispela taim tu lo i tambu long ausait misin olsem na planti misineri i bin go long kalabus na sampela ol i kilim. Long yia 1863 namba bilong ol kristen long Korea i kamap olsem 23,000. Bihain long Korea woa long 1950 na 1953



• Long Jejudo Ailan, ol meri i save swin i go insait long dip solwara long painim ol kukumba bilong solwara. Ol i save salim ol dispela kukumba na mekim mani. Stori bilong em olsem long bipo ol man i save go long solwara long painim pis na ol kaikai long solwara tasol bikpela tait wara i kamap na kapsaitim ol bot na planti man i bin dai. Olsem na planti mama i lusim man bilong ol. Tasol ol mama i no sindaun nating. Ol i go long solwara na painim kaikai. Ol i save swim i go daun tru long biksolwara long painim ol kaikai olsem kukumba na ol arapela abus. Dispela pasin i bin kamap long bipo yet tasol tude, ol meri long dispela ailan i wok long holim yet.



• King Sejong em wanpela lida bilong Korea long 1397 inap 1450. Nem tru bilong em Yi Do. Ol pipel bilong Korea i lukluk i go bek long stori bilong King Sejong olsem wanpela gutpela lida tru bilong ol we em i bin kamapim planti gutpela gutpela samting we ol pipel i lukim na laikim. Em i bin kamapim planti gutpela senis tu long kantri. Wanpela bikpela samting tru ol Korea pipel i holim yet em long bikpela senis King Sejong i mekim long kamapim wanpela kain nois we ol pipel i ken harim na save hariap na bihainim stret.



• Dispela em strit bilong Yakjeon long biksiti bilong Korea we ol manmeri i hangamapim ol sain na piksa bilong wanpela bikpela de bilong ol. Dispela bikpela de em ol i kolim Insam Festival. Dispela strit tu i gat nem long ol kainkain marasin bilong ples we ol i save wokim na salim long ol stua.

namba bilong ol Katolik sios i kamap bikpela na nau Katolik long Korea em bikpela lotu tude.

Spot

Korea pipel i save laikim tru long pilaim olgeta kain spot. Soka em wanpela bikpela spot Korea i save laikim long pilai. Olsem na Korea i bin kamap long Wol Kap Soka 6-pela taim pinis na em i bin go insait long fainel 5-pela taim olgeta. Olsem na

FIFA wol bodi bilong soka i makim Korea long lukautim 2002 wol kap soka taitel wantaim Japan. Olsem na Korea i bin lukautim 2002 wol kap soka taitel na em i bin kamap gen long semi fainel we dispela em wanpela bikpela rekot insait long wol long mekim nem insait long ol semi fainel.

Taekwando em wanpela olupela spot we i bin kamap long bipo taim ol pipel i bung long ol sere-moni olsem Ynggo, Tongmaeng

(em olsem tenks giving sere-moni). Na long dispela taim ol i save pilai spot we Taekwando i bin kamap. Nau Taekwando i gat samting olsem 4 milien membas insait long kantri na kaunsil i lukautim dispela spot i bikpela tru winim ol arapela spot kaunsil. I gat ol arapela spot bilong bipo tu ol i wok long pilaim yet olsem Ssirum we tupela man bai salens long holim let bilong narapela na apim na tromoi i go aut long mak ol i sanap na pait long en.

WANTOK
KOMENTRI

Gavman laik strongim namba

LONG dispela Novemba bung bilong Palamen, gavman bilong Somare bai traime gen long kamapim lo bilong surukim vot i nogat bilip i kamap long tripela yia bihain. Dispela i min olsem sapos dispela lo i kamap, bai gavman i stap long pawa inap tripela krismas pastaim long vot i nogat bilip i kamap long dispela gavman.

Pastaim em gavman i save holim vot i nogat bilip long 18 mun taim gavman i kam long palamen na kisim pawa.

Dispela em wanpela bikpela lo we i laik kamapim bikpela senis insait long kantri bilong mipela long Papua Niugini long sait bilong palamen.

Narapela bikpela samting tu em long kamapim baset bilong 2004. Tasol sapos gavman i nogat namba bai ol i no inap kamapim ol dispela samting na dispela bai soim olsem gavman bilong Somare i nogat namba na strong.

Long dispela wik gavman bilong Somare i traime long amamasim ol arapela politikel pati long kisim strong na namba bilong kamapim baset bilong 2004 na tu kamapim tu ol bikpela lo we em i laik kamapim long dispela yia.

Wanpela rot em long rausim wok long sampela minista na givim i go long ol sampela memba bai pati bilong ol i ken amamas na votim gavman long soim olsem ol i sanap strong wantaim gavman.

Olsem na long dispela wik tasol Somare gavman i stat long mekim ol senis long ol wok ministri we Deputi Praim Minista Dokta Allan Marat i lusim wok bilong em olsem namba tu Praim Minista na Minista bilong Komes na Indastri.


Minista bilong Leba na Emploimen Peter Yama tu i lusim wok bilong em. Nau Gavman i mas amamasim gut Pipels Progres Pati (PPP) na Pipels Eksen Pati (PAP) bai dispela i ken holim strong bilong ol wantaim long dispela gavman.

Pati bilong Bill Skate tu em bikpela pati long gavman na ol i mas kisim sampela gutpela amamas sapos Praim Minista i laik amamasim PPP na PAP.

Lida bilong Pipels Nesenel Kongres (PNC) Peter O'Niell em Minista bilong Pablik Sevis na i gat toktok i kamap pinis long givim em wanpela bikpela wok Minista long dispela senis.

Dispela kain taim Novemba long olgeta yia em taim bilong olgeta gavman long pawa long bungim bikpela salens. Em taim bilong amamasim olgeta memba bilong em insait long gavman nau. Bikos sapos em i no kamapim baset, em bai sem nogut long ai bilong ol pipel bilong PNG. Olsem na em i mas amamasim olgeta pikinini em i gat long haus bai ol i ken amamasim na sanapim haus long dispela taim.

VOT I RAUSIM DISPELA
NOGAT BILIP! GAVMAN!!



Pasin pamuk na stilim vanilla bins i go bikpela

Dia Edita

Mipela ol man bilong ples i harim planti nius long redio na tu ridim long niuspepa long ol kain pasin nogut i kamap long ol wokman na meri bilong Air Niugini long Pot Mosbi.

Long *Post-Courier niuspepa* i gat stori bilong ol pasin pamuk i kamap long mein ofis bilong Air Niugini long 7 mile.

Ol dispela pasin pamuk em ol sinia ofisa bilong kampani yet i wokim wantaim ol wokmeri bilong ol long ofis.

Em rabis lain ol i wokim dispela kain pasin. Ol man, meri bilong yupela wok long ofis bilong Air Niugini mas sekim

gut meri bilong yupela nogut ol bos bilong ol yet bai prenim ol.

Ol manesmen bilong balus mas lukluk long dispela pasin pamuk na putim su long as bilong ol dispela sinia ofisa na ol lain meri na kikim ol aut bikos ol givim nem nogut long ol gutpela lain ofisa husat i wok gut wantaim Air Niugini.

Luk olsem ol dispela sinia ofisa i nogat meri bilong ol na ol laik wokim ofis bilong Air Niugini olsem haus pamuk bilong ol. Em traipela sem pasin ya.

Na mamba tu samting ol vanilla fama bilong East Sepik i bin salim vanilla bins igo long

Pot Mosbi na ol stilim. Ol dispela vanilla bins kos tausens of kina.

Ating dispela stil pasin i kamap long las mun tasol. Mipela harim olsem ol man ya i stilim ol dispela vanilla bins em ol i bikman (manesa) bilong Air Niugini yet.

Em narapela rabis pasin o daylight robbery.

Dispela tupela trabel pasin pamuk na stilim samting long ples balus em ol sinia ofisa i stap insait long em.

Plis Air Niugini manesmen na polis mas lukluk long dispela na putim ol long ai bilong kot na kot bai mekim save

long ol na tu rausim ol long wok bikos ol i bagarapim nem bilong kampani.

Mipela ol grasrut vanilla fama long ESP i laik save long nem bilong dispela ol lain husat i stilim vanilla na long wanem provins ol i kam long em.

Inap *Wantok niuspepa* kisim nem bilong ol na raitim insait long *Wantok Nius* na bai mipela olgeta lukim.

Em tasol. Husat brata susa i laik givim tingting blong yu long sapatim mi em laik bilong yu.

Billy En Wewak, ESP

Oil pam indastri koporesen i bagarap

Dia Edita

Mi laik autim bikpela wari na komplem bilong mi bai olgeta pablik long PNG i ken lukim na skelim.

Wok bilong Oil Palm Industry Cooperation long West Nu Briten i bagarap olgeta. Ol i save pulim bikpela mani long Smol Holda na VOP

long taim bilong haves ol i save rausim mani long wan wan net bikpela mani tru.

Tasol sevis ol i givim em rabis na nogut tru. Olgeta komuniti senta i bagarap na tu olgeta rot tu i gat bikpela hol na nogut long kar i ron long en. Olgeta pawa lait long ol komuniti ol i rausim, na ol i putim

solar na banisim haus bilong ol long kakaruk waia. Dispela ol i soim gridi pasin.

Ol oil pam blok man na VOP yupela i nogat ai na maus long toktok. Ol i pulim bikpela mani bilong yupela. Em i sin long ai bilong Papa God, na em pasin korapsen gavman i tok long en. Inap yupela rausim OPIC

na DPI i mas kam bek. Kirap na mekim samting. Mi yet pikinini bilong blok man i raitim. Husat i laik sapat o egensim rait tasol i go long *Wantok niuspepa* na mi ken lukim.

Luke Gorea Kimbe, WNPB

Mt Hagen pulap long pipia

Dia Edita

Mi laik autim sampela wari bilong mi long *Wantok niuspepa*. Mi lukim Hagen market i pulap long pipia. Ol pipia i stap igo sting na smel nogut i bagarapim ol manmeri na ol pikinini tu.

Ol wokman long maket ino save klinim o rausim ol pipia. Olsem na mi askim ol maket kaunsol yupela i save peim ol dispela wokman tu o nogat.

Long maket geit ol i save kisim K1 na K2 long bek wan wan.

Na dispela mani yu kisim em yupela i save mekim wanem na ol wokman long maket ino klinim ol pipia hariap. Plis yupela wokman long

maket mas klinim maket gut na kisim mani.

Mi lukim sampela waitman tu kam na baim-kaikai long maket olsem na yupela i mas klinim gut na kisim moni. Nogut ol waitman i ting olsem, dispela maket em i bilong ol enimol. Olsem na yupela i mas stretim na klinim gut maket bilong yumi i kamap klin.

Em tasol liklik wari bilong mi. Husat brata o susa i laik sapat o agensim, orait rait tasol igo long niuspepa bilong yumi, *Wantok* na mi ken ridim.

Dickson M. Mt Hagen, WHP

Setelmen raunim olgeta taun na siti

Dia Edita

Mi mangi bilong ples. Mi kisim maus bilong ol manmeri istap long ples.

Tingting igo olsem, mipela PNG manmeri yumi olgeta igat provins igat distrik, komyuniti na graun.

Na olsem wanem olgeta taun na siti long PNG igat setelmen istap arere raunim kantri bilong yumi.

Mipela askim olsem lo i lukluk strong long dispela hap. Tingting olsem, larim papa-graun ol i stap klostu long taun na siti bilong ol.

Na yu ausait bilong narapela provins yu noken registerim graun na bungim ol wantok bilong yu na registerim hap hap graun na mekim kamap setelmen.

Tingim olsem, yumi em long plen bilong God yumi ino bon nating, nogat. Yumi igat

provins, distrik na komuniti na igat graun bilong stap long em na yusim.

Nem fridom kantri ino bilong yumi gat fridom long lusim asples bilong yumi na mekim setelmen arere long ol taun na siti.

Bikos setelmen tude em i olsem wanpela hait ples bilong kainkain manmeri i kisim diploma o digri bilong kainkain pasin na kam ausait.

Mipela i laikim gavman na lo i lukluk moa long ol setelmen long taun na siti bilong rausim ol sapos nogat gutpela klia as tingting bilong kain setelmen.

Mi putim aut sapos yu husait i laik strongim o agensim putim tasol long edita na yumi iken sikelim.

David Ibak Madang

WANTOK

Publishing Weekly, Wednesday, for Word Publishing Company Ltd. P.O. BOX 1982, BOROKO, NCD PAPUA NEW GUINEA

TELIPON: 325 2500

FEKS: 325 2579

EMAIL: word@global.net.pg

PE BILONG WANPELA YIA 52 NIUSPEPA

PLES	AIR
PNG	K140.00
OSTRELIA	US\$67.00
ESIA PASIFIK NA JAPAN	US\$80.00
AMERIKA NA YUROP	US\$150.00

General Manager: Jeremy Burgess

Editor of Wantok: Yakam Kelo.

Printed and Published by Jeremy Burgess, at Allotment 2, Section 209, Spring Garden Road (Poreporena Highway), Hohola, for Word Publishing Co. Ltd.

OL PAS

Dia Edita

Wantok Niuspepa P.O. Box 1982, Boroko NCD - Phone: 325 2500 Fax: 325 2579 Email: word@global.net.pg

Gavman na ol lida yet i as bilong kantri i bagarap

Dia Edita,

Mi bilip olsem kantri i wok long bungim kainkain hevi olsem strong bilong Kina i pundaun na ekonomi o wok bisnis i bagarap, prais bilong kaikai long stua i go antap, mani i sot tru, kainkain sik i kamap insait long kantri na antap long dispela kainkain hevi olsem graun i bruk, tait wara na bikpela guria na planti moa.

Olgeta dispela hevi em ol lida na ol sinia pablik sevis i kamapim.

Tasol ol i stap amamas wantaim famili bilong ol na mipela ol grasrut long ol ruel eria i karim olgeta dispela hevi. Mi tok antap pinis.

Tru tumas mi luksave pinis olsem hamas dipatmen gavman i gat long kantri olgeta i nogat klinpela opis. Olgeta opis gavman i go pas em doti i pulap tru.

Nogat na nogat tru wanpela lida bai i kam aut long pablik na tok mi klin tru. Bikos pasin na korapsen i stat long ol. Ol lida i noken poinim

finga na stap longwe. Ol dispela lida i no pret liklik long lo. Gavman i nogat lo long banisim ol lida. Gavman i save longlong na lusim bikpela mani long kainkain inkwari tasol driman o hatwok bilong em i no save karim kaikai.

Em i nogat strongpela lo long kotim ol dispela lida. Maski gavman i gat ol strongpela was dok olsem Ombudsmen Komisin, Plis Fraud Skwat na Pablik Prosekyuta. Wok bilong ol long kotim ol dispela lida i

save wara nating bikos gavman i nogat strongpela lo o longpela han. Han bilong gavman i save sot tru na tu gavman i save sot win tru olgeta. Tasol taim wanpela gras rut o turangu olsem mi i wokim liklik pasin o korapsen man gavman i gat lo o longpela han long kotim mi hariap.

Gavman i no save sot win tru na em bai holim mi isi tru. Ating i gat tupela lo long kantri ya. PNG i gat narapela lo bilong ol dispela lida na narapela lo bilong ol liklik man olsem mipela ol gras rut.

Gavman i poinim wanpela finga long mi tasol foapela pinga i poin i go bek long em yet. Olgeta hevi i

kamap long kantri PNG bai i no inap kam sapos yumi olgeta pipel i tok nogat long mi pasin na korapsen. Bai yumi trastim husat?.

Long pinism pas mi laik tok tenkyu i go long PNG Media Kaunsil, Ombudsmen Komisin, Caritas PNG, Trensperseni Intanesenel wantaim planti sios ol mama na planti moa husat i bin givim ful sapot long tok noken o nogat long mi pasin na korapsen insait long PNG. Gavman na ol lida i mas sapot na noken stap longwe na poinim finga.

Tano Wati Hagen

TSS nogat gutpela pei

Dia Edita

Mi laik autim liklik wari bilong mi. Inap *Wantok* i ken givim mi liklik spes long stretim wari bilong mi.

Mi lukim longpela taim stret ikam inap nau, Tabubil Security Service em wanpela kontrak sekuriti kampani wok klostu wantaim Ok Tedi tasol pei ol wokman save kisim em tamblo tru.

Sapos yu skelim wantaim narapela kontrak wok long Ok Tedi, yu save prais bilong ol samting long Tabubil em antap moa yet we dispela liklik pipia pei ino nap.

Plantu taim emti promis, olsem pei bai go antap. Ol boi i wet na tait pinis.

Bikpela kon pasin i pulap long het bilong ol bos. Yupela yet i save noken haitim.

Husat laik sapot o ino laik rait tasol long *Wantok niuspepa*.

Under Paid Tabubil, Westen



Wiiyagapiso

• Boiros bilong yumi Willy Aiya long taim em i stap long Berlin. long promotim PNG kalsa long turism opis long hap. POTO: TPA OPIS

Oro CBC polisman i laikim MOU

Dia Edita

Mi kam long wanpela ples Papoga insait long Popondetta. Mi wanpela viles konstabel.

Na mi sapotim pas o leta bilong wanpela auxiliary polisman long Asigi bikos mipela nogat gavana long sapotim base plis long Oro.

Na dispela base plis em LLG long Popondetta ol i bin fomim long wok insait long wanwan ples na sapotim taun polisman na polis-meri.

Tasol LLG ino save lukluk long

pei bilong mipela em mipela tasol sanap na raskol pasin i kam gut.

Tasol bilong wanem na yupela ol LLG na Nesenek Gavman i no lukluk long mipela?

Ating mipela mas lusim plis wok na stap wantaim stil pasin. Oro LLG nau i slip na putim moni igo we stret na Popondetta taun em plastik pulap na bus tu i kamap. Sori tru long Popondetta taun ino inap senis.

Labapa Papajo Asigi, Oro provins

Noken komplek long Not Waghi MP

Dia Edita

Mi wanpela mangi long Banz, Kulaka na mi laik bekim pas bilong brata Anton Tap long Banz i komplein long Memba Michael Maskal.

Brata Anton yu mas wanpela ai pas man ya. Olgeta hap long PNG planti memba ino kisim moni long Somare gavman na ol no kisim sevis go long ples bilong ol wan wan ilektoreit.

Yu harim memba kisim sampela ilektrol fan tu o. Sapos 14-pela mun memba karim sevis i kam hariap ating Banz inap long develop pinis long las faiv yia tasol wai na em no develop?

Brata yu tok long Banz igo long

Nondugl rot i bagarap so memba bilong yu bilong bipo i wokim wanem kain developmen na dispela hap ples i bagarap.

Mi ting olsem insait long 14-pela mun Michael Maskal i bin wokim na plenim sampela wok long Not Waghi tasol ating yu no bin harim.

Anton gutpela tru yu toktok long memba ino harim sevis long 14-pela mun.

5 yia ino pinis yet na nogut sevis kamap bihain na ai bilong yu bai i op.

Kelly Kawagi Kulaka, Banz

Kirapim Sepik vanila famas asosiesen hariap

Dia Edita

Mi laik autim wari bilong mi long *Wantok* olsem mi tu mi wanpela liklik vanila fama insait long Is Sepik provins na mi laik tok olsem Sepik i mas gat "Famas Vanila Asosiesen" long lukluk long ol wari bilong ol fama.

Nau yet mi laik planti ol midelman baias i save paolim ol famas long Is Sepik na Wewak taun na

Maprik na giamanim ol long prais long wan kilo.

Ol fama mas i gat Expot Spais Laisens loh salim ol vanila bin igo long ovasis maket.

Mi askim ol fama long toktok nau long kirapim vanila asosiesen hariap.

John Kriosaki Wewak, ESP

We stap lo bilong posin man na sotgan?

Dia Edita,

Mi Yan Bebe mi manki bilong ples na mi lukim ol samting i no stret long komyuniti olsem na mi laik toktok wantaim yupela. Mi asples kainantu na mi lukim mipela igat planti hevi tru long komyuniti bilong mipela. Olsem na mipela yet i save holim hevi bilong mipela yet na stap.

Insait long Kainantu tupela hevi istap. Em raskol pasin na posin. Hevi bilong posin gavman i no save helpim mipela na stretim hevi bilong mipela long sait bilong lo bilong kantri. Taim ol i stilim pik, gaden, graun mipela i save yusim

gan long kilim man. Ol polis na mejistret i save wantok sistem olsem na mipela i save go long we bilong mipela na kilim man i dai. Pasin bilong mipela Kainantu em i olsem.

Mi laik askim mama lo bilong kantri i tok wanem long sotgan?

Mipela laik askim yupela olsem wanem na ol difens na polis i salim gan long mipela ol man bilong ples long stretim hevi bilong mipela.

Mi yet mi Yan Bebe mi laik odarim gan na salim long Kainantu sapos yupela i no stopim ol plis na difens long salim gan.

Aste mi bin stap long wanpela

miting long ples na mi harim olsem wanpela haus lain ol i tok i bin kilim dai wanpela man wantaim sotgan. Tupela wiks pastaim mi harim olsem dispela haus lain i bin posinim wanpela man. Haus lain bilong dai man itok sapos yupela ino kam na tokaut mipela bai sutim yupela na ol i wok long bung na toktok istap. Mama lo bilong kantri i tok wanem long lo bilong posin man? Mipela bai kot o kilim ol.

Em tasol komplek na bel hevi bilong mi.

Yan Bebe, Kainantu

Kavieng PMV bas i no bihainim trefik oda

Dia Edita,

Wanpela taim gen mi laik tok gutpela meri krismas na hepi niu yia i go long ol wokmanmeri bilong *Wantok niuspepa* na ol gutpela rida insait long Papua Niugini.

Mi yet mi wanpela manki bikples insait long Kaintiba distrik, Galp provins.

Nau mi stap hia long Kavieng na mi laik autim wari na tingting bilong mi i go long *Wantok* na husat sapota i ken lukim.

Yes long namel taim bilong krismas na niu yia ol PMV bas bilong Rut 2 insait long Kaveing taun i no save bihainim stret trefik oda bilong bas stop stret bilong Rut 2.

Ol wok long bihainim rot namel long Bisi Electrical na i go daun long Joe Tong hosel long kisim pasindia long hap.

I luk olsem dispela i no PMV bas, em mas bas bilong kisim ol meri tasol o em famili bas tasol.

Sapos yu papa bilong bas yet yu wok long mekim dispela moabeta yu yusim stret bilong famili bas na mipela i no ken kalap long yu.

Nau mi laik tok strong long yupela ol papa bilong bas na bos kru na draiva long dispela kain pasin i no ken kamap gen o i no ken mekim moa.

Sapos mi pasindia sanap stret long bas stop na yupela abrusim mipela olsem em bai mipela ripot stret long trefik polis long bihainim dispela kain bas.

Plis ol polis yu mekim wok bilong yu stret bai yumi Kavieng i ken lukim na bihainim stret.

Olsem na mi laik tok sapos em i famili bas, i no ken raitim PMV bas

o sapos em i bas bilong karim meri tasol yu raitim olsem bas bilong karim meri tasol bai mipela man i ken abrusim dispela bas.

Sapos em i bilong olgeta pasindia yu bihainim stret trefik oda bilong bas stop sret em bai orait.

Dispela em belhevi i go long olgeta PMV bas tu insait long Papua Niugini.

Plis harim na bihainim stret oda bilong trefik.

Em tasol na sapos yu wanpela sapota o husat i laik egensim mi, *Wantok niuspepa* bilong yumi PNG stet i wetim yu i stap long wari na tingting bilong yu. Mi bai amamas long lukim.

Taylor Bingending Dawa Product Kavieng, NIP.

Noken sutim tok long Sepik

Dia Edita

Mi wanpela mangi Sepik istap long Lae na mi laik go agensim pas bilong Seles Mac Core bilong Western provins long sutim tok long ol man Sepik.

Yes, long pas bilong yu yu expresim olsem, wanem kain man em ol Sepik na meri Madang i les long maritim ol na em i tru.

Long wanpela hap pas bilong yu, yu tok olsem sampela Sepik em ol paul bodi stret na i no save stap tru wantaim meri bilong ol na moa yet yu tok nogut ol karim AIDS na raun.

Brata bilong mi, mi laik tokim yu

stret olsem dispela pasin bilong marit na ino save tru tru wantaim meri bilong ol, em planti hap long twenti-pela provins long PNG em dispela pasin i save stap na ino Sepik tasol i save mekim na moa yet yu tok nogut ol karim AIDS na raun.

I tru olsem, yu kisim risalt long ol dokta olsem planti man Sepik save karim AIDS na raun o nogut yu kamapim dispela hap toktok long tingting bilong yu.

Samuel Piawari Lae, Morobe Provins

Banglades

Kantri i pait long daunim dispela hevi..



• Alhaj Md. Tajul Islam i bilip Banglades bai daunim dispela hevi.

Kaikai i sot na planti samting i sot

SOT long kaikai, mani na ol samting i bikpela hevi tru olsem na gutpela tingting na rot politiks i kamapim bai daunim dispela hevi.

Sot long kaikai na ol samting, nogat gutpela save long rit na rait na ol kainkain sik nabaut i bin bikpela birua bilong ol manmeri long olgeta hap graun taim planti kantri long bipo i bin wok hat long kamapim gutpela senis na developmen long kantri bilong ol.

Olsem na politiks, wok bisnis na ol senis kantri i laik kamapim i bin wok strong long daunim ol dispela hevi long ol dispela taim.

Banglades em wanpela kantri we i bin gat dispela hevi taim em i bin kisim independens bilong em tasol em i bin gat dispela hevi long bipo yet taim India na Pakistan tu i no bin kisim independens yet.

Long 1776 planti pipel bilong Bengal i bin dai bikos ol i sot long kaikai na planti tausen manmeri i dai long hangre.

Dispela taim em Britis i bin lukautim ol. Na long 1946 klostu 5 milien pipel i dai bikos kaikai i sot. Britis i bin lukautim Banglades yet long dispela taim. Wanpela biknem atis man bilong India Joynul Abedin i bin droim piksa bilong dispela taim nogut we dispela piksa i soim dispela taim nogut long kantri long dispela taim.

Taim kantri Pakistan i bin stap wanpela tasol long bipo, planti pipel long Is Pakistan long dispela taim i bin stap nogut tru we ol i sot tru long planti samting olsem kaikai na ol samting bilong lukautim ol.

Bihain long independens, Banglades we i gat planti i bin stap long hat taim long 1974 we planti pipel i dai bikos i nogat kaikai, kolos bilong werim na karamap, nogat marasin na ol samting bilong mekim ol i stap laip.

Dispela hevi bilong ol pipel i sot tru long planti samting em bikos long bikpela woa i bin kamap long 1971 we planti samting bilong kantri i bin bagarap na ol pipel i painim hat long kisim ol samting ol i laikim long lukautim laip na sindaun bilong ol.

Planti pipel i wok long dai olgeta yia bikos kainkain sik i wok long kamap tu olsem sik pekpek wara, malaria, smol poks na numonia, taipoid na planti arapela sik we ol pipel i nogat marasin long kisim, haus na slip i no gutpela na nogat gutpela skul tu long dispela taim.

Olgeta dispela hevi i kamap bikos ol pipel i sot long mani, kaikai na ol samting bilong helpim laip na sindaun bilong ol. Olgeta dispela em ol stori bilong ol hevi na taim nogut ol pipel bilong Banglades i bin stap long en long bipo i kam.

Dispela em ol sampela stori Alhaj Md. Tajul Islam i ken tingim na tokaut long en. Mista Islam em

wanpela memba bilong palamen long Banglades.

Mista Islam i tok sapos gavman i laik kamap wantaim ol rot bilong daunim ol dispela hevi bilong ol isi isi, ol i mas lukluk i go bek long bipo long wanem kain wok bisnis ol i bin mekim long dispela taim.

Taim Pakistan i bin go pas, sampela wok developmen i bin kamap long sait bilong ol liklik bisnis sait na bikos long ol ovasis helpim wantaim mani i save kam, ol bikpela bisnis na kampani i bin kamap. Tasol wok bilong ol liklik bisnis sait em ol i no lukluk gut na strongim long olgeta hap bilong Pakistan.

Ol ples lain olsem long rural Banglades i holim yet wok gaden bilong oil lokng ples. I nogat wanpela gutpela senis long ol taim Pakistan i kamap.

Tasol long 1960 taim Presiden Aiyub Khan i lukautim kantri, sampela bikpela bisnis, ol dipatmen olsem Agrikalsa Developmen Kopresen, ol Industri Developmen Kopresen, ol liklik faktori bisnis, Famili Plening Dipatmen i bin kamap na i wok na sapotim helt kea progrem olsem wok bilong pait egensim sik malaria.

Ol i yusim ol masin na ol samting bilong mekim wok agrikalsa i go strong olsem long rais fam we ol liklik fama na ol bikpela fama i kisim helpim.

Sampela projek wok i kamap long rot we ol ples lain i wok leba na kisim potnait bilong helpim famili long ples.

Pastaim long Independens

Taim Banglades i kamap wantaim ol bikpela sevis na developmen na bisnis bilong kantri long kamap bikpela na strong, gavman wantaim ol NGO i kamap wantaim ol sampela liklik wok progrem bilong givim helpim long ol pipel long ol i ken kisim sapot bilong mekim ol wok na ol samting long graun na strong bilong ol yet.

Olsem na ol i kamapim ol kain helpim progrem olsem maikro kredit institusen bilong Grameen Benk, helt kea trening na praimeru edukesen progrem, we em i sanap long astingting bilong ol pipel i ken kisim sampela liklik save na skul bilong mekim samting long lukautim ol yet bai ol i noken sik, sot long ol kaikai na ol samting.

Bihain long Independens, gavman i sanap strong long moa meri na ol pikinini i mas kisim skul bilong lainim ol samting olsem wok bung wantaim, kamapim samting namel long grup bai grup i ken kisim helpim wantaim, famili plening, pusim tingting bilong ol pipel long go insait long ol liklik wok bisnis we gavman wantaim ol non gavman lain i opim opis long ol i ken kisim helpim na sapot.

Dispela rot i kamapim bikpela

senis we namba bilong ol bebi i kamap i no planti tumas na i gat spes long ol famili, ol pipel i lukautim gut bodi na haus bilong ol i stap klin, liklik save long mekim samting na ol pipel i ken mekim ol liklik wok bilong helpim laip na sindaun bilong ol yet bai ol i noken sot long kaikai na ol samting gen.

Mista Islam i tok wok bilong ol long daunim hevi bilong nogat kaikai na ol pipel i sot long ol samting i mas pinis olsem na i mas gat bikpela senis long ol eria bilong sosaiti long ol wok bilong edukesen, helt, komyunikesen, envairomen, lo na oda, sosel pis na politiks wantaim wok bisnis o ekonomi.

Sampela NGO grup i no sanap stret long wok ol i laik mekim long wok poroman wantaim gavman long sevim ol pipel na kamapim gutpela senis long komyuniti.

Sampela NGO i kisim tingting bilong politiks na i kamapim salens na sutim ol tok nabaut i go egensim gavman long ol wok na ol samting we ol tupela inap sanap poroman wantaim long mekim.

Sampela nau i kamap olsem bisnis bilong mekim profit tude we wok tru ol i sanap long en long karimaut

kamapim moa rum long wok we planti manmeri i ken painim wok long mekim insait long kantri.

Ol dispela samting em olgeta nesene politikel pati i mas sanap long en long lukim gutpela senis na sindaun bilong ol pipel, Mista Islam i tok.

Pastaim Banglades i save kisim planti dinau mani o helpim mani i kam long ol arapela kantri o ovasis benk tasol pasin bilong pait long politiks yet insait long kantri i givim nem nogut long kantri long kisim moa helpim i kam long ausait.

Long dispela as gavman i lukluk long narapela rot insait yet long kantri we ol kamapim moa bikpela wok long sait bilong ol bikpela indastri we ol stat long wokim ol sip na ol bikpela konstraksen wok insait long kantri we ol i yusim ol masin na ol samting bilong ol yet long mekim wok wantaim na tu yusim ol wokmanmeri bilong ol yet.

Ol i kirapim moa liklik wok tu long sait bilong lukautim ol abus, ol rural plentesen na ol liklik bisnis bilong samapim laplap na ol kolos.

Gavman i wok klostu wantaim ol wok agrikalsa na helpim ol wantaim ol samting bilong ol agrikalsa indastri i ken mekim wok bilong ol isi na



• ol mama long Banglades i krai na singaut long kaikai. Dispela kantri i bin bungim taim nogut we kaikai i sot long olgeta hap na planti milien i bin dai.

i no kamap moa.

Mista Islam i tok long daunim na pinisim dispela hevi bilong kantri ol i mas sanap strong long kamapim moa bisnis, kamapim planti samting bilong salim i go long ovasis maket na mekim mani i kam long kantri, noken baim planti samting tumas i kam long narapela kantri, kisim stret wantaim samting kantri i gat long yusim, kamapim ol save-manmeri bilong kantri long mekim wok bilong kirapim kantri na

dispela i opim wok agrikalsa i go bikpela long kantri.

Na tu gavman i kamapim lo long noken baim planti kaikai na ol samting i kam tumas long ol ausait kantri. Ol i mekim dispela bihainim pasin bilong India.

Planti dispela wok na sanap bilong gavman i stat long kamapim ol gutpela na bikpela senis tru long laip na sindaun bilong ol pipel na kantri tu i wok long lukim gutpela senis i kamap.

AGMARK

Now available at:

- Lae -Ph: 472 2022
- Kokopo -Ph: 982 9055
- Kerevat -Ph: 983 9855
- Buka -Ph: 973 9654
- Madang -Ph: 852 2311
- Rabaul -Ph: 982 1209
- Mt Hagen -Ph: 542 1834
- Wewak -Ph: 865 2544
- Klabe -Ph: 983 4733

- Fax: 472 6650
- Fax: 982 9056
- Fax: 983 9255
- Fax: 973 9654
- Fax: 852 3018
- Fax: 982 1210
- Fax: 542 1857
- Fax: 856 2840
- Fax: 983 4734

COCONUT OIL PRESS




Sikarapim drai kokonas na putim long san.

Taim em i drai pinis putim long masin na kisim oil tasol.

Yu inap kisim hap-lita long 5-pela gutpela kokonas tasol.

K594
plus tax



Haus sik paia kilim faivpela

Beijing, Saina:

PAIA long wanpela haus sik long Huai'an siti long Jiangsu provins long is Saina i kilim 5-pela pipel na tupela i i lus.

Paia i bin kamap long traipela moning las Sande long sejkjel wod bilong Huaiyin Haus Sik.

Taim dispela paia i bin stat, 81 sikman na ol famili bilong ol husat i

bin go long lukim ol i bin stap insait long dispela wod.

I no klia hamaspela wokman bilong haus sik i bin stap insait long wod long dispela taim tasol ol ripot i tok olsem planti pipel i bin kalap kamdaun long ol windua.

Moa long 70 pipel i no bin kisim bagarap.

Meri kisim sas long kilim man

Hong Kong:

MERI bilong wanpela man Amerika i kisim sas bilong kilim man i dai.

Plis i bin painim bodi bilong Robert Kissel las Fonde nait insait

long wanpela rum aninit long haus we em i stap long en.

Plis i bilip olsem meri bilong em i bin paitim em wantaim golp stik na i sasim em wantaim merda. I no klia yet wai em i mekim dispela pasin.



Vot gut Tokyo, Japan: Wanpela lapun meri long wilsia i putim vot bilong em i go insait long boks long jenerel ilek-sens long Japan las Sande.

Taliban kilim 8-pela

Kabul, Afghanistan:

8-pela pipel i bin dai taim ol paitman bilong Taliban i go insait long ol gavman opis long saut is Afghanistan na traim long stilim ol niusman bilong Yunitet Stets ov Amerika.

Dispela birua i bin kamap las Sande taim ol paitman i go insait long Khak-e-Afghan etministretiv bilding long Zabul provins.

Wanpela soldia bilong gavman tu i bin dai long dispela pait we i bin kisim 3-pela awa olgeta.

Pukpuk i paul

Hong Kong:

WANPELA pukpuk husat i lus long trep em i bin pas long en i raun yet long Hong Kong na ol opisel i wari tru bikos ol i no save long wanem hap stret em i stap.

Wanpela wik i go pinis bihain long dispela pukpuk lus tasol ol opisel i no inap holim pasim em.

Las Mandé ol opisel i bin lukim em na traim long sutim em wantaim ol dat bilong mekim em slip tasol ol i pretim em na em i ronawe. Nau ol i wok long yusim ol dai kakaruk insait long ol banis trep long traim na holim em.

Planti ol top man bilong holim pasim ol pukpuk i tok ol i laik helpim tasol Hong Kong i no tok orait yet long ol.

Guria long Taiwan

Taipei:

WANPELA guria long mak 5.4 long Richter scale i noisim ol bilding long naut isten Taiwan las

Sande, tasol i nogat wanpela ripot yet long ol bagarap o ol pipel i dai. Dispela guria i paitim Taiwan long 1:35pm.

Kambodia amamasim Indipendens

Phnom Penh, Kambodia:

PLANTI pipel bilong stret bilong Kambodia i singaut na amamas long ol rot long kepitel siti bilong ol las Sande long amamasim namba 50 yia bilong ol bilong Indipendens

wantaim King bilong ol, King Norodom Sihanouk.

Ol i singaut na amamas na mas i go abrusim Royel Peles o bikpela haus bilong king na i go long Indipendens Monyumen long dauntaun Phnom Penh.

courts we got **everything** for **everyone**

DEPOSIT K1.00 Tasol

DEPOSIT K1.00 Tasol For All Products Advertised plus many more at all Courts Stores nationwide



FORTNIGHTLY K32 REGULAR K799
NECCHI 2542 14 STICH S/MACHINE SALE ONLY K699



SAVE K798 NOW HALF PRICE!
MABE EM204 688FO 4 BURNER GAS STOVE FORTNIGHTLY K33 REGULAR WAS CASH K797 **SALE ONLY K797**



FORTNIGHTLY K51 REGULAR K1,379
KELVINATOR M140H-R 1 DOOR FRIDGE SALE ONLY K1,195




FORTNIGHTLY K70 REGULAR K1,899
KELVINATOR C220H-R 2 DOOR FRIDGE SALE ONLY K1,649



SAVE K86
FORTNIGHTLY K29 REGULAR WAS CASH K899 **K895**
AKITA W3010 T/T W/MACHINE SALE ONLY K599



SAVE K1,600
FORTNIGHTLY K83 REGULAR WAS CASH K2,299 **K3,599**
KELVINATOR BOWL W/MACHINE SALE ONLY K1,999



*Our Prices in this press advertisement are subject to change at any one time without notice. The Products shown in this press advertisement were available at the time of press printing. Not all these are available in all branches.

COURTS

PNG's FAVOURITE FURNITURE AND ELECTRICAL SUPERSTORES

BOROKO	TOWN	GORDONS	GOROKA	LAE	MADANG	HAGEN
Ph: 323 6802	Ph: 321 2143	Ph: 302 5808	Ph: 732 2033	Ph: 472 4800	Ph: 852 3711	Ph: 542 1401

CA-12703

Masta Wai i lukluk long pasin bilong ol raskol nau ol i no moa kea o surik long kisim laip bilong narapela man...

Ol raskol i no surik long kilim man

LAS wik tasol wanpela gutpela man i lusim laip bilong em na tu lusim famili bilong em taim ol man nogut i kilim em long haus bilong em long Tete setelmen long Mosbi.

Dispela hap ples tasol i bin gat bikpela pait namel long ol Goilala na Tari long mun Julai long dispela yia we sampela Goilala na sampela Tari i bin dai.

Dispela man i bin lusim laip bilong em long han bilong ol man nogut husat i no pret o surik long rausim laip bilong wanpela man olsem tasol.

Plis i bin tokaut olsem ol dispela trabel lain em ol lain Goilala.

Em i tru planti trabel na pait i save kamap long ol taun na ol siti namel long ol wan pisin i pait wantaim narapela wanpisin bilong narapela provins.

Sampela taim yumi save kolim tasol long biknem bilong provins. Dispela i no nupela samting bikos yumi harim na lukim pinis olsem ol Goilala bilong Sentrel provins i pait wantaim ol Tari bilong Sauten Hailans provins long Mosbi.

Ol Goroka i pait wantaim Wabeg, ol Goilala i pait wantaim ol Simbu.

Long Lae siti i no long-taim i go pinis bikpela pait i bin kamap namel long ol Hagen na ol Menyamya. Dispela kain bung pait i

save kamapim bikpela hevi tru we ol man i dai, haus i paia, ol kago na bisnis i bagarap, ol meri pikinini i ronawe nabaut na sindaun i go bagarap.

Tingting bilong gavman long kamapim lo bilong rausim ol pasindia i go bek long asples na putim mak long taim bilong raun em ol sampela bikpela senis gavman i mas skelim na kamapim nau.

Planti manmeri i wok long dai long dispela kain pasin insait long ol taun na tu ol famili i wok long dai long pasin bilong ol raskol husat i stap nating long taun na siti na kilim ol gutpela manmeri.

Ating taun em bilong ol wokmanmeri tasol wantaim famili bilong ol na ol pikinini i skul.

Sapos wanpela famili i laik kam lukim famili long taun na siti, i mas gat taim gavman i makim. Kam na stap wanpela mun tasol.

Dispela pasin tu bai stapim ol manmeri i sindaun nating long taun na nogat wok na painim hat long kisim mani na kaikai.

Taim i nogat mani, ol i stilim ol samting long salim na kisim mani o mekim raskol na ol bikhet pasin.

Dispela pasin tu bai daunim ol setelmen long kamap bikpela na lukautim ol manmeri i nogat wok na sindaun nating long siti na singaut long gavman i pulim wara saplai na pawa



JADA 031

"I nogat wanpela man o meri long Papua Niugini bai i tok em i nogat ples o graun."

lait i go long blok bilong ol. Pawa lain na wara saplai i mas go long ol lain i save baim takis long potnait pe bilong ol olgeta potnait.

I nogat wanpela man o meri long Papua Niugini bai i tok em i nogat ples o graun.

Ating dispela kain man o meri i mas kam long narapela kantri na i kam kamapim pikinini na stap tasol long siti.

Dispela kain lain em gavman i ken luksave long ol na salim ol i go bek o ol i mas baim takis long olgeta mun o yia.

Tasol olgeta pipel bilong Papua Niugini i gat graun na asples istap long planim kaukau na go salim long maket na kisim mani na baim trausis na laplap.

Ol lain i stap long ples i no save kraia na wari bikos ol i gat kaikai na ol abus na mani olgeta de.

Tasol yumi sampela long taun i save wari bikos yumi hangre na nogat kaikai bilong apinun na tumoro moning.

Taun na siti em ples bilong ol bisnis manmeri na ol wokmanmeri tasol. Bikos ol bai kaikai long mani na kisim olgeta samting wantaim mani tasol.

Yumi save bung bung nating nating long taun na siti na sapot sapot nating long pait na mekim trabel

na singaut long kisim kompensesen long laip bilong wanpela o tupela i dai o kisim bagarap. Namba wan samting bai yumi singaut em kompensesen bikos yumi laikim mani. Laip long taun na siti em mani tasol na hevi o trabel em mani i mas kam long mekim yumi bel kol. Em i no stret.

Yumi lusim hevi bilong mani i stap long taun na yumi go bek na mekim mani long graun bilong yumi yet we gavman i no inap kisim takis long yumi na lo bai i no inap askim yumi.

Taun na siti i mas maket ples bilong yumi long kam salim kago na kisim mani na baim wanem samting yumi laikim na tekov i go bek long ples.

Wanpela boi Hailans i bin ronawe long ples bilong em na i go stap long taun longpela taim tru.

Em i save stap hait tasol bikos em i gat bikpela birua lain long asples bilong em. Dispela boi Hailans i bin ronawe taim em i lukim stret ol birua i kilim papamama na brata susa bilong em long ples.

Ol i kilim ol pinis na kukim haus long paia. Dispela boi laki long ronawe na stap laip.

Tasol taim em i go stap long taun, em i save wokabout wantaim pret olgeta

taim bikos nogut bai ol birua bai bihainim em i kam o luksave long em long siti na kilim em.

Olsem na long wanem as na bai ol birua bilong ples i kam olgeta long siti na taun na pulim trabel o hevi bilong ol i kam long narapela hap olgeta we i gat ol kainkain manmeri bilong narapela hap we pasin na kastom bilong ol i narakain olgeta i stap.

Ol ovasis lain tu istap tasol yumi laik soim ol long bikhet pasin bilong yumi long ai bilong ol.

Em i taim nau long gavman i mas taitim lo bilong rausim ol pasindia o ol manmeri i nogat wok i go bek long asples bilong ol bikos taim ol i sindaun nating nating na raun long taun na siti, bai ol i kamapim planti trabel.

Laip bai hat long ol na ol tasol bai stat long kilim ol gutpela manmeri long kisim kaikai na mani bilong stap laip insait long siti.

Lo bilong rausim ol pasindia i go bek long ples na lo bilong kilim dai ol lain i kilim nating ol manmeri i mas kamap nau.

Tude ol bikhet man o trabel lain i no save surik long laip bilong narapela manmeri bilong dispela kantri. Olsem na lo bilong dispela kantri i noken surik tu long ol dispela trabel lain.



YU BAI NO INAP LONG ABRUSIM LO! YU KILIM MAN, LO BAI NO INAP ISI LONG YU!

JADA 051

Buai maket sevim planti lain



Masta Wai i raitim

SALIM buai na lus smok em wangepela wok planti manmeri insait long siti, taun na long ples tu i save mekim long painim mani bilong baim kaikai, ol klos, skul fi bilong ol pikinini na planti arapela samting ol famili i save sot long en long olgeta de.

Planti manmeri i save salim buai na lus smok arere long haus bilong ol na tu long maket ples olsem long Gerehu, Tokarara na Koki maket long Mosbi na ol arapela maket long arapela bikpela taun long olgeta de na yu no inap abrus long pes bilong ol bikos ol i sindaun kisim ples long maket na em ples bilong ol long sindaun olgeta taim na maket.

Sampela i sanapim tebol long graun na wokim bet bilong lainim buai antap na yumi save olsem em kona bilong dispela man o meri long salim ol buai smok bilong em olgeta de.

Bikpela samting em ol i mekim maket bilong kisim mani na tru tumas ol buai maket lain i save kisim planti mani olgeta de.

Yu ken lukim stret long tebol o aninit long bek ol i lainim buai long en em ol mani i no pilai pilai.

Bikos taim ol man i kam long baim buai sampela i save kam baim mak long K2.00 o K5.00 na karim i go long haus o long wok ples bilong ol bai ol i ken kaikai na i no ken hatwok long painim buai raun gen.

Sampela lain i save sindaun tasol long maket na salim buai na lus, smok bilong ol tasol arapela i save karim maket bilong ol na wokabaut wantaim na salim long rot o arere long stua na ol opis nabaut o long pilai graun.

Dispela em ol wokabaut maket we yu ken sindaun tasol na ol yet bai wokabaut i kam klostu long yu na singaut, buai i stap, lus smok i stap na yu mekim eksen tasol na ol i kam long yu.

Bikmoning long baim buai, ol manmeri bilong baim buai i save gut tru long wanem de na wanem taim ol asples i save karim buai i kam long salim long siti.

Long Mosbi em ol manmeri i save pinis olsem ol asples Mekeo na Kerema i save karim buai i kam long siti long salim.

Olsem na ol i save putim was long wanem taim ol i kam bai ol i go baim buai. Ol

long ples na i stap antap long dispela PMV.

Taim PMV i kam i go insait long wangepela banis, ol ka i no pilai pilai long bung arere long dispela haus.

Em i stret ol manmeri i laik baim buai bikos dispela buai

man holim ol lus tasol. Sapos plis i kam holim ol, em orait i no olgeta buai. Bikos olgeta buai em ol i haitim long baret o aninit long simet o sait bilong flawa gaden nabaut long rot.

Tasol planti i no save laki bikos plis i save kamap na kisim buai bilong ol na tromoi nabaut na ol manmeri i save kisim nabaut na kaikai. Planti manmeri i save sori bikos ol i ting ol buai lain i no mekim trabel. Ol i sindaun isi tasol na mekim maket bilong ol.

Tasol bikpela samting em ol i helpim long mekim planti pipia long ples. Long dispela ol atoriti na plis i laikim ol manmeri i mas salim buai stret long maket ples we atoriti i sanapim insait long siti.

Sampela maket lain i save salim buai klostu long ol wok ples o karim buai bilong ol raun long ol wok ples bai ol wokmanmeri i ken baim buai bilong ol. Sampela taim ol wokman yet i save karim buai smok bilong ol i go long ples wok na salim taim ol wanwok.

Dispela i mekim ol wokman i nogat rot bilong go aut na painim buai long maket bikos wangepela wokman i karim buai i kam salim long ples wok.

Sampela taim ol wokman i gat mani i baim na sampela i nogat mani i save kaikai tasol na baim bihain.

Tasol sampela kampani i save gat lo long ol wokmanmeri i noken salim buai long ples wok. Olsem na ol i save haitim gut ol buai smok

bilong ol long han bek na salim hait tasol na bos i no inap lukim.

Nait maket long rot

I gat sampela maket ples we yu no inap hat wok long painim buai long nait. Maket i save stap long nait tu na ol lain i ron long nait i ken kam stapim ka na baim buai na kaikai.

Yu ken lukim long hap olsem Erima we ol maket lain bai laitim kendol na sindaun salim buai long nait. Ol i save olsem long dispela hap em rot i go long ples balus na planti manmeri bai i go long ples balus long nait long kisim ol wantok i kam long balus o i go lusim wantok i go long balus long nait taim.

Sampela bai i go stretim tiket na kam ausait kisim win na wetim taim bilong balus i ron. Olsem na ol bai i kam long buai maket na kaikai buai na wet i stap.

Long ol blok na kompaun tu em ol nait maket i save stap long ol manmeri i baim buai long nait. Taim igat bingo na kas gem i stap, buai maket tu i stap wantaim. Bai yu lukim tasol long lait bilong kendol na yu save hariap tru. Taim ol manmeri i bung long wangepela sindaun, yu save olsem buai maket tu i stap.

Buai maket i sevim planti lain

Buai maket em wangepela maket we ol manmeri i save mekim planti mani long en.

Sampela man i kamap bisnis lain pinis long salim buai tasol. Ol lain bilong ples we i save planim buai i gat planti mani pinis long buai bilong ol.

Ol i wokim nupela haus, baim PMV ka, wokim tred buai na arapela liklik projek long mani bilong buai tasol. Sampela i baim skul fi, baim televisen, nupela bokis ais, baim nupela klos na ol kago na ol sampela bikpela samting ol famili i laikim.

Yumi save olsem buai i no wangepela samting bai yumi kaikai na bel pulap. Tasol maus i save laikim tru.


Buai i gat sik bilong em olsem maus bai i gat sua na kensa nabaut. Na tu bai yu no inap kaikai gut bikos buai na kambang bai kukim maus bilong yu we i kilim dai wangepela kain rop bilong maus we i save pilim swit bilong kaikai.

Olsem na sapos yu kaikai na kaikai i nogat swit long maus, em yu save olsem dispela pawa bilong maus long pilim swit bilong kaikai i bagarap pinis bikos kambang i kukim.

Buai tu i save bagarapim ples na mekim ples i kamap doti na bagarap olgeta. Dispela em ol sampela samting we i no gutpela long sait bilong kaikai buai.

Tasol taim yumi ol manmeri bilong kaikai buai i putim buai long maus na tromoi daka na kambang i go antap, em nau yumi save tok, em samting tru ya.

Yumi tok, em nau ai i op na strong bilong mi i kam bek nau.



• Buai em bun bilong yumi stret. Bipo buai yumi baim long kaikai na amamas. Nau buai i save karim kaikai i kam long haus na save lukautim famili olsem skul fi. FAIL POTO

manmeri i save tu long wanem kain PMV em ol ples lain i save kam long en na ol bai putim was i stap taim wangepela PMV i kam kamap, ol bai ron bihainim wantaim ol liklik haia ka ol i redim pinis long kisim ol i go baim buai.

Hap bilong ol ples lain i save kam salim buai long Mosbi siti em long Gerehu na long Hanuabada.

Na ol manmeri i save pinis olsem na hap nait yet ol i sanap was long hap long wetim PMV bilong ples bai karim buai i kam na ol bai baim.

Taim PMV i kam i go insait long banis em nau yu ken lukim ol manmeri bai ron na resis namel long ol yet long ol i mas go long fran na lukim gut buai na baim.

Taim PMV i kam longwe yet na i no stop gut yet bai yu lukim ol lain bilong baim buai i ron bihainim ka.

Mi bin lukim wangepela taim olgeta liklik ka na bas i ronim wangepela PMV bilong ples long Erima i go olgeta long Gerehu.

Mi ting wangepela man i dai na ol lain wantok i pulim longpela lain wantaim ka tasol samting tru em ol i ron bihainim ol bek buai i kam

tasol bai sevim ol manmeri bilong taun.

Plis save ronim ol

Sampela taim bai yu sori long ol turangu manmeri bilong salim buai. Tasol ol i no save surik o pret long wanem hap ol i salim buai.

I gat lo bilong siti we taun na ol siti kaunsil olsem NCDC i mekim lo long noken salim buai na maket arere nabaut long stua, bas stop na rot nabaut.

NCDC i laikim ples i mas stap klin olsem na ol i mekim dispela lo. Tasol ol lain bilong yumi i no save surik o pret long ol wokman bilong NCDC i kam rausim ol. Sampela taim ol plisman i save wok wantaim ol NCDC wokman long raun na rausim ol buai maket nabaut arere long rot.

Tasol ol i save salim buai na putim was tu long lukim sapos ol plisman na NCDC wokman i kam bai ol hariap haitim buai na lus smok bilong ol.

Sampela bai hariap pulapim ol buai bilong ol long bilum na giaman sanap nating wantaim ol manmeri long pablik i stap.

Arapela i save haitim buai long baret o aninit long simen nabaut na ol bai gia-



• Ol pikinini tu i save sindaun na helpim mama long salim buai. Sapos yu gat gaden buai, yu em laki man stret.



Ol Laipstail poto



• Mambu ben bilong Riwo long Madang i pilai musik long opim nupela Komyunikesen Senta bilong Madang Tisas Koles long las mun. POTO MICHAEL NOVINGU



• Ol femili i amamas gut tru na sindaun long sip taim ol i laik go long ples.



• Ol Sentral sumatin bilong Bavaroko Komyuniti skul i bilas na amamsim so de bilong ol.



• Ol bikman bilong Nesenel Alaiens Pati i go raun long Kupiano long sapatim kendidet bilong ol Dokta Puka Temu long train Bai ileksen bilong Abau. POTO :JOE IVAHARIA



• Ol skul sumatin bilong Momase i bilas na singsing long Bavaroko kalsa de.



• Ol pipel bilong Madang i bin straik taim gavman i laik mekim senis long ol bilong kopi.

Niu Age bai givim nupela stail long Bogenvil musik

Neville Choi i raitim

PLANTI manmeri bilong Papua Niugini i save olsem ol lain Bogenvil em ol lain bilong harim ol kain strong-pela musik olsem hevi metol na rok.

Na dispela kain tingting i save stap long het bilong planti lain long bipo yet inap long tude.

Tasol nau i gat wanpela ben bilong Bogenvil yet we i laik senisim dispela kain tingting wantaim musik bilong ol.

Em i wanpela nupela ben tasol na long dispela wiken ol bai lonsim namba wan albam bilong ol.

Nem bilong ol em 'Niu Age', na ol i kolim namba wan albam bilong ol 'Tsomia Alia' o long tok pisin, em 'trangu bilong mi'.

Niu Age i laik senisim tingting bilong ol manmeri olsem ol lain Bogenvil em ol hevi metol lain tasol.

Musik bilong Niu Age em i musik we i karapim ol kain kain stail bilong pilai musik, na i no hevi metol o rok tasol.

Menesa bilong Niu Age, Kim Kenevi, i tokim *Wantok Niuspepa* olsem as tingting bilong nem bilong ben em bilong senisim dispela kain tingting bilong planti man olsem ol ben bilong Bogenvil i save pilaim hevi metol na rok musik tasol.

Tasol wanem kain singsing i stap long dispela albam? Kenevi i tok olsem ol singsing long 'Tsomia Alia' i toktok long kain kain samting long laip bilong ples long Bogenvil.

"Planti manmeri i save ting olsem olgeta musik ben bilong Bogenvil i save pilaim hevi metol na rok musik tasol. Wantaim Niu Age, mipela i laik soim olsem ol musikman bilong Bogenvil inap long pilaim gut ol arapela kain musik tu," Mista Kenevi i tok.

Em i tok dispela namba wan albam bilong Niu Age i gat kain kain stail biling musik i stap long en. Ol stail i stat long regei i go inap long disco musik stret.

Olsem nem bilong albam ya, wanpela singsing aninit long wankain nem, em singsing bilong wanpela gutpela poroman bilong man i go pas long ben, Bernard Hanga, wanpela biknem musikman husat i bin save pilai wantaim Crisis Survivors na Warzone, tupela olupela ben bilong Bogenvil.

Man husat i bin raitim dispela singsing 'Tsomia Alia', nem bilong em Ignatius Riahei, husat i bin save pilai wantaim Warzone taim em i raitim dispela singsing.



• Niu Age Ben ... Ol memba bilong Niu Age Ben: (sanap baksait) Franco Palin, - Ges Vokalis, Bernard Hanga na Eddie Nasara. Sindaun long fran em Alfred 'Scuffy' Buakorot. Narapela man i no stap em Benjamin Palin. Niu Age bai lonsim namba wan albam bilong ol 'Tsomia Alia' long dispela wiken long Elcom Klab long Mosbi. Roto: BRIAN SEMOSO

ing. Em i bin dai long 2001. Hanga i singim Tsomia alia long dispela namba wan albam bilong Niu Age.

Ol ben memba em Bernard Hanga, husat i gat liklik studio bilong em yet long Bogenvil, em i kolim Sunrise Studios, Eddie Nasara, Alfred 'Scuffy' Buakorot, Benjamin Palin na wanpela ges vokalis, Franco Palin husat i tromoi nek bilong em long wanpela singsing long albam ol i kolim 'Koto peli'.

Stori bilong Niu Age i stat long 1999 taim Eddie, Alfred na Benjamin i bin katim wanpela demo kaset wantaim ol musik na singsing bilong ol long en.

Tasol nogat wanpela musik studio i bin kisim demo kaset bilong ol long harim.

I kam inap long mun Septemba long dispela yia bihain long Yuniti Tua bilong ol Bogenvil ben, ol studio i no bin luksave long musik bilong ol.

Long taim bilong Yuniti Tua bilong ol ben bilong Bogenvil, Bernard Hanga i bin pilai na kam raun wantaim ol. Em i save olsem ol lain ya i bin mekim dispela demo kaset, na em i kisim i go bek long ples long stretim long Sunrise Studios bilong em.

Ol i bin laik katim ol kaset long hap na salim long Bogenvil, tasol ol i ske-lim olsem ol i mas katim kaset bilong ol wantaim wanpela bikpela studio we inap long katim kaset na salim i go long olgeta hap long kantri.

Hanga i save long planti man insait long musik indastri. Olsem na em i bin toktok wantaim ol lain long Cyclone Studios hia long Mosbi na ol i pasim tok long stretim na rekodim ol singsing long dispela albam na kisim kontrak wantaim Chin H Meen studios long katim ol kaset bilong ol. Kenevi i toksave olsem ol bai lonsim namba wan albam bilong ol long Sarere long dispela wiken i kam long Elcom Klab insait long Mosbi.

"Mipela bai holim wanpela liklik konset we New Age bai pilai wantaim narapela Bogenvil ben, Hasi na Crew 5. Long taim bilong lonsing, bai mipela i salim ol CD bilong nupela albam tu long K25 tasol.


"Bihain long lonsing bilong dispela namba wan albam bilong mipela, bai mipela salim CD long K30 long wan wan," Mista Kenevi i tok.

Em i tok sapos ol manmeri i save laik harim kaset tasol, ol bai inap long baim ol kaset long Chin H Meen.

Mista Kenevi i tok olsem ol i wok stretim ol CD, ol yet, tasol ol i gat kontrak wantaim CHM long katim kaset bilong ol na salim long olgeta hap long PNG.

Kenevi i tok bikpela tenkyu tru i go long Cyclone Studios long helpim ol long rekodim dispela albam na tu i go long CHM long helpim long katim na distributim kaset bilong ol.

Niu Age i laik opim rot long nupela kain stail bilong musik i kamaut long Bogenvil. Sapos yu save laikim tru musik bilong Bogenvil, o sapos yu stap long Mosbi na yu laik harim nupela kain stail musik, go kamap long Elcom klab long Sarere nait long dispela wiken long lukim lonsing bilong 'Tsomia Alia' i kam yet long Niu Age.



EM TV

Fonde
13/11/2003

5.30 JOYCE MEYER MINISTRY
6.00 NINE'S EARLY NEWS
7.00 TODAY SHOW
9.00 CREFFLO DOLLAR
9.30 EMTV CLASSIFIEDS
10.20 GRADE 7 SCIENCE
11.10 GRADE 7 SOCIAL SCIENCE
11.50 EMTV CLASSIFIEDS
12.00 GRADE 11 MATHS A
12.40 GRADE 11 GEOGRAPHY
1.30 EMTV CLASSIFIEDS
2.30 SESAME STREET
3.30 FLINSTONES
4.00 BUSH BEAT
4.30 SNOBS
4.47 EMTV TOKSAVE
5.00 BURGO'S CATCH PHRASE
5.29 EMTV NEWS BREAK
5.30 THE PRICE IS RIGHT
6.00 EMTV NEWS
6.30 A CURRENT AFFAIR
6.59 NEWS UPDATE TOK PISIN
7.00 LOTTO DRAW
7.01 CHM SUPERSOUND
8.00 SPORTS SCENE
9.27 EMTV TOKSAVE
9.30 ER
10.30 NIGHTLINE
11.00 THIRD WATCH
12.00 EMTV NEWS REPLAY
12.30 EMTV CLASSIFIEDS

Fraide
14/11/2003

5.30 JOYCE MEYER MINISTRY
6.00 NINE'S EARLY NEWS
7.00 TODAY SHOW
9.00 CREFFLO DOLLAR
9.30 EMTV CLASSIFIEDS
10.20 GRADE 7 SCIENCE PRIMARY
11.10 GRADE 7 SOCIAL SCIENCE PRIMARY
11.50 EMTV CLASSIFIEDS
12.00 GRADE 11 MATH A
12.40 GRADE 11 GEOGRAPHY
1.30 EMTV CLASSIFIEDS
2.30 SESAME STREET
3.30 FLINSTONES
4.00 WONDER WORLD
4.30 SNOBS
4.47 EMTV TOKSAVE
5.00 BURGO'S CATCH PHRASE
5.29 NEWS BREAK
5.30 THE PRICE IS RIGHT
6.00 NATIONAL EMTV NEWS
6.30 A CURRENT AFFAIR
6.59 NEWS UPDATE
7.00 LOTTO DRAW
7.01 PRAISE
8.00 INSAT PNG
8.35 SOUL CITY
8.57 EMTV TOKSAVE
9.00 WHO WANTS TO BE A MILLIONAIRE
10.00 RPA
10.30 NIGHTLINE
11.00 EMTV NEWS REPLAY
11.30 CHM SUPER SOUND
12.30 EMTV CLASSIFIEDS

Sarere
15/11/2003

8.00 PLANET FANTA
9.30 PINKY & THE BRAIN
10.00 THE OUTRIDERS
10.30 CHALLENGER
11.00 BURKE'S BACKYARD
12.00 THE PACIFIC WAY
1.00 MOVIE MATINEE: TARZEN REVENGE (Black & White)
3.00 EMTV SPORT
5.00 FISHING NORTH AUSTRALIA
5.30 ESCAPE WITH ET
6.00 NATIONAL EMTV NEWS
6.30 NCDC NEWS
7.00 RUGBY WORLD CUP - SEMI FINAL Winner QF 1 vs QF 2
8.55 EMTV TOKSAVE
9.00 AUSTRALIA'S FUNNIEST HOME VIDEO SHOW
9.30 XENA WARRIOR PRINCESS
10.30 HERCULES
11.30 EMTV NEWS REPLAY
00.00 TULAIT

Sande
16/11/2003

4.00 RUGBY LEAGUE TEST Great Britain vs Australia
6.00 WORLD OF WILDLIFE
6.57 EMTV TOKSAVE
7.00 THE TEACHING MINISTRY
7.30 IT IS WRITTEN
8.00 BUSINESS SUNDAY
9.00 SUNDAY
11.00 ING CUP CRICKET Victoria vs Queensland
12.30 ESCAPE WITH ET
1.00 ING CUP CRICKET
4.30 X-TREME SPORT
5.00 DOCUMENTARY: TALES OF THE SHARK HUNTER
6.00 NATIONAL EMTV NEWS

6.30 THIS IS YOUR LIFE
7.00 RUGBY WORLD CUP: SEMI FINAL 2 Winner QF3 vs Winner QF4
9.00 60 MINUTES
10.00 SUNDAY NIGHT MOVIE: SWIMMING WITH THE SHARKS
A young Hollywood executive becomes the assistant to a big time movie producer who is the worst boss imaginable: abusive, abrasive and cruel. But soon things turn around when the young executive kidnaps his boss and visits all the cruelties back on him.
12.00 NEWS REPLAY
12.30 EMTV CLASSIFIEDS

Mande
17/11/2003

5.30 JOYCE MEYER MINISTRY
6.00 NINE'S EARLY NEWS
7.00 TODAY SHOW
9.00 CREFFLO DOLLAR
9.30 EMTV CLASSIFIEDS
10.20 GRADE 7 SCIENCE
11.10 GRADE 7 SOCIAL SCIENCE
11.50 EMTV CLASSIFIEDS
12.00 GRADE 11 MATH A
12.40 GRADE 11 GEOGRAPHY
1.30 EMTV CLASSIFIEDS
2.30 SESAME STREET
3.30 BETTLE JUICE
4.00 WONDERWORLD
4.30 SNOBS
4.47 EMTV TOKSAVE
5.00 BURGO'S CATCH PHRASE
5.29 NEWS BREAK
5.30 THE PRICE IS RIGHT
6.00 NATIONAL EMTV NEWS
6.30 A CURRENT AFFAIR
6.59 NEWS UPDATE
7.00 LOTTO DRAW
7.01 PRAISE
8.00 INSAT PNG
8.35 SOUL CITY
8.57 EMTV TOKSAVE
9.00 WHO WANTS TO BE A MILLIONAIRE
10.00 RPA
10.30 NIGHTLINE
11.00 EMTV NEWS REPLAY
11.30 CHM SUPER SOUND
12.30 EMTV CLASSIFIEDS

Tunde
18/11/2003

5.30 JOYCE MEYER MINISTRY
6.00 NINE'S EARLY NEWS
7.00 TODAY SHOW
9.00 CREFFLO DOLLAR
9.30 'EMTV CLASSIFIEDS'
10.20 GRADE 7 SCIENCE
11.10 GRADE 7 SOCIAL SCIENCE
11.50 EMTV CLASSIFIEDS
12.00 GRADE 11 MATH A
12.40 GRADE 11 GEOGRAPHY
1.30 EMTV CLASSIFIEDS
2.30 SESAME STREET
3.30 BETTLEJUICE
4.00 GOODSPOORT
4.30 SNOBS
4.47 EMTV TOKSAVE
5.00 BURGO'S CATCH PHRASE
5.29 NEWSBREAK
5.30 THE PRICE IS RIGHT
6.00 NATIONAL EMTV NEWS
6.30 A CURRENT AFFAIRS
6.59 NEWS UPDATE
7.00 LOTTO DRAW
7.00 REPORT
7.30 TEST AUSTRALIA - THE NATIONAL IQ TEST
10.27 EMTV TOKSAVE
10.30 NIGHTLINE
11.00 BABYLON 5
11.00 EMTV NEWS REPLAY
12.30 EMTV CLASSIFIEDS

Trinde
19/11/2003

5.30 JOYCE MEYER MINISTRY
6.00 NINE'S EARLY MORNING NEWS
7.00 TODAY SHOW
9.00 CREFFLO DOLLAR
9.30 ""EMTV CLASSIFIEDS""
10.20 GRADE 7 SCIENCE
11.10 GRADE 7 SOCIAL SCIENCE
11.50 EMTV CLASSIFIEDS
12.00 GRADE 11 MATH A
12.40 GRADE 11 GEOGRAPHY
1.30 ""EMTV CLASSIFIEDS""
2.30 SESAME STREET
3.30 FLINSTONES
4.00 WONDER WORLD
4.30 SNOBS
4.47 EMTV TOKSAVE
5.00 BURGO'S CATCH PHRASE
5.30 THE PRICE IS RIGHT
6.00 NATIONAL EMTV NEWS
6.30 A CURRENT AFFAIR
6.59 TOK PISIN NEWS UPDATE
7.00 LOTTO DRAW
7.01 HAUS & HOME
7.30 THE BLOCK
8.27 EMTV TOKSAVE
8.30 WEDNESDAY NIGHT MOVIE: STRICTLY BUSINESS
11.00 NIGHTLINE
11.30 NEWS REPLAY
11.30 SOUTH PACIFIC MUSIC
12.30 EMTV CLASSIFIEDS

EMTV long olgeta Fonde nait, 11pm



THIRD WATCH

OLGETA Fonde nait long EMTV, yu bai inap long lukim Third Watch. Dispela em wanpela TV muvi long ol paia pait man na meri wantaim ol dokta o imejensi medikel reskyu manmeri long New York siti long Amerika.

Ol wantaim ol plis manmeri i save wok wantaim long stopim ol raskol pasin insait long siti, sevim laip bilong ol manmeri na kilim ol paia na arapela bikpela bagarap.

Dispela TV piksa i gat olgeta samting bilong pulim ai bilong yu. I gat eksen, kros, pait, na i gat ol gutpela pasin tu ol dispela lain i save soim long ol manmeri bilong New York siti.

NATIONAL WEEKLY HIT PARADE

Novemba 15, 2003
Sponsa: Twistles

Song	Artist	Last Week	This Week
Yapma	Bosi Souls	1	1
Christina	Crew 5	2	2
Miya	Sharzy & Barnzie	3	3
Cellian	Blue Mates	4	4
Only Yu	Sharzy & Barnzie	5	5
Freedom	Vanessa Quai	6	6
Nama Vavine	Martin Rawali	13	7
A Kini	Patti Potts Doi	10	8
A Vaira	Patti Potts Doi	14	9
PNG Ples Blong Yumi	Alison & Giro	15	10
Sori Tumas	Paeva	20	11
Casino Mama	Banex	8	12
Iarowari Flower	Banex	9	13
Selen No Staka	Third World Crew17		14
Roangagu	Patti Potts Doi	7	15
Pusu Image	Original Sirois	16	16
Gutsomi	Niu Age Band	0	17
Sobo	Gou Gaoma	11	18
Miok Medley	Mark Soweni	0	19
Niugini Stylee	Hausboi	12	20

The Weekly Hit Parade is provided by PNG FM.



Nem: Herman Sahake
 Krismas: 20 (man)
 Adres: Nilu Village, PO Box 260, Maprik, East Sepik Province
 Pilai gita, ridim buk na niuspepa, pilai soka na volibol, go long lotu na harim musik.

Nem: Agnes John
 Krismas: 26 (meri)
 Adres: C/ - Simon Niki, PPC, Mendi, Southern Highlands Provinces
 Save laikim: Ridim stori buk, stori wantaim ol pren na lukim TV.

Nem: Leontine Momo
 Krismas: 15 (meri)
 Adres: Tabubil Primary School, PO Box 152, Tabubil, Western Province
 Save laikim: Pilai ol spot, harim musik na raitim pas igo long ol pren na tu senisim poto na presen.

Nem: Maria Ewada
 Krismas: 16 (meri)
 Adres: Sangara Vocational Centre, PO Box 120, Popondetta, Oro Province
 Save laikim: Go long skul, ridim buk na pilai ol gems.

Nem: Erofa Tinza
 Krismas: 17 (meri)
 Sangara Vocational Centre, PO Box 120, Popondetta, Oro Province
 Save laikim: Go long skul, go lotu, pilai spot na lukim TV.

Nem: Shady Joe
 Krismas: 18 (meri)
 Adres: PO Box 1990, Lae, Morobe Province
 Save laikim: Raitim pas long penren, harim musik, lukim TV na senisim presen.

Nem: Envil Dann
 Krismas: 23 (meri)
 Adres: PO Box 1990, Lae, Morobe Province
 Save laikim: Metim nupela ol pren, harim lotu musik, raitim leta na pilai soka.

Nem: Ebenezer Nana Agyei
 Krismas: 20 (man)
 Adres: PO Box NK 111, Agona-Nyakrom C/R Ghana, West Africa
 Save laikim: Senisim poto, waswas long wara, raitim ol poems.

Nem: Delphina Seckley
 Krismas: 50 (meri)
 Adres: PO Box 197, Agona Nyakrom, Central Region, Ghana, West Africa
 Save laikim: Harim musik na waswas long wara.

Nem: Mel Pais
 Krismas: 21 (man)
 Adres: Imbio Community School, PO Box 306, Vanimo, Sandaun Province
 Save laikim: Go long skul, go long bus, pilai musik na go long lotu.



Bipo, bipo tru long wanpela ailan i bin gat tupela brata i stap wantaim tumbuna meri bilong tupela. Papamama bilong tupela i bin dai taim tupela i liklik yet na tumbuna meri i lukautim tupela.

Nem bilong pes bon em Kotok na seken bon em Poning. Kotok em man bilong bikhet liklik na sampela taim em i no save harim tok bilong bubu meri tasol Poning em rait man stret.

Em i no man bilong sakim tok. Em i save helpim bubu long katim paiawut, wok gaden, kisim wara, painim pis na sampela em i save kuk bilong ol.

Ol i stap amamas tasol i go i go na tupela brata i go bikman nau. Bubu meri nau i wari long tupela tumbuna man bilong em long hau bai tupela i painim meri long maritim na kamapim famili bilong tupela yet.

Nau em i askim pes bon Kotok olsem sapos em i laik painim wanpela meri long maritim.

Kotok i tok yes em i laik. So bubu i tokim em i wokim haus bilong em longwe yet. Kotok i no westim taim. Em harim tru na wokim wanpela haus na stailim gut stret.

Taim haus i pinis em igo na tokim bubu meri olsem em taim nau bilong kisim meri. Bubu meri i tokim em olsem em bai i silip tasol bikmoning em i mas kirap na kam lukim em.

Kotok tu em man bilong

Man maritim kokonas meri



silip na i kirap leit. Taim em i kamap long bubu meri, bubu i tokim em olsem em i leit na tupela bai surukim wokabaut bilong Kotok i go long narapela moning. Tasol Kotok em ino harim bubu. Em i laik go nau na painim meri bilong em.

Em strong moa yet na bubu meri i tokim em olsem. "Harim gut. Yu bai pul i go long wanpela ailan longwe stret. Taim yu kamap long ailan, yu mas go antap long wanpela kokonas na kisim wanpela.

Yu no ken kisim dispela inogat mit yet na yu no ken kisim dispela i drai pinis. Yu mas kisim namel wan stret na kisim i kam daun wantaim yu na putim long bek sait long kanu. Yu no ken tromoi kokonas i kam pas long graun. Taim yu pul i kam bek yu no ken lukluk i go bek taim yu harim nois long beksait

long kanu."

Nau boiros ya i tok gut-bai long Poning tupela bubu meri na stat pul igo. Em pul igo igo na klostu apinun em i kamap long dispela ailan. Em i no wet. Em igo antap long wanpela kokonas hariap tru kisim wanpela tasol na tekov i kam daun. Tudak i kamap pinis na em i no sekim gut kokonas we em i kisim.

Kotok i stat pul long kambek. Em i kamap klostu long ailan bilong ol na em i harim nois long beksait bilong kanu bilong em. Em hariap tru na tanim long lukluk.

Man, em kirap nogut stret long lukim wanpela lapun meri olsem bubu bilong em i sindaun long beksait long kanu. Em i nogat tok moa. Em i save olsem em i no bihainim ol toktok bilong bubu bilong em. Tupela i kamap long

ailan na Kotok em i ronowe igo long haus bilong em na lapun meri ya i go na stap wantaim bubu na Poning long haus bilong tupela.

Long gutpela pasin bilong Poning, lapun meri i kamap gutpela pren bilong em. Ol i stap inap wanpela yia i pinis na bubu bilong Poning i tokim em olsem em taim nau bilong em long kisim meri. Tupela lapun meri ya i redim ol samting bilong Poning na bikpela moning tru em i stat long pul igo long ailan longwe.

Taim em i go kamap em i bihainim gut tru ol toktok bilong tupela lapun meri. Tasol taim em i laik rausim kulau narapela klostu tu i laik pundaun. Olsem na em i kisim tupela wantaim na kam daun. Hap san yet em i putim tupela kulau long beksait bilong kanu na pul igo bek. Taim em i kamap klostu, em i harim

nois long beksait tasol em i no tanim. Em pul yet igo na kamap long ples.

Nau taim em i tanim em i lukim tupela yangpela meri stret i sindaun long beksait long kanu bilong em. Bubu meri bilong em tu i kam na em i kirap nogut long lukim tupela meri. Poning i tokim bubu bilong em olsem narapela kulau klostu i laik pundaun olsem na em i kisim tu i kam daun.

Em i tokim bubu olsem narapela em bai givim long bikpela brata bilong em na narapela em bilong em stret.

Nau tupela brata i maritim dispela tupela kokonas meri na ol i kamapim ol famili bilong ol yet na stap long dispela naispela ailan bilong ol.

Namakar Aruam Madang

Givim sampela tingting long helpim mipela i amamasim ol pren

Dia Laiplain

Mi na man bilong mi i no save dring na tu, mipela i no bisi long lainim rot we mipela i miksim ol strongpela dring long ol pren sapos mipela i holim bung.

Tasol taim mipela i gat bung wantaim ol poroman, bai i olsem wanem, inap mipela i tokim ol poroman olsem mipela bai i no inap long sevim ol strongpela dring? Em bai orait tu long tokim ol gest long kisim ol strongpela dring bilong ol yet i kam?

HOSTESS

Dia Pren

Planti man long PNG i save ting olsem ol i no inap long gat gutpela amamas sapos ol i nogat strongpela dring long bung o pati bilong ol.

Dispela longlong pasin i wok long bagarapim planti laip na sindaun tude na tu, kamapim planti sosel na iekonomik hevi.



Laiplain i save kisim planti pas long ol lain i gat hevi wantaim strongpela dring na mipela i amamas long kisim pas long wanpela man husat i ken stap amamas, maski em i no dringim strongpela dring.

Taim yu no kisim o abrusim strongpela dring, yu givim gutpela piksa long ol poroman, ol woklain, helt bilong yu bai gutpela,

sevim mani long yusim long ol gutpela samting na yu ken lukautim gut ol pikinini bilong yu.

Bikos yu na man bilong yu i no dring, i no olsem bai yutupela i baim strongpela dring long ol poroman. Nau ol i save na ol i no ekspektim o lukluk long yutupela long gat strongpela dring bilong givim ol taim ol i bung long haus bilong yupela.

Em i no gutpela pasin long ol ges i kisim strongpela dring i kam long haus sapos ol i no putim o kisim gutpela toksave long yu. Sampela taim ol i ken dring tumas na kamapim trabel na mekim samting we ol narapela pipel i no inap amamas long en.

Wok long givim ol dring em i stap long papamama bilong haus. Na yupela i ken sevim ol sof dring, kodiel na ol dispela kain we ol bikpela man bai amamas long dringim.

Laiplain

TOKSAVE

Salim hevi na wari bilong yu i kam long - LAIPLAIN, PO Box 6047, BOROKO, NCD. Yu ken ringim mipela long telpon namba 3260011. Mipela i no inap autim trupela nem bilong yu tasol bai mipela i yusim nem tru na etres bilong yu long salim bekim pas i go long yu.



Tok pilai wantaim Kanage olgeta wik

na em i krosim em.

Kanage i wari na em i tok, Mams yu kros ya. em orait mi bai go dring solwara na dai," solwara i klostu long ples. Em nau Kanage i wokabaut i go daun long wesana na i go insait long solwara.

Em nau Misis Kanage i ron i kam daun na i tok. "Kanage yu tingim mipela tu o? Kanage i tok, "wari blong yupela, dai nabaut.

Baga i go insait moa long solwara. Misis i tok," Olsem wanem long ka? Kanage tok, "yu ken tekova. Wara i kam inap long bel nau.

Misis i singaut strong nau. Kanage olsem wanem long ol pikinini? baga i tok, Mi lusim long gutpela han bilong yu.

Solwara i kam inap long nek stret nau. Misis i lusim laplap na singaut long Kanage na i bikmaus, "dedi, na mi nogut o? Kanage tanim pes na lukluk i go bek na em i tok." Oh Daiana Lewa, I kam bek for you. Em nau Kanage i kam bek long nambis.

Tom Raino Wewak

Kanage bilong Tinputz na wanpela taim em i go raun long wanpela stua long Tinputz.

Em i go insait na em i lukim wanpela gutpela kap na em i kisim i go long stua kipa na i laik baim. Stua kipa tokim em, brat, yu no laik baim narapela kap i stap ya, em gutpela kala na naispela ya.

Tasol Kanage tokim stua kipa, laik blong em yet. Laik blong em yet. Na stua kipa tok, brata mi tok long narapela kap i stap ya. Na Kanage tok gen, laik blong em yet.

Laik blong em yet. Stua kipa harim olsem em westim taim olsem na em larim Kanage baim kap tasol na go ausait long stua.

Cyprian Keno Bongenvil

Kanage em plisman long Tambul na wanpela taim ol plisman i go long sekim ol prv na ol ka long Murmur pas sek poin.

Ol i sekim ol ka i go na wanpela Toyota Dyna bilong ples i kam na Kanage tokim draiva long stopim ka na em i laikim laisens na ol samting.

Orait Kanage tokim draiva long putim lait na em sekim lait pinis na em askim gem long signal lait na em i sekim na olgeta lait i wok gut.

Orait Kanage askim draiva long putim long brek lait. Taim draiva putim long brek lait, Kanage igo long fran bilong ka na lukluk i stap na em i no lukim wanpela lait bilong brek lait.

Olsem na em singaut long draiva, hei draiva, olsem wanem na brek lait bilong yu i no on. Na boskru i bikmaus i go bek long Kanage, yu wok plisman longpela taim nating na save bilong yu i drai pinis.

Brek lait i stap long beksait ya, yu okei o yu smok mariwana na kru bilong yu i paul pinis?. Olgeta manmeri antap long ka i lap i dai nogut tru long Kanage na Kanage sanap sikirapim het na tok orait yupela win.

Yupela i ken go, tasol neks raun bai mi sasim yupela long ovalod.

William Topex Kopono Hagen Siti

Wanpela taim wanpela waitman i kam lukluk raun long ples bilong Kanage taim em i kam kamap em askim.

Husat em lida bilong dispela ples na Kanage wantu tasol bekim olsem em lida bilong ples. Em nau waitman ya i askim Kange long kisim em i go long narapela ples bikos em i laik go kisim ol poto.

Olsem na Kanage bekim long tok Inglis olsem, yes masta, I take you photo. Tasol waitman ya i no wari tumas long tok inglis bilong Kanage na tupela i tekov lusim ples na igo nau.

Tupela i wokabaut i go na waitman i pilim tait na em i laik malolo. Olsem na em tokim Kanage, I want to rest.

Taim em i tok rest, Kanage ting waitman i

laikim rais olsem em na ron i go long narapela ples na askim ol manmeri long givim rais. Ol i givim rais pinis na kisim na ron i kam bek long givim masta.

Kanage tokim waitman, sori, ol pipel no kuk rais so they give mi kol rais tasol for you.

Taim waitman ya lukim em lap tasol na tokim Kanage, I dont want your rice, I got my food in the bag. I said I want to rest. Kanage sem nogut na mekim save long kaikai piva kol rais i stap na waitman i lap nogut tru long Kanage.

Ankol Keno Bongenvil

Kanage wantaim lapun meri bilong em i stap i go na wanpela taim lapun meri i kisim bikpela sik na i dai.

Olgeta manmeri i harim nius long dai bilong Misis Kanage na olgeta i kam bung long haus krai na krai wantaim Kanage i stap.

Kanage i lewa bruk stret na kilim skin long krai i stap.

Em i krai i go na toktok wantaim olsem. Sori o lapun bilong mi, yu lusim mi na mi wanpis bai mi stap. Em orait tasol mi no inap lusim tingting long yu.

Mi bai tingim olgeta samting yu mekim long laip bilong mi.

Insait long haus, gaden, maket o stua yu save go em mi bai istap. Ples yu save go em mi bai istap.

Betsit na pilo yu save slip long en em mi stap. Kanage krai olsem i stap na em i lukim meri tambu i go long toilet na Kanage krai bikpela na tok, yes ya, toilet yu save go em mi stap tu.

Taim meri tambu i go long toilet ya i harim olsem em askim, yupela em yumi krai tru tu o yumi mekim pani istap.

Olgeta manmeri i harim na lap nogut tru long Kanage.

Manki Kawas Bongenvil

Misis bilong Kanage i go long wanpela bikpela bung bilong ol mama. Long bung ples ol mama i bungim ol kaikai na ol i kukim gut tru i stap. I no longtaim meri bilong Kanage i luksave long wanpela sospen olsem na em i go askim husat i mama bilong dispela sospen.

Em i askim i go na wanpela meri Simbu i tokaut olsem em sospen bilong em. Bikmeri ya i tok em i baim long wanpela selsman long rot.

Nau meri bilong Kanage askim sapos meri ya i ken tokaut long wanem kain selsman tru. Em nau meri Simbu ya i tokaut.

Man ya em liklik lek na bikbel, gras tanim na tit i ros olsem wata melon ya. Man ya i olsem drai skin man i nogat wara long skin bilong em na as bilong tu i nogat mit.

Em salim sospen i stap na mi ting turangu i sik na i laik go long haus sik long kisim marasin olsem na mi baim sospen bilong em long K20.

Taim meri bilong Kanage harim em i save pinis na em kaikai tit na i go long haus long kilim dai Kanage long salim nupela sospen bilong em.

Tasol aste yet Kanage i save long trabel bilong em olsem na em i baim ol lus botol na i go hait pinis long blok.

Jim Kelly Sabama Blok

Kanage bilong ples Smain long Dagua. Wanpela taim em i kisim ka bilong em na go long Wewak taun. Long apinun em i spak na kam long ples.

Em i lusim ka i stap na em i go sanap long dua bilong haus kuk na i singaut long Misis. Mams yu kuks o mi hangs ya. Misis i harim

Kanage



Mi raun tasol! Yu save, Kain bilong em!!

NOKEN LUS TINGTING!

SALIM OL PANI STORI I KAM LONG KANAGE. EM STORI PES BILONG YUMI OLGETA YAH!!!

KANAGE EM I STAP LONG YANGORU HAIWE.. WANPELA TAIM PATER BILONG WEWAK I LAIK GO KISIM BISOP LONG MAPRIK NA GIVIM SIKSTI I GO NA BAMIM DOK BILONG KANAGE LONG ROT... EM I NO WET BIKOS BISOP BAI KISIM BALUS LONG WEWAK...



AIYOO SNUPI!!!

KANAGE EM BELHAT NA WETIM PATER LONG KAM BEK...



YU KAMBEK BAI YU PILIM HAN BILONG MI!

NAU PATER WANTAIM BISOP I KAMBEK...NAMEK LONG ROT EM KANAGE I WET I STAP...



STOP! HOLIM LONG HAP!



YU TASOL KILIM DOK BILONG MI DAI! INAP YU STEP AUTSAIT NA YUMI STRETIMI HARIAP!

INAP MI STRETIM TUMORA? ER.. BISOP I WET LONG GO LONG WEWAK...



YU STRETIM NAU! NOGUT MIPELA PAITIM YU! STRETIM NAU!

PAITIM EM TASOL! PEIM KOMPENSESIN NAU TASOL!



TAIM PATER I KAMAUTSAIT LONG KAR. OL I TING EM SOTPELA MAN TASOL EM TRAIPELA MAN TRU...EM FOLDIM HAN BILONG SIOT IGO ANTAP NA TOKIM OL ...

ORAIT.. SAPOS YUPELA I LAIK PAIT, YUPELA I KAM LONG TEN TEN. INO WAN WAN, SO MI KEN PAITIM YUPELA HARIAP HARIAP. BIKOS BISOP I WET LONG GO LONG WEWAK EAPOT...YUPELA PLANTI GRUP SO KAM LONG TEN TEN NA MI WIPIM YUPELA HARIAP HARIAP, NOGAT TAIM...

TAIM KANAGE HARIM OLSEM EM PRET NA TOKIM PATER OLSEM OL I GIAMAN TASOL...

ER.. PATER MIPELA GIAMAN TASOL... NOKEN WARI, BAI MIPELA PLANIM DOK.. YU KEN GO..

Nupela hetkota bilong NARI bai strongim agrikalsa

OPENING bilong nupela het opis bilong Nesenel Agrikalsa Rises Institut (NARI) long Lae long dispela wik bai helpim long mekim institut olsem wanpela lida long agrikalsa rises insait long PNG.

Ekting het bilong AusAID long PNG em Dokta Jane Lake i bin tok dispela nupela bilding we Yuropien Yunien i bin fandim bai larim NARI i go hetim gutpela wok long bildim strongpela agrikalsa sekta insait long kantri.

"Stat yet long 1998, Australia em i wok patna wantaim NARI na i kam inap nau, em i givim K35 milien long helpim na teknikal sait.

AusAID i skruim dispela sapot i go long wanpela yia moa long helpim sait bilong sapot sistem. Na em bai skruim fainensel sapot yet sapos dispela projek i go gut," Dokta Lake i bin tok.

Dokta Lake i tok insait long las faivpela yia, kontribusen bilong Australia long Nesenel Agrikalsa Rises Sistem (ACNARS) i kamapim planti gutpela wok we i kamapim:

- Helpim ol woklain long ol sotpela trening bilong ol etvaisa bilong Australia i givim;

- Sapotim laibreri wantaim ol buk we ol saientis inap long kisim helpim long ol rises wok bilong ol, sanapim ilektronik databeis sapot long kamapim ol koporet na teknikal pablikesen o ol pepa na niusleta long helpim ol;

- Kirapim kedet trening program long ol nupela greduet na ol saientis bilong NARI bai kamapim ol gutpela saientis we dispela institusen yet i kamapim;

- Developim trenspere na kliapela fainens kontrol sistem.

Ol dispela skil o wok na save i helpim gut NARI long kisim fainensel helpim i kam long ol dona ejensi na rises patna na nau, moa long 30 projek we ol dona fanding i helpim i kirap pinis na i gohet na sampela em klostu taim bai ol i kirapim ol. "Dispela sapot i bai lukim olsem ol bikpela agrikalsa rises program na projek i go het.

"Australia i wok wantaim gavman bilong PNG long go hetim ol

bikpela agrikalsa rises na developmen na prodaksen level bilong ol agrikalsa prodak i ken go antap na tu, ol i ken kamapim ol gutpela rot long menesim ol rurel program na projek," Dokta Lake i bin tok.

Em i tok rivyu we ACNARS i sapotim i soim olsem i gat gutpela wokbung namel long ol na NARI. Na ol dispela rises projek na program i fokus long fud sekyuriti na ol rot bilong kamapim mani long en.

Long wankain taim tu, Prais Minista Sir Michael Somare i tok Nesenel Gavman bai go het yet long sapotim NARI.

Em bin wokim dispela toktok long opening bilong nupela NARI hetkota bilding long Bubia insait long Lae long dispela wik Mande.

Nupela NARI opis bilding em i kostim K2 milien long sanapim na fanding i bin kam long Yuropien Yunien.

Prais Minista i bin tok gavman i luksave olsem rises em i bikpela hap long developim agrikalsa invesmen sapos dispela bai helpim kantri.



Chevron pinis wok long PNG • Tupela bikman bilong Chevron i bilas gut tru long liklik sindaun bilong ol. Ol i tok gutbai long PNG.

Nupela Fiseris Kredit Skim i kamap

OL manmeri bilong PNG i stap insait long fising eria na bisnis bai kisim gutpela samting aninit long nupela fising kredit skim we nesenel gavman i tok orait pinis.

Aninit long dispela Fiseris

Kredit Skim (FCS), ol PNG manmeri i stap insait long fising bisnis inap long kisim helpim mani long baim bot na tu, kari-maut ol arapela projek na helpim i sut long fising eria.

Minista bilong Fiseris Andrew Baing i bin tokaut long dispela samting long fanfanding dina bilong Pipels Progres Pati las wiken.

Em bin ol ol PNG pipel i mas stap insait long ol wok bilong yusim ol risos na kamapim mani we bai helpim gut laip na sindaun bilong ol.

Rurel Developmen Beng na Fiseris Kredit fasiliti bai lukautim dispela fiseris mani kredit skim.

Mista Baing i tok amamas long Prais Minista Michael Somare long tok oraitm dispela nupela kredit skim i kamap we em i tok, dispela bai helpim ol PNG pipel long stap insait long ol wok long skruim wok mani na developmen bilong kantri.

Long wankain taim tu, Mista Baing i bin tok i gat tingting pinis long kirapim wanpela kredit skim long ol welpam bisnis long kantri.

Kina wok long sanap strong
...Bikos PNG wok long salim moa samting i go aut

BIKEPELA level bilong ekspot o ol samting we PNG i salim i go ausait long ol arapela kantri long dispela taim i helpim long strongim Kina egens long strongpela Dola bilong Amerika na Australia. Na long dispela wik, nogat senis o pondau i kamap, mani maket ripot bilong dispela wik i tok.

Ripot i tok level bilong maining na agrikalsa ekspot i stap strongpela na dispela bai strongim yet Kina egens long ol arapela wol mani.

Ripot i tok long las wik, ol ekspot PNG i bin mekim i go ausait long ol narapela kantri i bin winim ol impot o ol samting we kantri i kisim i kam long ausait na mekim kina i sanap strongpela.

Ripot i tok strong bilong Kina bai stap gut olsem i go insait long nupela yia.

Is Nu Briten i holim wanpela kos bilong bisnis

WANTAIM strongpela toktok na lukluk long self reliance ol pipel, ol skul, na kantri long painim rot long helpim ol yet, Is Nu Briten i holim wanpela bisnis kos.


Tripela wik kos we i bin stat long Oktoba 13 na i pinis long de namba 31 i bin kamap long Ravalian Lodge i bin pulim samting olsem 19-pela manmeri long en.

Ol lain ya em ol instrakta bilong ol vokesenel trening senta, ol bisnis haus na ol wan wan bisnis man na meri.

Tripela tisa i bin kodinetim dispela kos em long Manase Weoea i makim Enga, Kori Maraga bilong Pot Mosbi na Natingis Kapor bilong Kimbe long Wes Nu Briten.

Kos ya em wanpela Humen Risos Developmen Program we i kam aninit long Employment Oriented Skills Development project (EOSDP).

Provinsel EOSDP Kodineta Emma Dimain i bin tok bikpela tingting ol i gat long holim dispela kos em long helpim ol pipel i stopim pasin bilong askim tumas long helpim na givim pipel save long kirapim ol liklik bisnis bilong ol yet.



• Nau i gat sans long olgeta fising bot insait long PNG bai i gat gutpela wok gohet long wanem i gat nupela Fiseris kredit skim long helpim ol. Gavman i givim orait pinis long dispela kredit skim. FAIL POTO

INTEREST RATE STATISTICS PROVIDED BY THE BANK OF PAPUA NEW GUINEA

BUSINESS INDEPENDENT MONEY MARKET

Rates Quoted for Term Deposits by the Commercial Banks (%)

	Westpac	ANZ	BSP	Maybank
Up to K100,000		(a)		
3-6 months	4.25	4.50	4.00	5.25
6-12 months	4.25	4.75	4.25	5.25
12-24 months	5.25	5.00	4.85	5.50
Greater than K100,000	NEGOTIABLE OR ON APPLICATION			
Indicative				
Lending Rate (b)	14.95	15.00	13.25	15.00
Passbook Savings (c)	3.00	2.00	1.50	3.25

(a) ANZ rates for up to K50,000. Over K50,000 negotiable or on application
 (b) Indicative rate upon which lending rate is based.
 (c) Passbook savings rate is paid only on the minimum monthly balance.

ANNOUNCEMENT OF GOVERNMENT TREASURY BILL AUCTION RESULTS as at 05/11/2003

Maturity	Weighted average yield of successful bids (%)	Bids received (Kina million)	Successful bids (Kina million)
28 days	17.02	102.81	35.36
63 days	17.56	31.83	31.83
91 days	17.56	49.75	49.75
182 days	17.50	106.46	106.46

THE BANK OF PNG IS OFFERING THE TAX FREE INSCRIBED STOCK FROM ITS PORTFOLIO

Series	Maturity	Yield (1) (%)	Holdings (Kina)
S242003	1 March 2003	8.45	9,439,300.00
S252004	1 Jun, 2004	8.60	19,193,000.00

For further details & application
Telephone: 322 7360 or 322 7271
 (1) Tax exempt

WANTOK

TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

ADALT EDUKESEN

NASU TECHNICAL EDUCATION AND CONSULTANTS

1. ENROLMENT OPEN FOR TECHNICAL COURSES

- Auto Mechanic, Carpentry, Welding, etc....
- Must have completed grade 6, 7, 8, 9, 10 and above

2. EMPLOYMENT OR APPRENTISE

- Must have completed P.E.T.T. Courses, Vocational Training, I.C.S. etc.....

3. CASHIER/SALES COURSE FOR LADIES ONLY

- Must have completed grade 6, 7, 8, 9, 10 or above

4. SHORT COMMERCIAL COURSES

- Stock Taking, Bank Reconciliation, Petty Cash, Management, etc.....

5. COACHING OF SCHOOL CHILDREN

- Grade 5, 6, 7, 8, 9, 10, Code Students etc.....

Entry test opens for 2003.

Telephone: 325 9976/326 3477/310 9376

Location: 4 Mile

BINS VANILLA

BEANS VANILLA PURITAU LTD

Attention: Vanilla Farmers!!

We buy quality vanilla beans @ good prices.

Freight FREE

Tel: 311 2802; Fax: 311 2551

Email: puritau@global.net.pg

ELECTRICAL & ACCESSORIES



Call in and see us For all your electronic needs

- Spare Parts
- Tools
- Equipments
- Repair to TVs, Radios, etc

We are located at the corner of Wards Road and Spring Garden Road, Hohola, NCD.

Ph: 325 1952 Fax: 325 4743

MINING KAGO

THE GOLD PAN

Liklik Maining Masin bilong Salim Proline Gol dredge, 2.5", 3", 4", 5" na 6" hai banka comb, Metol detekta, Slus bokis, Gol dis, Gol wil, Rok krasa, Mekuri ritot na Planti moa ol masin bilong helpim yu kisim Planti gol hariap long taim yu wok gol.

I gat ol sevis long helpim yu painim gol long Ples bilong yu.

Mipela save baim gol na tu givim skul long Hao long baim na salim gol. Long olgeta Tunde na Fonde mipela save soim ol man we masin bilong mipela i save wok.

Contek Gol Pan POM - Phone/Fax: 323 6052 or fax: 325 2959

Wewak - Phone/Fax: 856 1466

PISIN TANIM TOK



TRANSLATION

WORD PUBLISHING IS OFFERING TRANSLATION SERVICES, TRANSLATE ENGLISH TO

TOK PISIN & MOTU

FOR MORE INFORMATION CALL BONNER HUI ON

PHONE 325 2500 OR FAX 325 2579.

email:

wordadvertising@global.net.pg

BAIM GOL

Gol Baia - Metals Refining Operations

Givim gutpela prais insait long kauntri bilong yumi. Ino namel man ibaim long yu. Kam na salim gol bilong yu stret long opis bilong MRO.

MRO istap long Seksen 451, Alotment 2, Kuila Estate, Kameron rot, Waigani P.O. Box 3980, Boroko, NCD Papua Niugini

Phone: 325 2647 or Fax: 325 2959

LITERESI

Nesanel YWCA

i sponserim wampela kompetisen bilong o man na meri husait i winim 18-pela kriema long rait. Dispela em long makim dei bilon Nesanel Literesi wik, we bai i kamap long 8th igo inap long 12th Septemba long dispela yia. Dispela ol man na meri i mas staj long literesi skul o greduet pinis long kair skul.

TOPIK: Wai na em i impotent long mi long save long rid, toktok na rait long Inglis? Longpela bilong stori em 1-3 peges. Yu ke rait long tokples, tok pinis o motu.

Sapos yu rait long tokples, givim long pasto, kaunsol o Inglis tisa bilong yu long tanim igo long motu, tokpinis o Inglis bai i jas iken ridim. Dispela man o meri mas sai long soim olsem ol i tanim tokples.

Dispela kompetissen bai pas long 17th Ogas long dispela yia.

MENESMEN SEVISES

MANPOWER

Management Services Limited (Fast and Efficient Service)

- Training & Localisation programs
- Work Permits
- Visas
- Company Incorporations
- IPA Certifications (Reminders automatically remitted)

Contact: Helen, Liz, Telephone: 321 5491 / 321 5492 Facsimile: 321 5493 Email: manpower@daltron.com.pg



ISLANDS HR MANAGEMENT SERVICES LTD

A bridge to your future career Specialise in the following activities

- HR Management
- Business development
- Rural / NGO Funded projects
- Training & Localisation
- Recruitment & Labour Hire
- Passport & Work Permits
- Secretarial Service

We are located at Suit 8 Level 1 Garden City, Angau Drive, Boroko

Email: islandshrmc@datec.net.pg

PO Box 889, Boroko, NCD

Ph: 323 4955 Fax: 323 4799

MARASIN PRODAKS

BIO-NORMALIZER

A Product of Scientific and Medical Research by Dr Jame Akira Osafo, a Japanese renowned Scientist and Doctor.

A PRODUCT THAT HAS ABILITY TO CURE:

Diabetes, Disease of the Liver, Heart, Kidney, Hepatitis A, B, Paralyze, Epilepsy, Stress, Mental Disorder, High Blood Pressure and much more.

This Nutraceutical product is totally safe and use by various age group including pregnant mothers, new born babies, etc..

For more information

Phone/Fax: 323 1712

Our Office:

Champion Parade -Town Garden City Ground Floor

REKODING STUDIO



WE CAN OFFER

- Digital Recording
- High Speed Dubbing
- Album & Demo Production
- Commercial Audio Jingles
- Hire of Studio Equipment
- Public Address System
- Bulk Cassette & Compact Disk Orders
- In-house DJ Music
- Live Bank Entertainment

For any of the above services please contact Douglas on Tel/Fax: 326 1523 or write to: Manager, PO Box 339, UPNG

PRINTING



THE PRINTING HOUSE

Telephone: 321 4743

OR

Come in and see our state of the art located along the waterfront in the area opposite SP Brewery, Gordons

SKIN PROBLEM

SKIN PROBLEMS?

Specialist skin doctor, Dr Talvat is now available for Consultation in Port Moresby.

Please call Sr Vivienne on 323 6700 or fax 323 0009 for enquiries and appointment.

If you have no access to telephone, feel free to visit the PH Clinic located in the Pacific Pharmacy within the RH Hypermart, Kennedy Road, Gordons.

SEKANHAN KLOS

KIM HOLDING

USED CLOTHING CLEARANCE SALE

Phone: 321 3054 - 326 3600

Address: GORDONS BAIKULI

Men's T-shirts K250, Ladies T-shirts K250, Ladies Blouses K250, Ladies Trousers K250, Ladies Skirts K250, Ladies Shorts K250, Ladies Jeans K250, Ladies Suits K250, Ladies Dresses K250, Ladies Coats K250, Ladies Jackets K250, Ladies Bags K250, Ladies Shoes K250, Ladies Accessories K250

Prices range from K495.00 - K660.00 Available & New Stocks Jeans Shorts, Jeans Trousers, Children Jean, Mixed Short, Beach Short, Hemmed Short, Skirt Cotton Pant, Tropical Pant, Skirt Pant, Ladies Dress Flanel Shirt, Floppy Pants, Cut Jeans, Printed T/S Mix T/Shorts, Golf T/Short, R/Neck T/S, Cargo Short, Cargo Trousers, Denim Shirt, Children Shorts, Bed Sheets, Pillow Cases, etc. Additional New Stocks Hunting Jackets, Rugby Polo Jerseys, Polo T/Shorts, Collar L/S, Ladies Suit Shirts Blouse, Ladies 3/4 Pants, Cotton Blouse, Mix Jerseys, Ladies B Mixed Bales AA Supreme @ special price Special Discount for bulk buyers Located at Cameron Trade Centre No. 11 off Cameron Road next to Arnotts Biscuit Factory - Gordons. Please contact us for any queries in range of 325 4955 - K650

SEKANHAN KLOS

FRIENDTEX LTD

P.O. BOX 5049 BOROKO

PHONE: 323 1471

FAX: 323 1479

Dealers & Wholesalers

Spend Less For Best

Dealers & Wholesaler Secondhand Clothing A Visit is a Must

Prices range from K495.00 - K660.00 Available & New Stocks

Jeans Shorts, Jeans Trousers, Children Jean, Mixed Short, Beach Short, Hemmed Short, Skirt Cotton Pant, Tropical Pant, Skirt Pant, Ladies Dress Flanel Shirt, Floppy Pants, Cut Jeans, Printed T/S Mix T/Shorts, Golf T/Short, R/Neck T/S, Cargo Short, Cargo Trousers, Denim Shirt, Children Shorts, Bed Sheets, Pillow Cases, etc. Additional New Stocks

Hunting Jackets, Rugby Polo Jerseys, Polo T/Shorts, Collar L/S, Ladies Suit Shirts Blouse, Ladies 3/4 Pants, Cotton Blouse, Mix Jerseys, Ladies B

Mixed Bales AA Supreme @ special price Special Discount for bulk buyers Located at Cameron Trade Centre No. 11 off Cameron Road next to Arnotts Biscuit Factory - Gordons. Please contact us for any queries in range of 325 4955 - K650

TREID DAIREKTRI

FAIR EXPORTS LIMITED

We buy Crocodile Skins

MON - SAT

RENTIS HOUSE STANLEY SPRINGADE, PORT MORESBY

Tel: 321 4755

Fax: 321 4751



WANTOK KLASIFAID

SAPOS YU LAIK ADVATAIS O SAVE MOA LONG KLASIFAID PES BILONG MIPELA, RINGIM BONNER HUI LONG 325 2500 O FEKS LONG 325 2579.
EMAIL ADRES EM wordadvertising@global.net.pg.

TOKSAVE

TOKSAVE



LUKAUT LONG PAWA LAIN I STAP ANTAP

PNG POWER I LAIK TOKSAVE LONG OL PABLIK LONG LUKAUT GUT LONG OL PAWA LAIN I HANGAMAP ANTAP TAIM OL I PILAI, WOK OA KISIM OL FRUT LONG DIWAI I STAP KLOSTU OA I PAS LONG PAWA LAIN.

YU KEN KISIM BAGARAP OA DAI SAPOS YU HOLIM OL HAP AIN NA OL DISPELA AIN I PAS LONG PAWA LAIN.

RINGIM 24 HAUA SEVIS LAIN BILONG PNG POWER LONG 325 6988 SAPOS YU STAP LONG MOSBI NA RIPOTIM OL DIWAI I PAS LONG OL PAWA LAIN.

SAPOS YU STAP LONG OL NARAPELA HAP, LUKIM PNG POWER OFFIS KLOSTU LONG YU NA TOKSAVE LONG OL WOKMAN.

Toksave i kam long
PNG Power Pablik Rilesens



TOKSAVE BILONG OL KRISMAS LAIT

PNG POWER I LAIK TOKSAVE LONG OL PABLIK LONG ASKIM STOAKIPA LONG APPROVAL SETIFIKET BILONG PNG POWER BILONG OL KRISMAS LAIT OL I LAIK BAIM.

SAPOS STOAKIPA I NOGAT SETIFIKET BILONG PNG POWER, YU NOKEN BAIM DISPELA LAIT LONG WANEM EM I KEN KAMAPIM BIRUA LONG YU.


BAIM OL KRISMAS LAIT I GAT BIKPELA PLASTIK SKIN I KARAMAPIM WAIA. NOKEN BAIM OL KRISMAS LAIT I GAT LIKLIK PLASTIK SKIN I KARAMAPIM WAIA.

Toksave i kam long
PNG Power Pablik Rilesens

LONG BAIM O RENTIM

TOKSAVE


FOR SALE OR RENT



Portion 343, Milinch of Malahang Fourmil of Huon, Busu Road City of Lae.

Old Rothman's office and warehouse totalling 1,322.35 square metres.

Ample laydown area, with additional land for future development.



For further information contact Jeremy Burgess General Manager Word Publishing on telephone 325 2500 or fax: 325 2579, email: wordgm@global.net.pg.

For inspection of the site contact Mal Kerro on telephone: 479 1433 fax: 479 1444



DEPARTMENT OF LANDS & PHYSICAL PLANNING

PUBLIC NOTICE

FORFEITURE OF STATE LEASES

The Department of Lands & Physical Planning wishes to advise it's Individual & Corporate Clients that;

1. **Notice to Show Cause** are being served on State Land Lease Rental Defaulters.
2. Following our **Notice to Show Cause**, you have 14 days as of the **Date of Service** to respond or **Show Cause** as to why your property or properties should not be forfeited.
3. Failure to respond will immediately effect forfeiture action to be taken against any property or properties **whether improved or unimproved**.

If you have changed your address please inform us on telephone 301 3200 or fax 301 3201.


Pepi S. Kimas
Secretary

**DEPARTMENT OF FAINENS****NOTIS I GO LONG OLGETA
SAPLAIA BILONG OL GUDS NA
SEVIS I GO LONG OL NESENEL
DIPATMEN, OL PROVINSAL NA
LOKOL LEVEL GAVMAN.****1. PASIM AKAUN BILONG 2003**

Gavman bai pasim akaun bilong 2003 Fainensel Yia long taim olgeta gavman bisnis i pas (C.O.B) long 31 Disemba, 2003.

**2. OL GAVMAN OPIS TU BAI STOP LONG KISIM OL SAMTING O
KAMAPIM ARAPELA KOS MOA**

Olgeta wok we ol gavman opisa i laik mekim o kamapim bai stop long 19 Disemba 2003 olsem na bai i nogat ol guds na sevis bai i kam bihain long 19 Desemba 2003. Tasol wok bilong peim ol peimen bai go het inap 31 Desemba 2003.

Long lukim olsem i nogat peimen bilong dispela yia i stap i go long 2004, olgeta saplaia bilong gavman i mas stretim ol pepa bilong ol (ILPOCS) na salim i kam hariap long opis bilong mekim peimen sapos ol i givim pinis ol guds na sevis i go long ol gavman dipatmen.

Ol fainensel kontrola i stap pinis long ol dipatmen i save spendim moni long sekim gut ol samting na bihain mekim peimen.

Sapos yu bungim sampela hevi long ol kleim bilong yu, yu mas hariap na toktok wantaim dipatmen i go pas long wok bilong yu o toktok wantaim Pablik Akauns Divisen long Fainens Dipatmen long telefon namba 328 8201.

Authorised by


THADDEUS KAMBANEI
Secretary for Fainens

Ol provins bung long Provinsel Gem



• Nambawan Provinsel Gem we i kamap long Goroka long las wiken.

Wanwan provins i bin salim ol spot manmeri bilong ol i go long dispela pilai. *OL POTO JAMES KILA*



Ol Spot Dro

Toksave

Toksave i go long-olgeta spot asosiesen insait long Hailans, Momase, Niugini Ailan na-Sauten rijon olsem Wantok Niuspepa bai amamas tru long yupela i ken salim ol stori bilong gem na ol spot dro o poin lata bilong yupela i kam long olgeta wik. Wantok niuspepa bai amamas long putim ol stori na dro wantaim poin lata bilong yu bai ol membas bilong yu i ken ritim na save gut long ol gems bilong yupela na taim bilong pilai. Salim ol i kam long:

WANTOK NIUSPEPA - SPOT
P.O. Box 1982. BOROKO. NCD.
Telepon namba: 325 2500
Fax: 325 2579.
email: word@global.net.pg

DRO

Hohola Okkainhens op sisen ragbi lig kompetisen

Hohola Ragbi Lig graun

Sande 16/11/03

- 10:00 Négifi Bears v Usu United
- 11:00 Hohola Magpies v JV Bulldogs
- 12:00 Morata Hawks v Waribi Brothers
- 1:00 Kaiyo Storms v B.rna Panthers
- 2:00 TK Maroons v Yamaso Raiders
- 3:00 Kanage Spiders v GH Eagles

Pot Mosbi Fairfax volibal mesa semi fainel Sir John Guise Indo Kompleks

Sarere 15/11/03

Kot 1 meri

- 8:30 Telikom 1 v Fire Fox (WA boul) kot 1
- 8:30 CAA v Bismarck Sharks (WAR boul) kot 2
- 8:30 Bismarck Sharks v Esi Loan Niebas (MAR bouls) kot 3
- 8:30 Raukele v Fire Fox (MA boul) kot 4
- 10:00 Esi Loan Niebas v Amotts IPA (WAR kap) kot 1
- 10:00 United Dolphins v Auto Tech Fresh Hits (MAR kap) kot 4
- 12:00 Telikom v United Dolphins (WA kap) senta kot
- 2:00 Esi Loan Niebas v Boomers (MA kap) senta kot

Pot Mosbi meri sofbol

Sarere 15/11/03

Raun 1 wik 3

Daimon 3

- 9:00 Manalos v Dolphins C- 16 Daimon
- 10:30 Wantok v Chebu B
- 12:00 ICE Kopex v Manalos B
- 13:30 Gazelle v SP A
- 15:00 AB Bears v Dolphins A

Daimon 2

- 9:00 All Stars v Admiralty C- 16
- 10:30 AB Bears b SP B
- 12:00 Dolphins b Admiralty B
- 13:30 Chebu v All Stars A
- 15:00 Wantoks v Admiralty A

NCD Pablik Sevens Soka Asosiesen (NCDPSSA)

SSarere 15/11/03

Bisini 1 pul 1

- 8:00 DLPP v Forestry (man)
- 9:30 Forestry v DLLP (meri)
- 11:30 CIS v Mining/ Petroleum (meri)
- 12:30 Mining/Petroleum v CIS (man)
- 2:00 PNG Power v N/Parliament (meri)
- 3:30 N/Parliament v PNG Power (man)

Bisini 2 pul 2

- 8:00 Waterboard v PTB (man)
- 9:30 PTB v Waterboard (meri)

- 11:00 SSD McGregor v Health (meri)
- 12:30 Health v SSD McGregor (man)
- 2:00 Attorney General v Air Niugini (meri)
- 3:30 Air Niugini v A/General (man)

Sande 16/11/03

Bisini 1 pul 1

- 8:00 L/Employmen v Fisheries (man)
- 9:30 Fisheries v L/Employmen (meri)
- 11:00 Cellnet Telikom (meri)
- 12:30 Telikom v Cellnet (man)
- 2:00 PMNEC v Transport (meri)
- 3:30 Transport v PMNEC (man)

Bisini 2 pul 2

- 8:00 NJSS v IRC (man)
- 9:30 IRC v NJSS (meri)
- 11:00 Teachers v Education (meri)
- 12:30 Education v Teacher (man)
- 2:00 Pantel v BPNG (meri)
- 3:30 BPNG v Pangtel (man)

Toksave:

Health na PMGH i bung wantaim long kamapim tim Health Air Niugini na Plant & Transport i bung wantaim. Pastaim long ol tim i pilai eksekutiv i askim bai olgeta i mas baim afliiesen fi bilong ol bipo long ol i go long fil. Las wik em fes wik bilong pilai na sapos ol i no baim orait eksekutiv i gat rait long rausim poin bilong ol. Na eksekutiv i tok sapos long dispela namba tu pilai ol tim i no baim yet fi ol bai rausim tim long kompetisen.

PRIVATE COMPANIES NETBALL CLUB

Draw: Round 1, Game 7

16/11/03

PREMIER

- 01.00 Fairdeal vs BSP 1
- 01.45 CCA vs BAT
- 2.25 Courts 1 vs Daltron
- 3.10 Post Courier vs Brian Bell

DIVISION 1

All games in round 1 has been played. The following are extra games

- 01.00 APNG 1vs Pryde
- 3.10 SPB 1 vs APNG 1

Other teams will rest and wait to start round 2

DIVISION 2

- 01.00 STC Merc vs EFM
- 01.45 Holiday Inn vs Aussie High Comm
- 2.25 APNG 2 vs Deloittes
- 3.10 STC Merc vs Theodist

DIVISION 3

- 01.00 Trukai vs ANG
- 01.45 National vs Mobil
- 2.25 PACOM vs Kenmore 1
- 3.10 OSL 1 vs CCC

Division 4

- 01.00 PNG Printing vs GFI
- 01.45 AVIS vs QBE
- 2.25 Curtain Bros vs Datec 1

3.10 Kina Security vs HDPNG

Division 5

- 01.00 Lamana vs MJ Dwyers
- 01.45 PWC vs Pom Trans
- 2.25 LBC vs Datec 2
- BYE: NTIL (Kolita)

Division 6

- 01.00 Moore vs Anderson
- 01.45 ANZ 2 vs BSP 2
- 2.25 WPac 1 vs BDW
- 3.10 Boroko Motors vs Meddent

Division 7

- 01.00 Remington vs HCC
- 01.45 Fincorp vs Westpac
- 2.25 Kenmore 2 vs Wantok Niuspepa
- 3.10 STC H/ware vs Renos

Division 8

- 01.00 SPB 2 v MRDC 1
- 01.45 Abel vs OSL 2
- 2.25 EMTV vs STC Shipping
- 3.10 Marsh vs Shell PNG

Division 9

- 01.00 Johnstons Pharmacy vs PNGSF
- 01.45 Pacific Industries vs Club Group
- 2.25 PSF 1 vs Ray White
- 3.10 Arnotts vs Qantas

Division 10

- 01.00 Hertz Rent A Car vs Paraka
- 01.45 SBS Electrical vs POSF 2
- 2.25 MRDC 2 vs Courts 2
- 3.10 Century 21 vs Ela Motors

Division 11

- 01.00 Stars Fisheries vs Kenmore 2
- 01.45 UNDP vs RH Hypermart
- BYE AON Risk
- MGI Kolita KPK
- SUSPENDED Mirupasi Lawyers
- PNG Printing 2

TOKSAVE: Bai i gat kibung bilong ol maus-meri bilong ol tim long Rita Flynn Netbal Kots long Sande Novemba 16 long 10.30 long moning. Olgeta i mas kamap long dispela kibung.

risalt

Morata op-sisen lig (09/11/03)

- Kone Tigers graun**
- A gred**
- Knights 10 w Warriors 5**
- Panthers 10 w Talapia 6**
- Buldogs 14 w Sharks 6**
- Tigers 13 w East 12**
- Mumut 16 w Hawks 12**
- Megusa 8 w Raiders 4**

HAP SPOT NIUS

Pot Mosbi Fairfax Volibal holim gren fainel

Paul Zuvani i raitim

LONG strong volibol kod Pot Mosbi Fairfax volibol kompetisen i kamapim 8-pela gren fainel long dispela Sarere long Sir John Guise Indo Kompleks.

Ol dispela pilai bai kam long winim meri na man A gred boul, meri na man A resev boul meri na meri na man A resev kap na meri na man A gred kap.

Long A gred pilai bilong meri Telikom bai bungim kompetisen United Dolphins bihain long ol i autim kompetisen lidas Esi Loan Niebas long priliminari fainel.

Long dispela pilai Telikom i gat planti ekspiriens na olsem ol inap long stapim Dolphins. Ol gut taim pilaia bilong Telikom olsem Dorothy Eliakim (kepten), Paula Dick, Alice Ito, Pauline Sanginumbuk, Karol Kageni na seta Wendy Yikolisa i mas helpim tim long win isi. Telikom i kwin bilong Pot Mosbi volibal taim ol i stap wantaim NCD volibal na nau ol i stap long Fairfax volibal kompetisen. Ol i win klostu olsem 10 yia olgeta na i nogat wanpela meri tim i abrusim ol. Sapos ol i winim gren fainel dispela bai 11-pela yia olgeta.

Long sait bilong Dolphins dispela bai nupela taim bilong ol long gren fainel. Tasol ol i nupela tim, ol i gat ekspiriens tu.

Ol i gutpela long i go kam long kot na paitim bal strong. Sapos Telikom i no was gut dispela bai namba wan win bilong ol. Ol bai kisim strong long Hazel Vovote, Martha Dick, Martha Awadu, Jean Kairi, Ceslie Ila, Josephine Dick na Iru Tabe.

Tasol ol i no ken daunim Boomers. Boomers i gat nem tu ya. Ol bai traime olgeta strong na long las wik ol i rausim tiket bilong Raukele long kamap long gren fainel. Kos Jonathan Wala bai mas askim ol pilaia bilong em long kamapim wankain pilai olsem ol i bin pilai las Sarere. Ol pilaia bilong ol olsem Kabua Patana, Kone Gaudi, Momo Tunapa, Boge Rova, Ben Sturges, Maino Morata, Hiri Gureki, Greg Baeau na Sebea Kabua. Ol dispela pilaia i bai helpim Boomers long winim taitel.

Esi Loan Niebas long narapela sait i nupela tim long siti kompetisen. Ol i save pilai tasol long kompetisen bilong ol long Gereka ples tasol gutpela stail pilai bilong ol na olsem ol i kamap long gren fainel. Sapos ol i win dispela bai histori win bilong ol. Kos bilong ol Donald Keneki bai tokim ol long pilai wankain stail. Ol bai mas pilaim ofensiv na defensiv pilai wantaim. Keneki bai larim kepten Frank Charlie long dairektim pilai long kot. Na Charlie bai kisim helpim long Kaiva Arua, Donald Karo, Raymond Ovenu, Joe Tom, Jonathan Iga, Willie Hui, Va'ae na Torae Hui.

Long meri A gred bouls Telikom 2 bai nek wantaim Fire Fox.

Kos Keneki i tok: "Mipela i lukluk tasol long win. Dispela i namba wan taim bilong mipela long kamap long pilai bilong siti na olgeta haus lain (ples) bai kamap na sapatim tim. Sapos mipela i win em bai bikpela win.

Dispela pilai bai stat long 8:30. Na long bouls A resev meri pilai bai stap namel long CAA na Bismarck Sharks. Long bouls A resev man pilai bai stap namel long Bismarck Sharks na Esi Loan Niebas na Raukele bai bungim Fire Fox long man A gred boul. Long meri A resev kap pilai bai stap namel long Esi Loan Niebas na Arnotts IPA na long A resev man pilai bai stap namel long United Dolphins na Auto Tech Fresh Hits.



• Steven Mali bilong Yunivesiti i wokim liklik stail bilong em.

FIBA kamapim nupela websait

Paul Zuvani i raitim

NARAPELA Sarere bai lukim Federesin bilong Intanesenel Basketbal Asosiesen (FIBA) i kamapim websait (komputa lain bilong salim na lukim ol toktok) long wankain taim em holim ol Olympik Basketbal Tonamen bilong ol man.

Dispela websait i bihainim websait we FIBA i bin kamapim long stat bilong dispela yia tasol wantaim long nupela we long lukluk na tokaut long ol wok bilong em.

Long dispela ol eksekutiv i laik bai ol lain ol manmeri i laikim dispela spot, ol yangpela, ol pilaia na olgeta narapela ol man.

Ol i tok long taim bilong opim

dispela websait bai i gat piksa na ol toktok bilong dispela taim wantaim i kamap. Wantaim long dispela bai i gat vidio piksa tu long soim ol samting bilong asosiesen.


Ol sampela samting we ol bai soim long dispela nupela websait em ol manmeri husat i yusim dispela websait bai painim nius long ol bikpela tok olsem nius, evens, pilai, trening, long asosiesen yet, long ol komputa masin o websait em asosiesen i yusim, long maketing (soim em yet) long televisan na long ol buk.

Long kona bilong nius bai i gat kain samting olsem i gat apdet nius bilong wanem ol samting i wok long kamap long wan wan bilong wol, ol bikpela stori na ol

piksa. Dispela kain toksave em asosiesen bai kisim long 212 asosiesen husat i afiliat long em.

Long kona bilong pilai ol bai tokaut long nupela lain (komyuniti/taun o kantri) we i laik lain long basketbol. Ol man husat i lain long basketbal bai lainim kain samting olsem besik lo bilong ranim na pilai basketbol, ol samting ol man i gat na pilai basketbal na toktok bilong basketbal.

Trening kona bai i gat stori bilong ol profesenal kosa, referi, dokta na maketing lain. em bai gat ol toktok bilong ol manmeri husat i pilai basketbal long wol. Bai i gat planti ol narapela gutpela toksave long dispela websait long amamasim ol pipel na kamapim basketbal long PNG.



Yu kam · Ol foapela boksa bilong Manus i sanap ausait long YC Hol redi long go insait long bikpela pait bilong ol. Manus Boksing Tim i lukluk long winim sampela medol long dispela provinsal spots resis long Goroka long dispela wik.
Foto: JAMES KILA

Peka strongim Morobe developmen skwat long PNG provinsal gems

James Kila i raitim

SOKA tim bilong Morobe insait long namba wan PNG Provinsal Gems long Goroka Isten Hailans provins i soim tru pawa long winim tupela gem bilong ol long bikpela skoa tru.

Insait long namba wan gem bilong ol long Mande Morobe i rausim trausis bilong Wes Nu Briten 5-3. Dispela gem i bin strong tru long namba wan hap. Long namba wan hap ol boi Wes i skorim 3-pela gol na Morobe 1.

Planti lain i ting olsem ol boi Wes bai winim dispela gem, tasol long namba tu hap ol boi bilong Wopa kantri i kambek

strong tru na suvim 4-pela gutpela gol na lokim stret ol boi Wes na winim gem 5-3.

Insait long narapela gem Morobe i bagarapim tru sindaun bilong Oro 7-0. Dispela gem i bin wansait tru bikos ol boi Morobe i statim gem gut tru wantaim gutpela bal kontrol na trikim stret ol boi bilong Oro.

Kosa bilong Oro, Carson Victor, husat bipo em nesenol golkipa bilong PNG i no amamas tumas long kain pasin Morobe i mekim long putim ol nesenol pilaia egens tim bilong em.

Victor i tok dispela gem em bilong ol rurel o grasruts spots, tasol pasin Morobe i

mekim long bringim ol nesenol pilaia long pilai i no gutpela.

Sampela ol nesenol PNG pilaia i stap long Morobe tim em ol lain olsem Yanding Tomba, Mauri Wasi na Michael Foster.

Kosa bilong Morobe Ludwig Peka i bekim ol toktok olsem 9-pela pilaia bilong em i kam long ol distrik long Morobe. Ol distrik ya em Finsafen, Bulolo, Nadzab, Wampar, UMI LLG na Morobe LLG.

Peka i tok em i kisim sampela tasol long Lae Futbol Asosiesen (LFA) na Lahi long pilai long tim.

Em i tok tu olsem bikpela namba bilong ol pilaia em ol anda 23 developmen skwat

em i wok long developim ol.

"Mipela i gat gutpela netwok long ol distrik na dispela i mekim mi long glasim ol pilaia," Peka i tok.

Peka i tok tu olsem ol i bihainim ol lo na gaidlain bilong PNG provinsal gems long kisim developmen sait bilong ol long pilai insait long dispela gems long Goroka.

"Dispela developmen sait em mipela i mas redim long ol bikpela nesenol tonamen na gems long bihain taim," Peka i tok.

Long narapela ol soka gem long Mande i lukim ol Chauka bilong Manus i fofitim Westen Hailans na bihain ol boi Nokondi i winim Chaukau 1-0.

**JEKPOT
K500
PRAIS MONI**

PAINIM BAL RESIS NAMBA 8

RUL BILONG PILAI"

1. makim X long poto yu ting bal i stap long en insait long bokis stret.
2. makim X long pen tasol.
3. Katim poto long sisos na salim long **PAINIM BAL RESIS NAMBA 8**
Wantok niuspepa. P.O. Box 1982, Boroko NCD.
4. Nambawan entri i makim stretpela hap bai i stap, em bai win.
5. Las de bilong kisim ol entri em pinis bilong olgeta mun.
6. Long Wantok bilong Januari 30 bai gat niupela K250 prais moni resis. Bai gat reisi bilong olgeta mun i go inap mun Desemba, 2003
7. Disisen bilong komiti i makim wanpela wina em fainol.
8. Wina bai kisim sek mani, na i no long kes moni.
9. Sapos nogat wina bai skruim win moni i go antap long narapela resis.
10. Yu ken salim moa longwanpela entri, tasol noken yusim poto kopi.
11. Ol wokmanmeri na pikinini bilong Wantok niuspepa i no stap long dispela resis.

Raitim nem na adress bilong yu long hia

Nem:.....

Adres:.....**Krismas**:.....

Lae Bros sutim Mosbi Defence i go daun long winim Sevens resis

Paul Zuvani i raitim

LONG wankain wei we tupela bikpela siti bilong Papua Niugini oltaim i save pait Lae Brother long las Sande i sutim go daun Pot Mosbi Defence 40-17 long winim MRDC/PA 2003 ragbi union Wanderers Sevens tonamen Kap.

Wantaim long kap Brothers i kisim tu K10,000 prais mani. Bihain long ol long dispela prais mani em Defence i kisim K2,500.

Long plet fainel KKS i wilwilim Goroka Silverbacks 24-15 long kisim K2,000 prais mani na Silverbacks i kisim K1000. Long boul fainels Daru Cranes i daunim Pot Mosbi Harlequins 22-12 long kisim K1000 na Harlies i kisim K500.

Ol dispela fainels i kamap bihain long fes de, Sarere we 18-pela tim i kamapim ol strongpela pilai long painim wina bilong ol dispela awod.

Las yia em fes yia bilong kamap bilong Wanderers Sevens tonamen we i lukim 14 tim i kamap na pilai na Pot Mosbi Wanderers i winim dispela pilai we ol i kisim kap wantaim K5000 prais mani. Tasol long dispela yia namba bilong ol tim i go antap wantaim long praise mani.

Ol oganaisa bilong dispela tonamen i gat bilip olsem moa tim bai kamap long ol bihain taim tonamen. Ol i statim dispela tonamen long strongim ragbi union kod long dispela op-sisen taim.

Long Sande gren fainel Brothers wantaim Defence i stat wantaim strongpela spirit/ long win tasol Brothers i win bihain long Defence i

bungim sampela hevi klostu long pinis bilong pilai we sampela pilaia bilong em i kisim bagarap.

Tasol moa long dispela strong bilong Defence i pinis hariap insait long pilai yet we Brothers i kisim sans, surukim ol na brukim banis long skoarim tripela trai we i kam long Willie Kalata, Moses Asimba na Winston Ninjipa. Kalata i kikim tupela gutpela konvesen. Dispela i givim ol gutpela 19 poin lid. Long bekim Defence klostu long pinis bilong hap taim i skoarim wanpela trai tasol we i kam long Henry Pius. Skoa i sanap Brothers 19-5 long lukim tupela i kisim hap taim malolo.

Bihain long hap taim Brothers i kamap strong long surukim mak bilong ol i go antap 26 taim pilai-meka Gideon Asimba i dairektim trafik long mekim wei bilong Albert Kaupa long putim trai.

Defence i bekim bek long putim tupela trai we i lukim skoa i sanap 17-26. Tasol dispela i mekim bel bilong ol Brothers long pilai strong moa we i lukim spidman bilong ol Damien Meleko na kepten Sam Koi putim tupela gutpela konvesen trai.

Long amamas bilong em Koi i tok: "Mi amamas tru long win. Mipela i amamas long winim ol (Pot Mosbi) long graun bilong ol.

"Tim i pilai gut tru we i lukim mipela i pilai wantaim sampela top tim long hia. Mi save olsem win bilong mipela i kam long wanem mipela i redi gut.

"Bikpela tenk yu long ol oganaisa bilong ol dispela tonamen.

Morobe redim tim bilong traime Enga

MOROBÉ Tambuaks i redi nau long go bungim ol lain bilong Enga long wanpela nupela kain ragbi lig salens namel long tupela provins. Dispela ragbi salens bai kamap long Porgera eria long dispela wiken long nupela pilai graun long Paiam.

Tasol Morobe Tambuaks bai bungim hevi long lain ap bilong em bikos ol i lusim olpela Kumul fowet na kepten bilong Lae Royals Leo Kondai long tim bikos em i no save kamap gut long trening.

Nau bai Tambuaks i lukluk long makim nupela man long kisim ples taim ol i wok long redi nau long traime dispela nupela salens long dispela nupela Paiam stadium long Porgera.

Dispela em astingting bilong Gavana bilong Enga provins Peter Ipatas long bungim ol Enga

bilong ples na ol Enga bilong taun na siti long pilaim ragbi lig we ol ples lain i ken lainim ol sampela nupela rul na stail bilong pilai na tu ol lain husat i gat nem long pilai tu i ken skulim ol arapela.

Sem taim tu ol i noken sindaun nabaut taim gem i pinis na lusim gem bilong ol long dispela taim bilong krismas. Ol i mas pilaim sampela kain ol sisen gem olsem long stap fit yet inap long sisen i stat gen long neks yia. Dispela gem bai kisim ol lain long Goroka, Hagen na Mosbi we ol Enga i stap.

Ol pilai bilong Morobe Tambuaks em Lucas Tura, Jonah McKay, Richard Koi, Mathias Ausa na Apo Kolemba we em ol sampela eksperiens pilai bilong kisim tim i go long Porgera long dispela wiken gem.

NCD pablik sevans soka i no stat gut

PABLIK Sevans soka resis long Mosbi (NCDPSSA) i no kamap gut bihain long sampela dipatmen i no bin kamap long soka graun long pilai tupela wiken nau.

Dispela pablik sevans soka resis em wanpela bikpela soka resis insait long Mosbi siti we i save pulin laik na interes bilong planti gavman wokmanmeri na famili i go long pilai graun olgeta wiken.

Presiden bilong asosiesen Simon Koima i tok em i no amamas long kamap bilong sampela dipatmen taim dispela pilai i stat tupela wiken nau.

Sampela tim we ol i bin kamap gut tru long las yia i no bin soim ol yet nau taim pilai istat na dispela ino gutpela tru, Koima i tok.

Koima i tok stat bilong gem i bin kamap wantaim ol fofit olsem na ol wanwan dipatmen i mas tokaut sapos ol bai i gat tim o nogat.

Em i tok dispela i kosim asosiesen bikos ol i mas baim ol referi na tu baim soka graun bilong holim pilai.

Koima itok wanpela bikpela pilai bai kamap long dispela yia em long soka salens namel long Lae na Mosbi long Desemba 14. Olsem na ol i mas statim gem nau bilong makim skwat bilong dispela gem namel long ol pablik sevans bilong Lae na Mosbi.

Asosiesen bai holim kibung bilong em long Novemba 17 long bod rum bilong Atoni Jenerel. Taim bilong miting i stat em long hap pas 3 (3.30pm).

Ipatas sapatim lokel lig

PAIAM Stadium, Porgera Enga provins bai soim bikpela ragbi lig kompetisen bilong Enga taim ol tim i pilaim Gavana Peter Ipatas Sil long dispela Sande.

Wantaim long ol liklik tim em tupela bikpela tim- Morobe Tambuaks na Porgera Nuggets bai soim strong bilong ol.

Tasol bipo long go long Porgera Tambuaks nau i bungim sampela hevi long ol gutpela pilai bilong em. Kepten bilong ol na bipo PNG Kumuls prop na Royals kepten Leo Kondai i kisim sampela bagarap long lek bilong em. Dispela i mekim na em i no inap long tren na pilai wantaim tim.

Long kisim ples bilong em menesmen i makim bipo Hailans Zon prop na Mt Hagen Eagles Andrew Kanamon. Pilai long prop wantaim Kanamon em David Roo.

Kosa Joe Katsir i tok i tru kem bilong em i gat dispela kain hevi skwat bilong em i tren hat long kamapim gutpela pilai taim ol i bungim Porgera Nuggets. Helpim Katsir long kos em Timothy "Kaimo" Kepa.

Ol ogenaisa i bilip olsem Nuggets tu long sait bilong ol i wok long redim ol yet gut long sapos dispela pilai i kamap em i kamap olsem wanpela mini (liklik) Stet ov Origin.


"Mipela i wok long tren hat na redim mipela long kamap long dispela pilai.

"Bai mipela i soim kain pilai we ol Nuggets mas traime strong bilong ol long kisim mani bilong ol," Katsir i tok. "Long go pas planti ol pilai bilong mi i gat eksperiens. Mi gat ol gutpela pilai olsem Bombers Jonah McKay, Lucas Tura, Richard Koi, Mathias Akusa na Apo Kolemba."

Dispela pilai em Gavana Ipatas yet bai opim na ol manmeri i bilip dispela bai wanpela bikpela pilai insait long provins.

Ol eksektyiv i hop ol tim bai stat kamap long Fraide. Eksektyiv bilong tim tu bai stap long dispela pilai. Ol dispela eksektyive em Alex Dawa na David Kaupa. Ol eksektyiv bilong Lae long ol go em Alex Dawa, Ross Kaupa.

Ol kampani husat i sponsorim dispela pilai Lae Biscuit, Ox & Palm na wanpela lokal bisnis.



Yumi go • Wanderers 7's ragbi yunion eksen long Sarere. Foto: JOE IVAHARIA

Ol meri Samatex redi long Wau soka fainel

Egareka Greg Noine i raitim

OL susa bilong Samarai i strong yet long holim pas taitol olsem kwin bilong Wau soka resis insait long Morobe provins. Ol meri Normils soka klap i holim dispela taitel long 1998 i kam inap nau. Long las wiken ol i autim KS soka klap na i stap wetim gren fainel long neks wiken. Ol i win wantaim 1-0 skoa long fultaim.

Normils wantaim KS i pilai wanpela strongpela gem. Ol i ronim gut bal na salim gut bal i go i kam long fil we planti manmeri mak olsem 400 lain olgeta i kamap long lukim dispela gem.

Liklik asua tasol i putim Normils igo pas long skoa bot. Em long taim fulbek bilong KS long lephan i paul taim Lucy Tomeng bilong Normils i salim wanpela sot bal i go long 10 mita mak na i go arere long gol mak.

Nancy Assiak fulbek bilong KS i go aut pinis long 10 mita mak na taim em i ron i kam bek long

stopim bal dispela tasol lep winga bilong Normils Aiya Saema i muv isi tasol na butim i go insait long golmak insait long 14 minit bilong namba wan hap bilong gem.

Long fainel hap KS i pait hat long levelim skoa tasol strongpela banis bilong Kimi Richard, na Buka Seama na Rachel Mangan i daunim strong bilong ol straika bilong KS.

Long midfil gutpela sapot pilai i kam long swipa Rose Rodney na Lucy Tomeng i pilai gut na sapatim beklain na franlain wantaim.

Kosa Ralph Richard i tok eksperiens bilong ol i helpim Normils long winim dispela gem na em i tok moa olsem em i amamas long lukim ol meri Normils i sambai long gren fainel.

Long dispela wiken ol mama bilong Donna Harvey United i daunim strong bilong ol meri haus sik Zairas na bai bungim Normils long gren fainel.


Long gem bilong ol man, Kaindi i strong moa yet na

rausim Zairas long dispela wik Sarere na bai sambai long holim bek taitol em i bin winim long Wau.

Donna Harvey United mens soka tim i bungim haus sik Zairas long Sande na autim tiket bilong ol bihain long wanpela strongpela gem i nogat skoa na i go insait long ekstra taim na ol brata United i winim long golden gol rul bihain long 3 minit bilong ekstra taim.

Dispela gol i kamap taim gutpela wok bung wantaim i kamap namel long senta em John Waiwe, Sam Bongsi na Sam Farro long ranim gut pilai na skoa. Dispela gem tu i bin i gat ol lain i save makim skwat long tupela tim wantaim i soim stret ol kain stail bilong soka tasol kepten Sam Farro i tok ol i winim bikos long eksperiens bilong ol pilai.

Long sait bilong Zairas em Tobias Werip, Bob Jerome, Joe Billy, Willie Pokiau Kusuan i traime strong tasol taim i sot.




• Praivet kampanis netbal eksen namel long Brian Bell na Coca-Cola. Foto: JOE IVAHARIA

LAEBISCUIT



WANTOK Spots

LAEBISCUIT



Provinsel tims bai makim PNG long Arafura Gems

James Kila i raitim

OL PROVINSEL tim husat i stap long Goroka nau i wok long kamautim olgeta strong bilong ol long winim gem long wan wan spot na go pilai long bikpela gems olsem Arafura.

Dispela em bihain long Papua Niugini Spot Komisen eksekutiv dairekta John Kambuou husat i tok dispela Provinsel Gems inap tokaut olsem ol i namba wan tim. Em i tokaut long dispela tingting bilong Komisen long taim ol i opim ol Gems long Goroka long las Sande.

"Mipela i bilip i gat planti ol gutpela pilai i stap long kantri na olsem mipela liak promotim spots go daun tru long gras ruts level. Dispela bai givim sans long ol wan wan gutpela pilai husat i stap long liklik senta na rurel hap long stap tu long ol pilai long ol intenesenel kompetisen," Kambuou i tok.

Bihainim dispela tingting ol wan wan tim i amamas na nau i pilim olsem ol i gat sans long makim kantri na go pilai we long bipo ol i nogat dispela sans long soim talen bilong ol.

Ol spots we nau i kamap em atletiks, basketbol, boksing, dat, netbol, soka, ragbi tas, ragbi 9s na volibol.

6-pela ol 18 provins we bipo long stat bilong ol Gems i tok ol i redim tim na bai kamap long ol pilai i no kamap.

Ol dispela provins em Bogenvil, Nu Ailan, Sandaun, Milen Be, Galp na Westen. I gat tok olsem sampela i tok ples i longwe long go o

sampela long las minit i sot long mani. Ol provins we i stap long ol pilai em Morobe, Madang, Is Sepik, Isten Hailans, Simbu, Westen Hailens, Sauten Hailens, Enga, Oro, NCD, Wes Nu Britan na Manus. Is Nu Britan na Sentral bipo long stat bilong pilai i no tokaut long tingting bilong tupela. Tasol ol opisa i bilip ol i gat hevi long mani na olsem ol i no bin redim tim.

Opening bilong ol gem i kamap gut we wan wan provins i soim kala bilong em.

Morobe i mekim samting tru taim ol i putim tumbuna bilas bilong ol na mas i go insait long taim bilong ol long mas. Wantaim long dispela ol i putim grin na gol kala bilong ol.

Deputi Gavana bilong Isten Hailans i opim ol pilai. Long opening toktok em i tok sori olsem i bin gat inap mani sapot i kam long gavman o ol bisi-nis haus. Olsem na em i givim salens long wan wan Nesenenel Gavman, ol Memba na bisi-nis haus long putim mani long we maus bilong ol i stap.

Em i tok dispela em trupela Papua Niugini pilai we kantri i ken painim trupela spotman o tim na olsem ol lida i mas redi long givim sapot.

Long makim gavman bilong em Isten Hailens i putim K10,000. PNG Spots Komisen i putim K10,000 na PNG Spots Federesin i putim K10,000. Trukai, Best Buy na Coca Cola i helpim wantaim kaikai na dring.

• 4-pela kas manki long Goroka long tradisinal long Provinsel spot resis

Singaut long rausim PNGFA esksekutiv

EKSEKYUTIV bilong Papua Niugini Futbol Asosiesen i brukim lo bilong PNGFA long stap yet long opis.

Dispela em long wanem taim bilong ol long pinis em long April 1, 2003.

Tasol tok i kamap olsem ol i stap yet long wanem long wanpela hait miting we ol afili-et i no save long em we ol i vot na surukim taim bilong ol long wok yet.

Presiden bilong Lae Futbol Asosiesen John Peka i autim dispela hevi bihain long planti asosiesen husat i afiliet long PNGFA i sainim wanpela pepa long askim eksekutiv bilong PNGFA olsem ol i mas pinis wok.

Ol i tok stap bilong ol dispela eksekutiv i brukim lo na olsem eksekutiv yet i save

olsem wanem samting ol i tok na pasim nau yet i no stap aninit long lo.

"Stap bilong ol nau na ol disisen na samting ol i mekim i no tru long wanem ol i no wok aninit long lo," Peka i tok.

Em i tok long lo bilong PNGFA we long Seksen 46 i tok: b- Wanem samting we bai i mas kamap mama lo em general asembli yet bai vot na tok orait long em.

Long ol man i kamap eksekutiv bilong PNGFA ol bai mas kisim vot long general asembli. Dispela em ol eksekutiv bilong nau i no bihainim taim ol i makim ol yet long wanpela hait miting.

"Ol dispela eksekutiv i mekim samting long westim taim bilong ol afiliet tasol. Ol i laik amamasim ol yet na i no

tingting long helpim ol man-meri long pilai soka.

Wantaim long dispela Peka i tok ol asosiesen i gat wari olsem standet bilong soka i wok long go daun long wanem ol dispela eksekutiv i no save wok bung wantaim ol.

Em i tok sapos tim bilong kantri i go pilai long narapela kantri maski sapos ol liklik Saut Pasifik kantri, ol dispela kantri i save winim gut tru Papua Niugini.

"Dispela i soim tru kala bilong ol eksekutiv bilong PNGFA nau.

Em i tok sapos dispela ol eksekutiv i stap yet Papua Niugini bai painim bikpela hevi long lukautim soka.

Ol afiliet husat i sainim pepa na askim ol eksekutiv long pinis em NCD Pablik Sevens

Soka Asosiesen, Simbu, LFA, Madang, Goroka, LAHI, NBPOL, Kaiapit, Alotau, Enga, Mt Hagen, Skul Boi's Soka, Higaturu Oil Palm, Bogenvil, Kavieng, Rabaul, Vanimo, Bel (Madang), Hekari, Aitape, Gaifar (Markham), Finschafen, Nadzab, Wau na Boana.

Tasol long bekim tok ekting general sekreteri bilong PNGFA Noel Mobihia i tok em i no inap long bekim ol dispela toktok long wanem dispela tok long votim presiden bilong PNGFA i stap long kot.

Sapos em i tok em bai kalapim wok bilong kot na bai brukim lo long dispela.

I gat save olsem ileksen bilong presiden ino inap go het long wanem David Chung na Ainea Sengero i kisim kot oda long stapim dispela ileksen.

Arrow
Proudly made in PNG

Liklik prais bisket oltaim! Always hits the spot

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.